



## B. C. D.



### §. I.

es in Germania nostra remotissimis temporibus & a prima gentis origine gestas, iusto historiarum filo expedire difficillimum est. Hominum enim incuria, scriptorumque defectu eae obliuioni traditae iam dudum euanuerunt, & nobis inde saepe praeter coniectandi licentiam, aut nihil, aut parum admodum restat. Humanum tamen genus libri mortalium vetustissimi, iidemque gentibus sacri ab Armenia arcessunt. Ibi nati populi reparatique memorantur, altissimo inter maria Asiae loco, vnde Tigris Euphratesque nascuntur in Oceum declives, & oppositi *Phasis* atque *Araxes* in Eu-

Humani generis origo in Armenia.

A

xinum



xinum mare aut Caspium vergunt. Circa horum fontes primam Adami sedem a Mose collocatam apparet: eadem accolarum interpretatio est, quam multis eruditis probatam doctissimus RELANDVS renouauit, argumentisque iuuit (a). Nam & *Pison* regionem aluit auro abundantem, vnde Phasin esse facile credas, quem auri causa deinde Argonautae adiere. Nec abhorret *Gebonem* pro *Araxe* haberi, dum in aduersa quoque parte Caspii maris alias Araxes, testimonio Nubienis Geographi *Gibon* dictus, ut vtroque nomine *flumen* generaliter significatum vicinis videatur.

### §. II.

Post diluvium reliquiae generis humani in Armenia confederunt.

Postea terrarum harum cultoribus ingenti diluvio mersis, reliquias eodem fere loco ad Araratum montem Armeniae sub Noa consedisse, inde in colonias longe lateque missas proditur. Hebraeorum *Ararat* Graeci interpretes in Regum Historia (b) Armenia vertere. Idem fecit in Genesi Latinae translationis Auctor. BEROSVS apud IOSEPHVM (c) *Gordiaeos* montes nominat, IONATHAN vero Chaldaicus Paraphrastes & ONKELOS *Kardosios*, qui hodie sunt *Curdi*, atque adhuc circa Araratum vagantur.

### §. III.

(a) in Diff. peculiari de situ Paradisi.

(b) IV. Reg. XIX. 37.

(c) Ant. lib. I. c. 4.



### §. III.

Noae filios terrarum spatia partitos, proxima traditio est; *Chamo* Africam cum Aegypto & vicina Palestina obtigisse; *Iapheto*, quae in occidentem vergunt; *Semo* Asiam altiorem. Id fabula *Louis*, *Neptuni*, *Plutonis*, imperia partientium significari creditur. Sane notus est in Lybia Jupiter *Hammon*, & Aegyptus non Hebraeis tantum, sed & ipsis Aegyptiis apud PLVTARCHVM (*d*) a *Chamo* dicta. Nec abhorret *Iapetus*, Poëtarum gigas, Promethei pater ad Cauca- sum postea alligati. Itaque Scythicarum gentium sator habebatur, a quibus Celtae & Graeci promiscue, falso licet, deriuati. Graecos hoc genus retulisse apparet. Iis enim *Iapetus* pro antiquissimo acceptus est, quod BOCHARTO (*e*) notatum. Idem Graeci insulas mediterranei maris impleuere, tanquam Neptuni regna. Semi vel *Tzamis* filium *Thuram* eiusque posteros apud Assyrios imperasse vetus auctor Graecus SALMASIO (*f*) lectus habet. Idem *Thuras*, qui & *Belus*, Caucaso, Iapheti stirpe nato, bellum intulisse, scribitur apud SVIDAM vetustiorum exscriptorem.

### §. IV.

*Iapheto*, (Cham enim & Sem, a quibus nemo vel Germanos vel Saxones deducere ausus est, ad nos

Iapheti post  
steritas &  
Gomeri signatio.

A 2

iam

(*d*) de Ifid. & Osride.

(*e*) Phaleg. lib. III. c. i.

(*f*) ad Solin. p. 235.



iam non pertinent) in Genesi Mosaica filii tribuuntur *Gomer, Magog, Madai, Iauan, Tubal, Mesech & Thiras.* Figurate hic agi, & gentium, non hominum nomina proferri, BOCHARTO, & post eum eruditioribus plerisque visum est. *Gomer* certe & *Phrygia*, cuius pars *κατανενεμένη* apud STRABONEM (g) *HESYCHIV* mque vocatur, vnum idemque, *regionem* nempe *adustam*, quae nigra est tanquam ex *adustione* denotant, natura loci congruente. Et *gumra* Syris *carbonem* apposite designat. *Gomeritas* ad aquilonem Iudeae collocavit EZECHIEL (b) prope *Togarma* itidem aquilonares & mulorum educatores, cum *Tyriis* commercia exercentes, hoc est, vt ego opinor, *Cappadoces* mulorum equorumque praestantium copia celebres (i). Cappadocia autem Phrygiae contermina est, & Iudeae respectu viraque ad aquilonem iacet. Sunt, qui longius haec porrigunt ad Cimmerios, Maeotidis paludis accolas, atque inde procedente conjectura non minus audaci ex Cimmeriis Cimbros, ex Cimbris Germanos deducunt, omnesque hos adeo *Gomeritas* faciunt. IOSEPHO GORIONIDAE, *Gomeri* posteri sunt Franci, cui Turcae & Hungari, & Chazari, & Pastinace, & quicquid a Volga ad Danubium colit, a *Thogarma* deriuatur, & *Thyras* ad Russos

(g) lib. XII. & XIII.

(b) Cap. LVIII. 6. XXVII 14.

(i) V. BOCHART. l. 3 c. II.

sos refertur, qui Iosepho ad Thracas. Sed Sacrae Litterae his non fauent, de propioribus Iudeae populis loquentes.

## §. V.

Fili Gomeri *Ascanas*, *Riphat* & *Thogarma* feruntur. *Ascanios* IEREMIAS (k) Armeniis coniungit, & in Babylonios armat. BOCHARTVS ad Asiae minoris populos *Bithynos*, Phrygiae vicinos, refert verisimilius, quam Iosephus ad nescio quos *Regines*. Ibi certe fuere *Ascanius sinus*, *Ascanius lacus* & *amnis*, *Ascania regio* & *vrbs*, *Ascaniae insulae* & ipse *Pontus Axenus*, qui postea forte corrupte *Euxinus*. Nam ab inhospitalitate dictum fabula Graecorum est. Valeant itaque recentiores Iudaci horumque sequaces, qui Iosephi *Regines* de populis ad Rhenum expoununt, atque ita Ascenazem Germanorum saturem vane satis constituunt. *Riphat* Iosepho sunt Paphlagones. BOCHARTVS (l) notat, in ESDRA pro Riphate scribi *Diphat*; Paphlagones autem seruos *Tibios* dictos Graecis, quod STEPHANVS etiam Phrygibus attribuit. Et SVIDAE Phrygia olim *Tibia*. Ita Res & Daleth, litterae quam simillimae, fuerint in Genesi a descriptoribus inuicem commutatae. Eusebivs, qui Sarmatas Riphaeos, a Riphaeis credo iugis, facit, longius a vero declinat. Viciniora enim,

A 3

quae

(k) Ierem. LI. 27.

(l) lib. III. c 10.



quae diximus, magis quadrant. *Togarma* Graeci Interpretes constanter *Thorgama* & *Torgama* proferunt. Regionem indicari Phrygiis confinem, & Cappadociae finibus contineri, paulo ante attigimus. Nomen ipsum in *Trocmis*, ad Halym fluum populis, superfuisse, BOCHARTO non abnegauerim. Facile enim ex *Trocmis* fieri potuerunt *Torgmi* & *Torgami*.

### §. VL

*Magog, Me-*  
*sech & Tu-*  
*bal eorum.*  
*que terrae.*

*Magog, Mesech & Thubal* EZECHIELI (n) coniunguntur inuicem, & additur *Ros* & *Gog* incola in terra *Magog*; omnes equites, omnes ad aquilonem Iudeae siti. *Mesech* & *Tubal*, a quibus Iudei mancipia & vas aerea mercabantur (o), a *Moscis* & *Tibarenis*, terri fodinis ab antiquo celeribus, non differunt. Hi supra Trapezuntem & sub Colchide, illi circa Iberiam, vbi sunt Moschici montes, coluere. Et notatu dignum est, *tubal* hodieque Arabibus esse *squamam ferri & aeris*. Cum in Hispania quoque nominentur *Iberi*, & *Thubal* vetus gentis heros seu Deus, quem peculiari libello (p) THOMAS REINESIVS ornauit, ibidemque etiam ferrifodinae & Chalibes inclaruerint; credibile est, vocabula haec a mercatoribus per nauigationes illuc translata. *Ros* his populis iunctus

(n) XXXVIII, 2.

(o) Ez. XXVII.

(p) *De Deo Endoumico.*

iunctus apud Prophetam, accolas Araxis Armenii dabit; nam & ab alio Araxe (q), qui nunc Volga, alia Rossorum, Roxolanorum siue Russorum natio nomen traxit. Magog forte erunt, qui Maeotidi paludi nomen dedere vel debuere, eidemque in orientali lateri contigui, antequam a Cimmeriis irruentibus loco moti; quos ipsos deinde Scytha superuenientes extinxere, ab EZECHIELE Gogi nomine in terra Magogi habitantis indicati. Gogarene, quae STRABONI Iberiae pars trans Cyrum, & maxime mons Caucasus ad Gogi appellationem accedere videntur.

### §. VII.

*Madaī Medorum esse gentem, omnes fere inter-*  
*pretes agnoscunt. Iauanem cum filiis ad occidentalior-*  
*res populos pertinere appetet, Iones praesertim seu*  
*Graecos; vnde & Alexander M. apud DANIELEM*  
*(r) Rex Iauanis audit. Per Elifam a Iauane ortum,*  
*pars Peloponensi Elis indicatur. Purpuram ab insulis*  
*Elisae accersit EZECHIEL (s); & purpura Laconica*  
*olim in pretio erat. Tharsin EVSEBIUS ad Hispanos*  
*retulit, Tartessum credo in animo habens, quamquam*  
*Tharsus alias Ciliciae vrbs nota. Chittim esse Graeci*  
*maris indigenas, vix dubitabitur, inspecto curatus,*  
quod

*Madaī & Ia-*  
*uan cum suis*  
*posterioris.*

(q) HERODOT. lib. IV.

(r) Cap. VIII. 22.

(s) XXXVII. 7.



quod in Numerorum libro (t) memoratur, Bileami vaticinio, de euertendo superioris Asiae imperio (Semitarum scilicet Assur & Eber) per classe venturum ex Chitim Duce, sed mox peritum, quibus verbis Alexandrum magnum iterum designari patet. Nec aliter Author primi libri Maccabeorum (u) Canonicis proximus *Chetiim* & *Citiaeos* accepit, & Tyri quoque excidium apud *ESATIAM* (w) praedictum ad Alexandrum pertinere certum est. Quamquam non repugnauerim, etiam Italiam, cuius pars *Magna Graecia* a longinquis communi nomine comprehensam. Pro *Dodanim* in Paralipomenorum initio (x) & Samaritano Pentateucho *Rodanim* legitur. Rhodani accolas Gallos *BOCHARTVS* innui putat. Ego de Graecorum apud Massiliam colonia accipiendum existimo; nisi, quod malim, propior Palaestinae *Rhodus* insula indicetur, portu, pharo stupenda & nauigatione celebris ab antiquo; propiora enim Iudeaeae pleraque sunt, quae in Genesi indicantur. Ab his autem Iauanis posteris vel coloniis impletas esse *insulas gentium*, siue *Graecas*, in mari mediterraneo vel ad illud sitas, asseritur.

### §. VIII.

(t) *Cap. XXIV. 24.*

(u) *Lib. I. §. 5.*

(w) *XXXI. 6.*

(x) *Cap. I. 7.*

## §. VIII.

Quod restat, *Thiras* veteribus plerisque & BO-  
CHARTO quoque *Thracia* exponitur. At Thraces  
diuersi generis & oris, remotioresque a Iudeis mihi  
fuisse videntur. Vnde Thiram lubenter de *Tyro* acci-  
perem. Probabile enim est Iaphetigenas mediterranei  
maris habitatores, commerciorum causa, coloniam eo  
loci constituisse. *IOSVAS* (y) iam *Mibzar zor* siue  
*Palaetyrum* habet, vt adeo vetustiorem eam, quam  
vulgo ferunt, fuisse credas. Quae de fundatione vr-  
bis per Sidonios *TROGV*S (z), & *IOSEPHVS* (a)  
commemorant, forte de aliqua eius restauratione sunt  
intelligenda.

## §. IX.

Omnibus in vnum collectis, Mosem de populis Germani am  
solum Iudeorum stirpi cognatis locutum, reliquorum Noachi po-  
origines non attigisse coniicias. Ipse *Gog* & *Ros* no-  
minat, nec tamen inter Noae posteros recenset, vt  
aliunde hos venisse existimes. Nec improbabile, plu-  
rimas gentes in Europa, Asiae septentrione & oriente,  
Africique interiore (ne de America quid dicam) a  
Diluvio Noachico immunes degisse. Hoc enim vni-  
uersale fuisse, iam dudum Theologi quoque doctrina  
infi-

(y) *XIX.* 29.(z) *lib. XVIII.*(a) *Ant. Iud. Lib. VIII.*



insignes, inter quos & senior CALIXTVS noster fuit (b), asserere noluerunt. Quare neque a Gomere, neque ab Ascenaze, aut alio Mosi nominato peculiariter maiores gentis nostrae deriuare ausim; sed populi ex Armeniis montibus iam dudum digressi Iudeisque i-gnotioris progeniem puto. Notum interim mihi est, PHILASTRIVM inter haereticos computare, qui negant, Noachum inter filios orbem terrarum diuisisse. Sed nec male BELLARMINVS obseruauit, multa illum pro haeresibus habuisse, quae non sunt. Neque tamen communi sententiae aerius contradicere animus est, cum in rebus adeo remotis prudentem ignorantiam confiteri, quam interpretes vulgares offendere, tutius videatur.

### §. X.

De Beroso  
aliisque, qui  
de gentium  
originibus  
quaedam  
suppeditant.

Post librorum sacrorum authoritatem BEROSI Chaldaei, MANETHONIS Persae testimonia de migrationibus his nostris valerent, si modo haberentur. Ego vero vereor, ne iam & IOSEPHVS suppositios legerit pro veris. Quos IOHANNES ANNVS VITERBIENSIS edidit, confitos esse, conuenit inter eruditos. Credibile tamen puto, non omnia ab huius esse manu, sed ex antiquiorum commentis transcripta. Certe ruspatores vetustatis reperere gemmas in hoc luto reconditae eruditionis, ut appareat, scriptorem,

quis-

(b) in Comment. in Genesin.

quisquis fuerit, quaedam hodie amissa legisse: ita BARTHIVS & REINESIVS iudicauerunt, excellentes in antiquitatis studiis viri. Nec abhorret iudicium DIONYSII GOTHOFREDI in Historiae antiquae præfatione. Ipse IOSEPHVS SCALIGER aliqua de maioribus Maecenatis posita in Chronographia BERO SO subiecta secutus est, nec habuit pro panno Anniano. Hoc notandum, BERO SVM vel eius confictorem ANNIVM animaduertisse, & Germanos & alios populos Europaeos non potuisse a liberis Noae, in Sacris literis recensitis, descendere. Ut tamen a Noa eos deduceret, confinxit, hunc post diluvium habuisse vxorem Diteam, ex qua triginta adhuc liberos suscepit, gentium plurimarum satores. Nec defuere magni in Ecclesia viri, qui calculum suum adiecerunt opinioni, ut verum fatear, audaciiori.

### §. XI.

HERODOTVS Germanorum, quos Celtarum nomine comprehendit, exiguum admodum notitiam habuit. Meminit (*c*) *Istri*, quem a Celts atque vrbe Pyrene venire, & medium Europam scindere ex fama incerto refert. *Pyrenen* urbem vocat. ARITOTES tamen (*d*) rectius *Pyreneum* montem substituit,

Quid de  
Germania  
Herodotus  
habet.

B 2

quan-

(*c*) *lib. II. c. 33.* & *lib. IV. c. 48.*

(*d*) *I. Meteor. sum. vlt. c. 1.*



quanquam & hoc crasso errore, quem in libro de Admirandis auditu (e) emendat, cum ibi Istrum ex Herciniis querctis effluere profitetur. Duabus horis a fontibus Danubii iacent montana *Bar*, in quibus Furstenberga arx, an haec forte fabulae de Pyrene ortum dedere? An potius populi *Breuni* in Alpibus Rhaeticis, a quibus & Brennerus mons adhuc nomen trahit? HERODOTVS porro (f) narrat, supra regionem Vmbricorum, hoc est, Italorum, versus aquilonem fluere amnes *Carpim*, & alium *Alpim*, hosque in Istrom exire. Carpis forte *Colapis* est in Sauum se exonerans. De altero statuerem ferme, HERODOTVM aliquid audiuisse de *Albi* nostro, eumque Istrom influere credidisse. Celtarum genus Graecis demum Alexandri M. tempore innotescere coepisse DIODORVS SICVLVS testatur & *Galatas* vocat (g).

### §. XII.

TACITVS ex veterum Germanorum antiquis carminibus inducit nobis *Tuisconem*, Deum terra editum, & filium *Mannum*, originem conditoremque gentis; adeoque simul rationem reddit, cur terram, siue Herdam, vt alibi vocat, pro communi ma-

tre

Antiqua  
Germano-  
rum carni-  
na Tuisco-  
nem gentis  
conditorem  
celebrant,  
a quo Tita-  
nes, & pri-  
mi Graeciae  
coloni.

(e) audit. 100.

(f) lib. IV.

(g) lib. VII.

tre coluerit gens profana & veri DEI cultus nescia.  
Tuisconem ex Tuisch, Duitsch, TACITVS, vel, qui  
haec TACITO retulit, formauit. Nec differt ab eo  
Teutates Gallorum Deus. Tit & tiidde Saxonibus,  
thiud Gothis, thiot Francis & Alamannis, Cambris  
tiz, Aremoricis tyd, populum, gentem; & in Lege Sa-  
licateut Regem significare scimus. VLFILAE thiudi-  
nassus regnum, & thiudans Rex est. Inde Theodonum  
appellatio veteribus Bauariae Ducibus placuisse videtur.  
Ipsum d̄is apud Graecos & Dei apud Latinos nomen  
antiquissimis temporibus cognatae significationis fuisse,  
non sine ratione puto. Radix vocis est Saxonicum  
tehen, Germ. ziehen, ducere; atque ita vi originis  
eum, qui dicit populum, siue Ducem aut Regem, &  
eum quoque, qui dicitur, siue *populum* denotat. Ab  
hoc vero Theut vel Tit, siue quodam Celtarum Ger-  
manorumque celeberrimo & omnium antiquissimo  
Duce, populus, cui praefuit, Titanes dictus, Grae-  
corum fabulis inclutus. Sententiae, quod Titanes  
Celtae vel gens Celtis cognata fuerint, CALLIMACHVS (b) fauet, Apollinem celebrans, tanquam in  
Brennio Gigantum veterum siue Titanum stragem re-  
nouasset. PSEVDO-BEROSVS, quem AVENTI-  
NVS fecutus est, Tuisconem Gigantem Noae filium  
facit, alii ex Iapheto deducunt nullo arguento. TA-

B 3

CITVS

(b) Hymn. in Delum v. 174. sq.

JANZ. 1616 (1)

LAURENTIUS (2)



CITVS terra editum scribit, & filium eius *Mannam*. Titanes autem vel gigantes pariter terrigenae habebantur, quod origo ipsorum ignoraretur. Et quamvis a Noachi filiis descendisse vix dici possint; quoniam tamen a veteribus circa Caucasum collocati sunt, derivationi generis humani ex Asia admodum fauent, quam & aliorum postea populorum inde in Europam progressorum migrationes confirmant. Ibi certe primum eos egisse, multa sunt indicio. Patrem gentis *Teutatatem* siue *Tuisconem* rebus insigniter gestis enituuisse non est dubium. Prometheus Princeps circa Caucasum *Titan* vocatur. Graeci, ex alia orientis parte etiam coloniis acceptis, Iapeti filium fecere ex coniectura, non ex vero, cum ille alias generis fuerit. Filiae huius Titanis feruntur *Tethys*, *Rhea*, *Themis*, *Mnemosyne* & *Phoebe* (i), quae Graeciam & adsitas Europeae regiones primum ad meliorem frugem redegerunt. Singulae harum *Titanides* appellantur veteribus (k), ne de parente dubites; quanquam **DIODORVS SICVLVS** & alii quidam ex mare foeminam *Titaeam* fecerint, id quod apud Mythologos non insolens. A barbaris itaque Graecorum regio antiquissime & colonos & vitae politioris primordia habuit, quorum Principi idcirco diuinum honorem sub  $\Delta\delta\circ$ s nomine non immerito detulerunt. Credibile est, ma-

gnam

(i) *Diod. Sicul.*

(k) V. SPANHEM. ad *Callimach.* pag. 332. sq.

gnam Europae Asiaeque partem peruagatum vsque ad Aegyptum penetrasse, ibi sapientiae suae admiracionem excitasse, & sub nomine *Theut* pro Mercurio, vel Deo vel Philosopho summo, a posteritate cultum fuisse. CICERO (<sup>1</sup>) apposite hunc Aegyptiorum *Theut* siue Mercurium non indigenam, sed exterum fuisse affirmat. Graeci demortui nomen honoris causa *Soli* indiderunt. Ad ultimum demum Europae occidentem peruenisse, ibique vel in posteris etiam regnasse, non absimile est ex eo, quod Hispani Gallique *Teutatem* siue *Ditem* gentis suae progenitorem venerati sunt, CAESARE, LIVIO & LVCANO testantibus. Inde a Romanis postea inferorum Deus creditus, & *Dis pater* vocatus est. Veteribus enim orientis plaga superior, occidentis inferior videbatur. Vnde etiam non incongrue STRABO suspicatur, inferorum locum *Tartarum* ex *Tartesso* Hispaniae confictum. Ex Theutate autem Hispanos tandem corruptius *Togotem* vel *Togum* suum formasse, verosimile; crassiorque haec pronunciatio forte a Phoenicibus introducta est. Mennit certe *Togi* Celtiberorum siue Dei, siue Herois, MARTIALIS; & *Togotis Dei* lapis antiquus apud Lusitanos repertus, atque a REINESIO expositus. BEROSVS ANNIANI inde suum *Togum Ormam* desumit: MARIANA vero in libro de Regis institutione frustra

(1) lib. III. de Diuinit.



frustra hic ad *Dianam Toxotim*, id est, *sagittariam*, confugit. Nobis idem *Dis* ob res strenue gestas pro Marte habitus est; & dies Martis adhuc *Dienstag*, litera *n* inserta, ab eodem appellationem traxit. Galli *Ditem Teutatemque* nominabant, **CAESARE & LVCANO** authoribus. Ex eodem hoc Dite *Dianam Tauricam* olim effictam credo. Nec insolens est, Deos a gentibus modo maris, modo foeminae figura coli. Ditanam primitus vocatam fuisse suspicor ex mammis (*ditten vel titten nobis dictis*), quibus omne eius corpus refertum in simulacris & nummis veteribus cernitur. Coniecturam porro iuuat, quod & *Diana* sub *Proserpinæ* nomine, non secus ac *Dis*, inferis praesse dicatur. Apud **NENNIVM**, qui circa annum Christi DCXX. historiam Britonum composuit, habetur quae-dam relatio de gentium nobis cognatarum origine, quam author se haufisse dicit ex traditione veterum, qui incolae fuerunt in primis Britanniae temporibus. Ibi refertur *primum hominem de genere Iapheti Alanum in Europam venisse*: hunc tres filios habuisse Hisicionem, Armenonem & Negnonem: ab Hisicione descendisse *Francos, Latinos, Alemannos & Britones*; ab Armenone *Gothos, Walagothos* (voluit dicere *Wise gothos*) *Cebidos* (*Gepidas* intelligit) *Burgundos & Longobardos*: a Negno *Bogaros* siue *Boioarios, Wandalos, Saxones & Tarincos*, hoc est, *Thurin-*

Thuringos. Quae etsi fabulosa sint, indicant tamen hos populos & a Britannis pro cognatis habitos, & Germanorum Deos quoque extra patriam notos fuisse. His fictionis enim nomen corruptum ex *Tifitione* sive *Tuiscone*, Armenon vero *Arminius*, & Negno *Mannus* est.

### §. XIII.

Post Teutatem **TACITVS** eius filium Mannum Germanis praefuisse refert. Hunc ego iterum in Asia adhuc degisse suspicor, atque in Aegyptum Graeciamque expeditiones fecisse. Nec vane primum in quauis Aegyptiorum dynastia Regem *Menen* dici obseruamus. Lunam quoque, quae Graecis μῆν, nos ab eo *Mon* & *Sax. Mahn* vocare potuimus. Heroum nomina sideribus indere, inque iis venerari veteres consueuerunt. A causa enim superiore egregia quaeque venire, & post fata ad principium diuinum redire, doctrina est omnium antiquissima.

### §. XIV.

Tres porro filios Mano carmina vetusta assignarunt (*m*), e quorum nominibus proximi Oceano *Ingaeuones*, medii *Herminones*, caeteri *Istaeuones* vocati inscite admodum feruntur. Quanquam & in

De Ingaeuonibus, Istaeuonibus, Herminonibus & Arminio, Principis, pe horum & Deo.

(*m*) *Tacit. German.*



sacris, ut vidimus, non insolens, *filios* nominari gentes ab aliis descendentes. *Ingaeuones* certe non a Duce vel Principe, sed a situ dicti sunt. *Inge* enim *pratum* Anglo-Saxonibus & Anglis borealibus adhuc denotat: *Islandi* eodem sensu *einge*, & *Sueci* *eng* habent. Terminatio *vones* a *wohnen*, *habitare*, deducenda est. Indicantur ergo habitatores depressioris siue campestris soli, quod a Belgio ferme usque ad Albim protenditur, vbi incipiunt *Istaevones* siue Germani orientales ab *Ost*, Anglo-Sax. *east*, *ist*, oriens, denominati. Qui supra, *Ingaeuones* fuerunt, *Herminones*, superioris Germaniae spatium illud occupauere, in quod postea Franci cum vicinis gentibus immigrarunt. Hos ab *Hermino*, *Irmino* vel *Arminio*, Principe celebri, dictos, non incongruum arbitror, & illustris **LEIBNITIVS** idem peculiari dissertatione asseruit. Ex Hermannis facile *Germani* prodeunt. Ex *Handschu* certe veteribus *Gantus*, ex *gammarus*, nobis *Hummer*, atque ex *Germanus* Hispanis *Hermannus* factum est, ut aspirationem cum litera *G* subinde commutatam perspicias. In Asia & hic Arminius enituit, multisque seculis Arminio Cherusco antiquior fuit. Chaldaeii Persaeque duos Deos venerati sunt, unum bonum, *Oromasdem*, alterum malum, *Arimanium*. Non inepte suspicatur **LEIBNITIVS**, *Arimanium* forte magna *Asiae* parte perdomita, cum *Ormisda*, orientalium populorum Rege, conflixisse, & terrore sui nominis, ut alter beneficiis, diuinitatem meruisse.

Graecis

Graecis ex eodem *Hermes* siue *Mercurius* confictus est, quia sapientiac illis author fuit. Nec repugnem, si quis ex eodem Arimanio "Agera seu Martem Graecorum, reiecta ultima syllaba man, prodiisse dicat. Certe & nos idem numen *Arminium*, *Irminum*, *Hermannum* & *Ericum* vocauimus; vnde in quibusdam superioris Germaniae locis dies Martis adhuc *Erichstag* nominatur. Anglo-Saxones coeleste plaustrum ab eo *Irmins-Wagen*, & viam quandam in Anglia militarem *Irminstrate* dixerunt. Nos vero caprum, animal Martium, ab eodem *Herman*, & contracte *Harm* vocare solemus. Celtas Herculem suum *Ogmium* appellasse, *LVCIANVS* author est. Ego *Ormium* restituendum putavi, quae mea coniectura Leibnitianum calculum commeruit. Interim pro certo eam venditare nolim, cum apud *NENNIVM* quoque inter *Armenonis* seu *Arminii* proauos *Ogomun* occurrat, qui forte idem cum *Ogmio* fuit. Arminius autem dicto modo a Persis, Graecis, Celtis & Germanis, communis consensu, diuersas licet ob causas, diuino honore affectus est. Nec mirandum, per dissitos populos inclaruisse Heroës nostros antiquissimos, qui orbem nondum castris & propugnaculis instructum, maxima popularium multitudine cincti, & ipsa feritate innata metuendi, percurrerunt, vel necessitate, fame, peste aut inundationibus coacti, vel bellicae fortitudinis exercendae causa. Sesostris, Alexandri M. Attilae, Chingis



Chani, Tamerlanis, aliorumque recentiorum Principum barbarorum in regiones disiunctissimas expeditiones faciunt, ut omnem antiquioribus illis fidem denegare nequeamus. Vti autem inundationes terram late quidem peruadunt, sed nonnullis tantum in locis aquam relinquunt; ita ingentes illi populi vastam quidem dedere stragem, magna tamen terrarum parte percursa, in paucis tantum, & longe aliquando dissitis prouinciis, stabiles tandem colonias ad posteros transmiserunt.

### §. XV.

Germano-  
rum Celta-  
rumque ma-  
iores in con-  
finiis Asiae &  
Europae ha-  
bitauerunt.

Habitauerunt itaque primum maiores nostri Celarumque ibi locorum, vbi postea Cimmerii Scythaeque sese inuicem, HERODOTI testimonio, exceperunt, circa paludem nempe Maeotidem, & sub iugis Caucasi montis. Inde excursions fecere, & Asiae Europaeque sunt dominati. In ipsis locorum nominibus *vetus*is nationis & nostrae, & Celticae, nobis arcte cognatae, si aliae suspiciones deessent, vestigia reperimus; Graeci haec aliquando *Scythica* nominant, diuersissimas gentes confundendo, quae in eadem regione sibi inuicem successerunt. Scythes enim linguam Slaonicae, non vero Celticae aut Germanicae propinquam habuisse, ex HERODOTO concludimus, qui Sarmatas Scythice, licet corruptius paulo, loqui testatur (m). Caucasus antiquissime Graucasus dictus est,

P L I-

(m) lib. IV.

PLINIO authore (*n*); non tamen, vt ille putat, quod  
niue candidus sit; sed a *crau*, *crag*, *careg*, Celtica vo-  
ce, *rupem* designante. Eadem vox in *Carpathi* nomi-  
ne se prodit. STRABO in *Cilicia* *rupem* in mare pro-  
currentem *Crag* dictum obseruat. Alium *Cragum* in  
*Moabitide BROCHARDVS* annotat, qui STEPHANO  
*Characmoba & Mobucarax* audit. In Europa *Car-*  
*ni*, loca *Carrodunum* dicta, & notissimus ad Rhoda-  
num campus, lapidibus ad miraculum refertus, qui  
*la Crau* vulgo, appellationum rationes ab eadem radi-  
ce dependentes habent. *Graeci*, qui hoc nomine an-  
tiquissimis temporibus gauisi sunt, illud habuerunt a  
rupibus, in quibus sedes primitus constituerunt. Et  
commode veteres scriptores, primos in Graecia ho-  
mines ex montibus in subiectam planitiam paulatim  
descendisse, tradiderunt. *Albanos* populos, & *Albanum*  
fluum in *Caspium* mare se praecipitantem ab *Alpi-*  
*bis*, nobis *Alben* dictos verisimile est. *Riphaeos* mon-  
tes a nostro *reif*, *reep*, funis, cingulum, venire non  
negauerit, qui recordabitur, eosdem montes *Slaoni-*  
*ca* lingua adhuc *Kameny poyas* seu *cingulum mundi* di-  
ci. Eadem iuga aliquando *Olbia* & *Alpia* dicta, ex  
ATHENAEO intelligimus; inde vero *Obiorum* mon-  
tium, & *Obii* amnis nomen corruptum. Flumii *Danu-*  
*bis*, *Danaster*, *Danaper* & *Tanais* a se non differunt,  
nisi terminacione a posterioribus populis inducta. O-  
lim enim uno communi nomine venisse, certus sum.

C 3

*Dana-*



Danaprum siue Boryschenem ab accolis *Danubium* dici, IORNANDES author est, atque ita recte ab antiquo vocatum DODWELLVS (o) euicit. SENECAE & TIBULLO *Danubius Tanais* audit; & cum alibi SENECA *Danubium* Europam ab Asia separare dixit, *Tanaim* intellexit. Radix nominis communis forte est Celticum *ton*, vnda, vt eo vndosum flumen conuenienter admodum indicetur. Graeci videntur *Danubium* deriuasse a *tanne*, abies, atque inde accolas fluuii in Pontum Euxinum se effundentis *Peucinos* sua lingua vocasse. AESCHYLVS in *Prometheo* habet *fluuium non falso dictum proteruum*; atque ex contextu clarum est, intelligi *Phasin*, qui Mosi *Pison* dicitur. At vero nobis *böse*, & rusticis *Saxoniae Superioris bise*, *proteruum*, *malum*, designat. Byce, palus siue aestuarium Maeotidis ad Tauricam Chersonnesum, nostrum *Wic*, sinus maris, refert, quod etiam in *Carambico Hyperboreorum* latet. Me audacior & *Maeotidem* paludem a vulgo nobis noto *modde*, *mudde*, coenum, limus, defleteret. Pingui certe coeno abundat palus illa. Vnde ARISTOTELES in Meteorologicis affirmat, fundum eius ex limo ab amnibus aduecto in tantum excreuisse, vnaues multo minores tunc quam ante sexaginta annos ipsam ingredi potuerint. EVSTATHIVS in Dionysium dicit, Istrum cum olim Matous diceretur, quod Graecis sit *άσιος*, h. e. *limosus*, a Scythis postea in

(o.) in *Difser. de autore anonymo Peripli Euxini maris* §. 8.

in transitu eius damno affectis *Danubium* appellatum, quasi *malum authorem*. Vbi quidem ad Germanicum *don iibel* sive *malum* facere allusisse videtur. Sed nomen a limo desumptum non tam Danubio, quam Tanai competit, cuius palus *Maeotis*, quae & ipsa aliquando *Tanais* dicta est. Vnde iterum *Danubium* eum Tanai confusum obserues. HERODOTVS author est, Bosporum Cimmerium hyberno tempore glaciari, & tunc incolas Chersonesi Tauricae plaustra agere supra glaciem trans mare vsque ad Indos. Vbi per *Indos* intelligit regionem ex aduerso positam, quae postea sibilo praefixo *Sindica*, & tandem Mingrelia dicta est. Tota ea palustris & lutosi molliorisque soli est, vt vel Chardini descriptio recentior docet; vnde recte populi eam habitantes a *venne* vel *inge*, supra memorato *Vendi*, *Vindi*, & abiepto digammate, *Indi* dici potuerunt. Et in hac *India*, non vero in illa remotiore, Bartholomaeum Apostolum Euangelium praedicasse, certum est. Ulterior tamen *India* dicta a fluvio *Indo*, & hic iterum a *depressiore & paludosa*, per quam decurrit, *regione*. Ab eodem *venne* dicti sunt *Heneti* ad Pontum Euxinum, & *Veneti* ad Mare Adriaticum & in Gallia Aremorica conspicui. Qui ultimum Asiae orientem incoluerant, olim *Issedones*, etiam *Isten*, vel *Estii*, proprie ab *ost*, *est*, oriens, audiuisse videntur, a quo vocabulo & orientalior *Danubii*



L. B. S. 24.


nubii pars *Ister* dictus est. *Arimasporum* nomen hoc pariter pertinet, quod secundum LEIBNITII sententiam, ab arm, pauper, miser, solus, & spien, spicere, videre, deducitur, & *misere* videntem sive *monoculum*, ut HERODOTVS interpretatur, significat. *Genus enim illud hominum, Kalmuccorum nostrorum in morem, oculos admodum paruos habuisse putas.*

### §. XVI.

Iudem Germani & Celtae Graeciae colonias immiserunt antiquissimas. Fabulae de Ioue & Diis expositio. Migratio nostrorum versus Occidentem.

Haec ex Asia nostrorum vestigia adduxisse sufficiat: In Graecia frequentiora & clariora se produnt. Ipsa Graecorum lingua praeter paeca, quae per posteriores Aegyptiorum, Phoenicumque colonias illata sunt, semi-Germanica aut Celtica est, ut adeo primi omnium Graeci coloni aut Germani, aut his admodum cognati populi fuerint, oporteat. Et in quibusdam dialectis magis appetit consensus cum Germanico. Ita Lacones non, ut caeteri Graeci & Latini, in *os* vel *us* terminabant nomina, sed in *R* more Germanorum. Extat apud BOETHIVM in Musicis Ephororum decretum contra Timotheum quandam Musicum, quo iubetur chordas remouere, quas citharae nouator addiderat, vocaturque Τιμόθεος ὁ Μιλήσιος, ut Germani dicemus *Milefier*. Hellenem, a quo sibi nomen *Hellenum* sumserunt Graeci, ex Titanis profapia fuisse, prohibent. Sed iam ante eum oportet homines ex nostris in Hellade sedes fixisse, qui Graeci, sive, ut paulo

Tab. I. ad S. 24.



paulo ante e  
Heroës veter  
non incongr  
deltia Lingua  
fluvium, X  
lingua nomina  
flexus fluvium  
qui per barbam  
se deflexus, f  
gratia conuer  
decorationibus  
GIVS HERW  
te doctus, se  
quam pris  
nis & barbar  
nomina habu  
est. Adduci  
bis Für & F  
Kien, canis,  
Kien, comm  
AVENTIN  
DRIANVS  
CRVCIGE  
NVS, VE  
BRENDE

(7) in

paulo ante exposuitus, *montani* vocati sunt. Ex his Heroës veteres, siue Deos Graeciae plerosque ortos, non incongruum dictu est. Lingua horum vetus & desita *Lingua Deorum* HOMERO audit, vbi eundem fluuum, *Xanthum* Deorum, *Scamandrum* hominum lingua nominatum habet. *Xanthus* a nostro *sand* deflexus *fluuum arenosum* denotat: & idem apud Graecos, qui per *homines* hic intelligendi, *Xamander*, a Φαμάδη deflexus, significat, ψ solummodo in ξ euphonias gratia conuerso, & ν εφελκυστηρι inserto. Vnde non adeo rationibus omnibus destitutus fuit IOANNES GEORGIVS HERWARTVS AB HOHENBVRG, (p) vir sane doctus, sed παραδοξότερος, vbi hanc Deorum linguam *priscam* *Theotiscam* fuisse, arbitratus est. A primis & barbaris terrae suae habitatoribus Graecos multa nomina habuisse, PLATO in *Cratyllo* diffiteri non potest. Adducitur inter alia ab ipso Ηνε, *ignis*, quod nobis *Für* & *Feur*; θωρ, *aqua*, nobis *Water* & *Waffer*; κύων, *canis*, nobis *Hund*, *Klew*, *ire*, nobis *rustice* *Kien*, *communius geben*. Sed multo maiore diligentia AVENTINVS, GELENIVS, BIBLIANDER, HADRIANVS & FRANCISCVS IVNII, HELVIGIVS, CRVCIGER, BERNEGGERVS, MER. CASAVBONVS, VECHNERVS, BESOLDVS, BOXHORNIVS, BRENDELIVS, BELLINVS, ERICVS, VRSINVS,

MOR-

(p) in *Chronologia Monachii* 1612. edita.

D



MORHOFIVS, PEISKERVVS, CLERICVS, aliique conuenientis inter se vtriusque linguae exempla oculis exposuerunt. Fabulae Deorum Graecorum veris Herorum vetustissimorum historiis superstructae sunt. Hae magnum quendam Regem Iouem habent, qui ipsis olim Διός, postea communiter Ζεύς audiit, & saepius cum Belo Assyriorum, siue Chamo aut Hammone Aegyptiorum confusus est. Ex Titanibus, siue Ditis aut Tuisconis progenie, ortus ipse fertur, stirpe Celto-Germanica. Contendisse illum primum de imperio orbis tunc notioris cum aliis magni illius Ditis domi successoribus aut posteris, similes eruptiones tentantibus, verosimile facit series rerum. Vbi potestate complexus erat, quicquid mediterraneum ambit mare, noua ipsi a gigantibus istis siue Titanibus, hoc est, Celto-Germanis bella incubuere. In Prometheo, quem & ipsum Titana vocant, & ad Caucasum Iouis imperiis alligatum volunt, gentis eiusdem Principem agnoscas, oppositis ad Caspias portas copiis Asia iam cultiore exclusum. Is quod barbaris illis disciplinam intulisset, dictus est ignem coelo surripuisse. Interea commoto orbe Gigantes a Thracia & Istro appetet in Thessaliam irrupisse, praesidia de Pelio & Ossa montibus deiecisse, Iouem cum Diis magno praelio victum Graecia expulisse, & mari in Aegyptum fugere compulisse, formis animalium, id est, nauibus arietem aliasque species proferentibus, te&tum. Celtae deinde freta Propon-tidis

tidis transmisere, & duce Tiphoeo in Asiam terrestri itinere hostem secuti, postremo Iouem reparatis viribus obuium habuerunt. In Syria seu apud Aramaeos, *εν Αἴγυοις*, ut *HESIODVS* habet, congressis exercitibus, Tiphocus tandem caesus cum suis occubuit. Ita rerum summa penes Dcos mansit. Haec qualisque lux historiae inter fabularum tenebras emicare mihi videtur. Nec tamen Asia Graeciaque solum se continuerunt maiores nostri, sed siue meliores sedes quaerendi gratia, siue ab aliis populis pressi Occidenti sensim se se infuderunt, Orientis a longo iam tempore dominatores. Migrationis tempus ignoratur. Quando tamen id longe ante Cimmeriorum interitum, & Scytharum in Cimmeriam immigrationem factum, hinc iudices de summa nostrae nationis antiquitate. Nec in liquido est, Celtaene, an Germani, nostrique maiores prius Orientem reliquerint. Nobis fauet, quod nos Celtas omnes, Germaniae superioris fere vniuersae, Galliae & Italiae citerioris postea habitatores, Walen & Welsche vocauerimus, atque adhuc vocemus, hoc est, *peregrinatores* vel *peregrinos*, a *Wallen*, peregrinari, vagari: vnde Romani Gallorum nomen sibi formarunt. Si enim nos demum, cum illi iam quieti federent, superuenissemus, hoc nomen non illis, sed nobis potius conuenisset. Nec enim quietis competit appellatio a motu desumpta.



## §. XVII.

Ex primis,  
qui in no-  
stras terras  
venere, Ger-  
manis fue-  
runt vetu-  
stissimi Hi-  
berniae &  
Hispaniae in-  
colae, & re-  
sidui apud  
nos Frisi.

Vtī autem in magno aquarum procursu fluctus fluctum trudit, & quod primum emanauit, longissime a primo fonte abit: ita & cum primis gentium migrationibus factum fuisse, atque vltimi occidentem versus Europae populi primi natales sedes reliquisse videntur. Sunt illi *Hiberni & Scotti montani*. Hi primi omnium insulas Britannicas tenuerunt, a Britannis demum superuenientibus, a quibus & moribus & lingua penitus diuersi fuere, in Hiberniam & Scotiae montana remoti. Scotti enim montani Hibernica adhuc lingua vtuntur. NENNIVS, BEDA, & caeteri scriptores Hibernos ex Hispania quidem venisse produnt, quia forte propior in aduerso continente regio ipsis non succurrebat. Et nuper EDWARDVS LHY-  
DVS in Archaeologiae Britannicae Opere insigni hu-  
ius sententiac patrocinium suscepit, atque ex conue-  
nientia linguae Vasconicae, quae vetus Cantabrica est, cum Hibernica argumentum pro ortu Hibernorum ex Cantabris, siue veteribus Hispanis desumfit. Sed exempla, quae affert, non sufficiunt, & quae ex iis reūte fe habent, indicant potius, vtrosque populos ab una stirpe progenitos olim, nobisque cognatos fuisse. Conueniunt certe, vt aliqua hic afferam, atque, vbi Germanicae linguae congruant, obiter moneam

HIB. *a, acha* petra, & VASC. *acha*, rupes. Conuenit no-  
strum hoc, altus; höhe,  
altitudo.

*adbark* cornu, quod nobis  
*born*.

*alga*, nobilis  
*adelich* habent.

*aoil* excellens.  
*aon*,

*ar,* excellens.  
*arc*, gure, noster. Anglo-  
Saxones ure, Saxones use,  
Germani unser dicunt.

*bara*, heri homicidium, ini-  
micitia: Germanis olim  
*Werre* & *Warre* bellum.

*burco*, iuxta.  
*ezne*, *eznec*, lac. Nobis es-  
sen, edere & victus. Ve-  
tustissimus autem laetis  
in coniectu usus.

*aita*, aitac pater; Germa-  
nis atte, aite & *Vater*.

*balla*  
*bull*, *bull heçar*, cranium,  
calua. Sax. *poll* est sum-  
mitas cuiusvis rei rotun-  
diformis.

*Banailte, Banaltra,*

*Banlitu, ballitu, nutrix.* An  
ban illud conuenit cum  
veteri *span*, mamma,  
vnde *spanverken* porcel-  
lus lactans? Et forte Hi-  
bernis mulier *bean* dici-  
tur a mamma.

*Beas,*

pl. *bethe*, manus. *Patten* vr-  
forum plantas anteriores  
vocamus, & *patschband*  
etiam de manu dicimus.

*beat,*

pl. *batzu*, parum, paulu-  
lum, paucum. *Sax. bete*,  
*Germ. bissen*, *Ital. pezzo*,  
conueniunt, vt &  
*Gall. petit.*

*brek*, diuersicolor, varius *bragado*, bos diuersiculor.  
Hisp.

conuenit *sprenclich* no-  
strum.

*brugh,*

*burgua*, vrbs, oppidum,  
*Germ. burg*, oppidum.

*Caill,*

*Cailte*, contumelia, oppro-  
rium. *Schelten* Gerin.  
est expobare.

*cailleach*, gallus

*olloac*, gallina.

*ceò*, nebula,

*kéa*, *quea*, fumus. *Sax.*

*schae*, *vmbra*,

*cia,*

cía, cía an,	ceinen, ceinec, quis, quae.
cíor, gena', mentum. Hisp.	cara, facies. kare Sueuis faciem quoque notat.
eas	ez, non
fadadb, 'ada',	beda, donum, munus. An a faten, fassen, accipere?
fearrya, earrya, feardba,	arra, masculus. Conuenit farre, bos; Nec recedit multum Lat. vir & An- glo-Sax. Wer, nec non Germ. er, ille.
gacb	ölb, gucia, omnis. Germ. gantz, indita n litera.
gbearg, dearg,	gorria, ruber. Conuenit nostrum Scharlaken, pan- nus rubeus.
gigilt,	kigli, killi, titillatio. Germ. kitlen, kitzeln, titillare.
goirrige, oirie,	erboa, stultus, insanus. Conuenit irren, errare;
itheadb, comedio,	irrig, errabundus.
laidir, fortis,	iatae, rictus. Sax. eten. Germ. essen, edere.
lar,	lodia, crassus, spissus, den- sus. Lode, genus panni crassioris olim nobis fuit; & adhuc vocabulum hoc apud

	apud Sueuos occurrit, vbi textores eiusmodi panni. <i>Lode Weber</i> dicuntur.
<i>lair,</i> <i>lairin,</i>	<i>Jarra,</i> <i>larraina,</i> terra, re- gio. Germ. <i>flor,</i> <i>flur,</i> est districtus, territorium.
<i>leano,</i>	<i>leinu</i> genus, semen. An a legen ponere?
<i>loit,</i>	<i>lot,</i> vulnus. Germ. <i>loch,</i> foramen, vulnus, & ve- tus <i>letzen,</i> scindere.
<i>luath,</i>	<i>lebiah,</i> celer. Conuenit Germ. <i>leicht</i> & <i>lauffen.</i>
<i>mala,</i>	<i>malethas,</i> pera. Inde no- bis <i>Malschlos,</i> sera perae.
<i>maol,</i> <i>maothol,</i>	<i>mutil,</i> <i>muthilla,</i> seruus, puer. <i>Magd,</i> & vulgo <i>Mat,</i> <i>Maedel,</i> ancilla, filia, virgo; olim & puer, vnde <i>magazogo</i> veteribus pro <i>paedagogo.</i>
<i>olan,</i> <i>lo</i>	<i>ille,</i> lana. Nos habemus <i>wolle,</i> <i>wulle.</i>
<i>orc</i>	<i>arrac,</i> <i>arraul,</i> <i>arraulze,</i> o- uum.
<i>re,</i> <i>ris</i>	<i>ri,</i> ad. Celtis inuerse <i>ar,</i> ad.
<i>re</i>	<i>ra,</i> radix.


<i>ris</i>	<i>rez</i> , per.
<i>se</i>	<i>sey</i> , dulcis. Sax. <i>seut</i> . Germ. <i>süß</i> .
<i>seargtha</i>	<i>searra</i> , aridus, Germ. <i>soer</i> , <i>diirre</i> .
<i>sgaile,</i>	<i>itzale</i> , vmbra. Saxonibus <i>schar</i> : <i>r</i> autem facile in <i>l</i> transit.
<i>siubhal, biubhal</i>	<i>ebili</i> , ambulare. Germ. <i>bi-</i> <i>beln</i> , inepte circumcur- sitare.
<i>tobar, thobar,</i>	<i>ithubbri, ithurri</i> , fons. Cel- <i>tis dur</i> , aqua.
<i>uæ, iuagh</i> , sepulchrum,	<i>oea</i> , lectus. De lecto in- fantum siue cunis <i>eja</i> , item <i>wiege</i> & Sax. <i>wege</i> dicimus.

Conueniunt & alia; quae, et si iam attingere non  
vacet, confirmant tamen Hibernorum & Cantabrorum  
antiquissimorum Hispaniae incolarum originem com-  
munem, aut aliquam saltem cognationem. Perrexe-  
re itaque Cantabrorum maiores occidentem versus a  
finistra (cum Hibernorum maiores ad extra discessissent)  
& traiectis Alpibus Pyrenaeisque montibus pars Italiam  
infedit, pars vero tandem Hispaniam & Galliam a Py-  
renaeis iugis ad Ligerim usque occupauit. Aeris hic



varii mineras aperuisse primi animaduertuntur. Inde  
crebra cum ipsis orientalium populorum, Phoenicum  
praesertim commercia & fama diuitiarum per orbem,  
quae non parum tranquillitati gentis nocuit; ut maio-  
res opes semper sua pericula sequuntur. Phoenices e-  
nim littora Balearibus insulis Africaeque obuersa fere  
omnia suis coloniis impleuerunt; atque ab alia parte  
Celtae, magna vi postea irrumpentes, meliorem ter-  
rae partem sibi sub Celtiberorum nomine sumserunt,  
veteribus incolis vel sibi subiectis, uel in montana Se-  
ptentrimonem versus sita retrusis, vbi reliquiae ipsorum  
cladibus postea Romanorum, Gothorum, Maurorum-  
que erectae adhuc superant. Non parum tamen a tot  
oppressoribus lingua Cantabrorum mutata est, & praec-  
ter vestigia Germanismi, ibi Celtica quaedam, Puni-  
ca plura animaduerto. Literas incognitas, quibus  
magnus nummorum in Hispania repertorum numerus  
insignitus reperitur, a vetustissimo hoc populo inuen-  
tas coniicio. Differunt enim omnino a Punicis, & du-  
ctibus rectilineis constant in modum Runarum Septen-  
trionalium, vt nempe bacillis facilius incidi potuerint,  
antequam notior scripturae modus obtinuit. OL. WOR-  
MIVS inde hos characteres ad suorum Runas referre  
voluit, & assentientem ferme habuit EZECIEL M  
SPANHEMIVM, qui plerosque huius generis num-  
mos Gothis, post Romanos Hispaniae dominatoribus,  
adscripsit, dupli errorre. Neque enim Gothos vete-  
res

Tab. II. ad S. 34



res Runis Se  
rio nummari  
BLANCIVS  
scripti cernu  
omnino fun  
bus, quod p  
spanicos ple  
nem aduent  
tempore cul  
des Latinae  
tus incognit  
NOSANVS  
mos, in i  
aque in a  
tiam palma  
cum literis  
bus literae  
re exhibent  
pti, & his a  
bus illis ign  
racteribus e  
de classem l  
nummo Em  
se fibi visu  
parte Latin  
ex eodem j

res Runis Septentrionalium vsos constat; sed e contrario nummi ipsorum, quorum plurimos p[re] caeteris BLANCIUS aeri incidi fecit, omnes Latinis literis inscripti cernuntur. Praeterea Gothi in Suecia diuersi omnino sunt a veteribus Gothis Hispaniae domitoribus, quod infra fusi monstrarbitur. Et nummos Hispanicos plerosque ante Romanorum in hanc regionem aduentum, reliquos primo occupatae Hispaniae tempore cusos esse, forma eorundem atque inscriptiones Latinae docent. De nummis vero hisce, hactenus incognitis, VINCENTIVS IOHANNES LASTANOSANVS peculiarem librum edidit, ex quo discimus, in iis plerumque caput Principis in uno latere, atque in altero equitis cum lancea decurrentis, vel etiam palmam manu praferentis effigiem expressam, cum literis, de quibus loquimur, obscuris. In aliquibus literae hae in uno, & Latina verba in altero late-re exhibentur. Sunt & aliqui nummi, Latine inscripti, & his accurate congruentes, alii cum characteribus illis ignotis, vt putes, eadem verba diuersis characteribus exprimi. ANTONIVS AVGVSTINVS inde clauem lectionis exculpere tentauit, & in quodam nummo *Enporon* sive Empurias, in alio *Celsa* inuenisse sibi visus est. Quodsi autem nomen loci in una parte Latinum, in altera Hispanice exaratum esset; ex eodem fundamento in alio nummo *Eficer*, hoc est



*Osicerda*, legere, atque ita aliquam alphabeti portio-  
nem detegere possemus. Sed haec obiter.

### §. XVIII.

Scoti sunt  
Hiberni.  
Ratio huius  
nominis.

Originem Scotorum ex Hispania repetentibus *Ibe-*  
*rus* fluuius & populus inde dictus cum nomine *Hi-*  
*berniae* conuenientes aliquo modo fauerunt. Sed *biar*  
& *iar*, siue, vt nos loquimur, *ier*, Hibernorum lin-  
gua occidentem denotat; vnde *Ierne*, *Eris* siue *Hiber-*  
*nia* a situ dicta, erit *occidentalis terra*: & fluuius *Ibe-*  
*rus* forte ex eadem ratione *fluuius occidentalis* nomina-  
tus est populis, quibus adhuc ignotae erant, quae  
trans eum iacebant, terrae. Eadem de causa Ori-  
entaliores populi *Iberiam* etiam aliquando usque ad Ger-  
maniam extenderunt. NONNVS in Dionysiacis *Rhe-*  
*nun Iberum: SCYLAX CHARIANDENVS* strictius,  
quicquid inter Liguriam & columnas Herculis est, *Ibe-*  
*riam* vocat, & PLVTARCHVS in Marcello Gallos,  
qui sub Alpibus in Italia degerunt, *Iberes*. STRABO  
(q) indicare videtur, *Iberiam* usque ad Rhodanum  
extensam, postea Pyrenaeo monte terminatam. Pari  
modo Italia etiam Graecis *Hesperia* dicta est, quia oc-  
cidentem versus iaceret, & ulteriora tunc ignotiora  
essent.

### §. XIX.

(q) lib. III.

## §. XIX.

Celtis postea in Britanniam delatis, priores habitatores in remotiora loca sylvasque propulsi, & *Scoti a*<sup>ni dicti *Scoti,*</sup>  
*Celtico koed,* sylua (quae Cambris *kuz* & *kuits,* A-<sup>& Britannis</sup>  
*Guydbill?*  
*rem. koât*) sibilo praeposito, hoc est, *syluicolae*, vocati sunt. Hinc posteris occasio nata, coloniam Scytharum nescio quorum introducendi. Vbi obserues, medii aei Scriptores quando *Scotos* nominant, *Hibernos* intelligere, quod *IOHANNES PONTIVS* peculiari libello Parisiis anno MDCLX. edito ostendit. Hibernia vero cum arboribus refertissima esset, (vti nec nostro aeo sylvis abundare desit,) ab iisdem Britannis incolae eius etiam *Guydbill* dicti sunt, tanquam *syluestres*, a *guydd*, arbores, arbusta; & hoc nomine adhuc Cambro-Britannis Hiberni veniunt.

## §. XX.

Hibernorum linguae exactam notitiam dedit, *Hibernorum linguae cum Frifica conuenientia.*  
 quem paulo ante laudauimus, *LHVYDIVS.* In Vocabulario ab eo confecto Germanica inuenio pleraque, vel ex Germanicis longissimo temporis tractu & Celterum Romanorumque cum Hibernis communione corrupta. Nomina locorum quorundam in Hibernia nominibus nostri Littoris respondent. Vtrobique *Cauci* & *Menapii* occurunt; & restant in Frisiorum & Hibernorum lingua, quae arte conueniunt, atque in reliquis dialectis vix reperiuntur. Sic locus Frisiis *ode,*

Hibernis *ait*; dies Fris. *dy*, Hib. *dia*; mane Fris. *meen*,  
 Hib. *mainne*, matutinus; nebula Fris. *daach*, Scotis Se-  
 ptentriōnalibus *tex*, Hib. *deatax*, fumus; angulus Fris.  
*heene* pro *beerne*, Hibern. *keaern*; pratum Fris. *mechtlaun*,  
 Hib. *leana*; porcellus Fris. *bigge*, Hib. *pigin*; vir Fris.  
*ziel*, Hib. *sgael*; puella Fris. *fohn*, Hib. *bean* mulier,  
 ingenere; calx pro membro corporis Fris. *biele*, Engl.  
*beel*, Hib. *sael*. & *sailin*; debilis Fris. *leep*, Hib. *laeg*;  
 clavus Fris. *spiker*, Hib. *spike*; pigritia Fris. *leuheide*,  
 Hib. *leisg*, piger; sinere Fris. *lehn*, Hib. *ligim* effertur,  
 vt alia non attingam, quae in veteribus Frisiorum li-  
 bris legibusque obsoletis non parua copia occurrunt.  
 Haec vero faciunt, vt a Chaucorum Frisiorumque ma-  
 ioribus Angliam primum, & deinde Hiberniam popu-  
 lis repletam existimem. Insulares enim ex vicinore,  
 continente descendere, non vna ratione stabilitur.


## §. XXI.

Reliquiae  
vetustissimo-  
rum German-  
iae incola-  
rum Frisi &  
Chauci.

Quod autem iidem *Frisii Chaucique* & horum co-  
 gnati *Cimbri* ac *Teutones* primi fuerint, qui littus & re-  
 giones quoque nostras incoluerint, vel dialectus, ve-  
 tustatem ultimam p̄ae se ferens, atque a caeteris Ger-  
 manorum populis multum distans ostendit, quam eo  
 facilius incorruptiorem per tot saecula vsque ad nos  
 conseruare potuerunt reliquiae harum gentium ad mare  
 Germanicum sitae, quod aquis suis aduersus incursio-  
 nes

*Tab. III. ad p. 38.*





nes alienigenarum defenderentur, vt montibus Cantabri & Walliae habitatores.

### §. XXII.

Quibus vero temporibus reliqui Germanorum Germanos non ex Suecia, sed Suecos ex Germania venisse. populi insecuri, & Tanai, Borysthene, Vistula caeterisque fluminibus traiectis, terris iam nostris, sese infuderint, in obscuro est. Multae tamen sunt causae, ex quibus coniicere licet, omnes mediterranea, quam nos descripsimus, via ex Asia in Europam regionesque nostras descendisse. Nec audiendi sunt Septentrionales, qui ex Asia per Scythiam ad Finnones, indeque vel per Lappones vel per Botnicum sinum ad Suecos, atque hinc demum transmissio Balthico mari in Germaniam traductos fuisse maiores nostros ferunt. His & Illustris LEIBNITIUS peculiari dissertatione contradixit. (r) Difficultas & anfractus itineris illius, inclemencia coeli, infelicitas soli posterioribus demum temporibus exustis sylvis exculti, migrationi huic aduersantur. Nec verofimile est, spretis mitioribus locis, asperrima deserta placuisse nouas sedes quaerentibus. Multo magis opinari licet, minorem gentis partem in Septentrionalia regna ex maiori, propinqua nempe Germania, venisse, traiectis maris Balthici fretis, aut Codano sinu, quem olim, cum a maris violentia litora nondum tot detimenta accepissent, arctiorem, atque

(r) in FELLERI miscell. editâ.


que adeo traiectu multo faciliorem, quam nunc est, fuisse, non sine causa forte statuit IO. DANIEL MAIOR. (s) Insulis Danicis & Gothiae Norwegiaeque proxima est Chersonesus Cimbrica, ex qua totum Septentrionem, quatenus nostra linguae usum habet, impletum fuisse multae circumstantiae euincunt. Coloni inde traducti, primi regionem illam excoluerunt, sylvas exurendo (vnde *Suediae* nomen) & veteribus incolis in montana remotis. Habitatam enim ante nostrorum introitum fuisse a Finnici & Lapponici generis hominibus non negauerim, qui illam nationem per omnem Europae & Asiae Septentrionem protersam fuisse ex reliquiis gentis per hos terrarum tractus adhuc dispersae concludo. Ipsae Septentrionalium historiolae, *Sagae* vulgo dictae, a quibus omnium suarum antiquitatum rationes dependentes illi habent, sententiam hanc confirmant. Ferunt, a pygmaeis habitatas prius fuisse terras suas. Sed Lappones statura caeteris hominibus minores forte haec fingendi occasionem dederunt, quod & ISAACVS VOSSIUS iam suspicatus est. (t) Certe *Lapponum* nomen *patria sua* *eiectum* siue *exulem* denotare IO. SCHEFFERVS (u) ex Suecicis authoribus annotauit. Vnde & huic appella-

(s) In *Cimbris* populis repleta cap. 52.


(t) *Obseru.* ad *Melam* pag. m. 293. sq.

(u) *Lappon.* cap. 1.


*Tab. IV. ad S.*





Tab. IV. ad S. 40.




542.6.7.17









pellation  
que gra  
Fimni se  
bitatores

Ge  
contigil  
die Ros  
HEROD  
nouos  
cognit  
ueran  
pore  
se ad  
qui su  
num a  
pariter  
Wodan  
in Co  
Vuoden  
dino. E

(w  
(x  
(y

(z

pellationi conuicci quid inesse Lappones dicunt, eamque grauiter ferentes, se potius *Sabmos* siue *Samos*, vt Finni se *Suomos*, hoc est, *palustres* seu *paludosae terrae habitatores* (w), nominari amant.

### §. XXIII.

Germanorum autem in Scandinauiam immigratio contigisse debuit cum Finni iam ab oriente & meridie *Roxolanis* siue *Russis* cingerentur, quod diu post HERODOTI tempora factum est. Vnde iidem Finni nouos terrae, antea suae, colonos, aliarum nationum cognitionem non habentes, *Roxolanos*, quos solos nuerant, esse crediderunt, quo nomine & nostro tempore istorum posteros, *Suecos*, appellant (x). Sueci ipsi se aduenas confitentur. Dicunt, duos fuisse *Odinos*, qui suam nationem in Scandinauiam duxerint (y), unum antiquiorem, alterum recentiorem. Saxones pariter coluerunt geminos authores gentis *Odinum* & *Wodanum*, quod idem nomen est. Ambo occurunt in Confessione Saxonica (z), vbi renuntiatur *den Vuoden end Saxn Ote*, id est, *Wodano & Saxonum Odino*. Hengisti & Horsi, Principum Saxonum, genealogiam,

Sueci ex Vandalis sub Odino Chernesii Cimbricae habitoribus.

(w) SCHEFFER. *Lapponi. STIERNHIELM. Gloss. Vlpb. Goth.*

(x) Vid. *Vocabularia Finnonica.*

(y) VERELIVS in Not. ad *Hervaræ sagam* p. 5. sy. & 43. ITEM in Not. ad *Gaubrexs sagam*. p. 48.

(z) Monum. Paderb. in Appendix.



giam, a NENNIO vetere scriptore nobis conferuata, cui aliqua omnino fides tribui potest, si inspicias, vixerunt *Wodanus* siue posterior *Odinus* Saeculo tertio, & prior non diu post TACITI aetatem, Saeculo post Christum natum secundo inuenire. Dicunt Odinum priorem *As* cognominatum, & omnes ipsius comites, ex quibus deinde gentis primores, *Asas*, quod *Asaticos* exponunt. Sed ego potius coniicio, Odinum hunc cum suis fuisse ex celeberrima apud Vandalos gente *Aſarum* vel *Aſtingorum*, cuius iam DIO (a) & postea etiam aliquoties IORNANDES (b) meminerunt. Fuit in Vandalia *Asfeld*, siue *campus Aſarum* celeberrimus, in quo, indice PAVLO DIACONO, (c) Longobardi cum Gepidis pugnauere. Hunc ego, si CL. ZOLMANNVS, Hydrographiae Germanicae author, non falleret, ad Oſſam, amnem Pomeraniae, in finum Gardensem se, secundum eius delineationem, exonerantem ponerem. Situs enim fauet quam maxime. Ita *Aſſi* Lemouiorum vicini fuerint, & inde Occidentem versus in littore maris Baltici ad Chersonesum & porro in Septentrionem perreixerint. Idem IORNANDES (d) inter Scoringiam, siue Chersonesum Cimbriam, & Mauringiam, siue in vicinia Pomeraniae locat *Aſſipittos*, quod *Aſſarum reliquias* interpreteris, (vt Ge-  
pidae


(a) Lib. LXXI.

(b) Edit. Lindenbrog. p. 101, & 97.


(c) Lib. I. c. 24.


(d) Lib. I. p. 199.


Tab. VI. ad S. 42.



Tab. VI. ad S. 42.











*Tab. VII. ad S. 45*



pidae era  
re parte  
gressae.  
Scoringi  
rat; vbi  
a quibus  
Principu  
giam fa  
brones,  
rum ab A  
olim ian  
Saxone  
glos, e  
dalos  
Afis ne  
ex can  
Afis ad  
siae terr  
xino pe  
integrin  
de Sueci  
rum sub  
sed ad E  
Denam c  
ne limit

pidae erant reliquiae Gothorum,) gentis nempe maiore parte tunc iam vlderius & Septentrionem versus digressae. Idem *Ambrum & Assum*, Duces Vandalorum, Scoringiae vicinam regionem infestantes, commemorat; vbi forte pro ducibus gentes nominare debuisset, a quibus Saxones orti. Vt enim Odinus, Saxoniorum Principum sator, *As* dictus est, ita Saxones, qui Angliam saeculo quinto occupauerunt, a NENNIO *Ambrones*, id est, *Alt Saxones* vocantur, quod pars eorum ab Ambra vel Emmera, fluui Westphaliae, quo olim iam commigrauerant, eo venisset. Atque ita Saxones origine Vandali fuere, quemadmodum & *Anglos*, eiusdem nationis partem, PTOLEMAEVS *Vandalos* vocat. Septentrionales autem, cum semel ex Asis nostris *Asiaticos* fecissent, & fando audiuisserent, vel ex cantilenis maiorum accepissent, confeditse illos Asas ad fluuium *Tanam*, protinus exinde *Tanaim*, Asiae terminum, fecere, eorum imperium a Ponto Euxino per Septentrionem omnem extenderunt, atque integrum huius regionis tractum *Sueciam magnam* (vnde *Suecia minor* orta) vocarunt (e). Sed ex situ Asarum sub Scoringis clarum est, eos nequaquam in Asia, sed ad Egidoram fluuium Holsatiae, olim *Tanam* vel *Denam* dictum, (f) vnde *Tonningae & Danemarcae*, siue limiti Danico, & *Danis* ipsis nomen, post exitum

F 2

ex

(e) SNORRO STVRESON P. I. c. 1.

(f) GEOGRAPH. RAVENN. L. III. c. 13.



ex Vandalia consedisse, inde per omnem Chersonesum Cimbricam sese diffusisse, tandemque Septentrionem ipsum sibi subegisse. Ibi ergo regnum Asarum siue *Asgartia* in Sagis celebris (g) collocanda. Apposite illa Asarum patria, vnde Dii & sacra in Septentrionem venisse Sueci confitentur, alio nomine *Gudheim*, secundum SNORRONEM, dicitur, quod clare admodum *patriam Iutarum* indicat, quam & *Iotnabeim* appellant. *Iot* vero Islandis, & Norwegis *jaet*, Cambro-Britannis *Guydbon* gigantem designat; vnde illam *patriam gigantum* fabulatores esse putauerunt. Quanquam & maiores nostri, procerioris staturaे homines (h), Septentrionis incolis minoribus gigantes videri re ipsa poterant. Perhibent Septentrionales, *Valballam* siue locum in praeliis caesorum (quem & *Gladsheim*, non a gles, succinum, ut VERELIVS (i) putauit, quasi *gleffariam*, sed a *glad*, *glede*, laetitia, id est, *locum laetitiae* vocarunt) fuisse in *Gudheim* siue *patria Odini*. At non in Iutia solum, sed & vicina Holsatia tantus est tumulorum vetustissimorum numerus, quantum in aliis Germaniae partibus vix reperias. Vnde corpora in bellicis aduersus Septentrionales expeditionibus occisorum Principum eo translata, atque a popularibus honorifice condita fuisse non improbabilis est coniectura. Qui enim tanta cura construebantur;

(g) VEREL. not. ad Heruar. Saga p. 5.

(h) IORNAND. p. 83.

(i) in not. ad Heruar. Seg. p. 17.

*Tib IX ad S 44*



bantu  
bus c  
poter  
num,  
tar, L  
lebra  
fis if  
meat  
integ  
nema

"La  
rib  
xian  
cat  
ea in  
des  
ram  
rum  
Gra  
con  
sue  
so

bantur, & labore immenso ex praegrandibus lapidi-  
bus componebantur colles sepulchrales, magnorum &  
potentium virorum esse debebant. Ut autem ad Odi-  
num, a Tanai siue Dena, Holsatico flumine, ortum, reuer-  
tar, *Dani* illi iuxta *Persas* a Romanis ob fortitudinem ce-  
lebrati, quorum Anonymus Rauennas meminit, ex A-  
fis istis atque Odini populo erunt. Nec parum hanc  
meam coniecturam confirmat, quod vir honestior &  
integrae p[re]e vulgo fidei apud Norwegos & Suecos *Da-*  
*neman* etiam in publicis scriptis ab antiquo dictus sit (k).

### §. XXIV.

Nec iuuat Suecos, quod ex *Scandinauia* Gothi,  
Langobardi & caeterae gentes venisse, a bonis autho-  
ribus memorentur. *Scandinauiam* MELA (l) *Codano-*  
*uiam* vocat, & insulam ad Codanum sinum fuisse indi-  
cat a *Teutonis* habitatam. Chersonesum Cimbricam  
ea indicari, facile intelligis, vbi Teutonum olim se-  
des erat. *Codanouia Codorum*, *Gotorum* seu *Iuta-*  
*rum* insulam significat, vti *Codanus* sinus sinum Iuta-  
rum, qui etiam Anglo-Saxonibus & Septentrionalibus  
*Geatae* vel *Gautae*, atque inde sinus ipse *Gaudwic* &  
corruptius *Gandwic* dictus est, quem cum *Grandwic*  
sive *Cronio* confuderunt insipidi Sagarum conditores.  
SOLINI tempore *Gandwici* vocem in vsu fuisse putas;

F 3

ille

*Scandinauia*  
vetus erat  
Chersonesus  
Cimbrica,  
cum insulis  
Balthici ma-  
ris & littore  
nostro ad  
Lirones vs-  
que.

(k) SPERLING. de lingue & nom. Danici antiqu. p. 53. 54. 55.

(l) Lib. III.



ille enim pro Scandinaua iam *Gangauiam* posuit. Hinc  
vbi posteris temporibus Haquinus Norwegiae Rex, a-  
pud *SNORRONEM*, omnia administrasse dicitur inter  
Gotelbam & Gandwici oram, hoc interpretandum est,  
regnasse ab Albi supra Vplandiam in Bothnicum sinum  
sese exonerante vsque ad sinum Codanum, hoc est,  
per Sueciam, Scaniam & Norwegiam. Codanouiae  
nomen deinde paulatim corruptum est in illud *Conda-  
nouiae*, *Scondanouiae*, *Scandanouiae* & *Scandinauiae*,  
quod vltimum iam *PLINIVS* habet. *PTOLEMAEVS*  
illud in *Scandiam* coarctat, atque ex vna insula quatuor  
facit, mire omnia confundens. Ad orientem Chersonesi  
Cimbricae eas collocat, nec obseruat ipsam hanc Cher-  
sonesum illis comprehendendi. Maximam ipsarum & ma-  
xime orientalem iuxta Vistulae ostia positam esse refert.  
Eadem habet *TORNANDES*, qui Scanziam hanc in mo-  
dum folii cedri formatam tradit. Omnia haec conue-  
niunt insulae *Gotlandiae*. Sed quando populos a *PTO-*  
*LOMAEO* in ea collocatos respicias, patet indicari  
Chersonesum Cimbricam insulasque adiacentes, & lit-  
tus maiis Balthici nostrum, vsque ad Vistulae latus v-  
trumque. Occidentalia enim Scandiae secundum *PTO-  
LEMAEV M* tenentes *Chaedini* videntur esse *Kaedingi*, qui  
iam in sinistro Albis littore coluerunt. Qui orientalia  
habuerunt *Phauonae* & *Firaeſi*, in *Frisiis* Holsatiae, siue  
Nortſtrandiis, ac nomine insulae *Fanoae*, *Ripensi Iutiae*  
dioe-

linc  
a  
lter  
eft,  
um  
elt,  
iae  
da-  
ae,  
vs  
or  
iesi  
er-  
u-  
t.  
D-  
e-  
o-  
ari  
it-  
v-  
o-  
qui  
alia  
ge  
iae  
e-

*Tab. X ad S. 46.*



dioecesi adiacentis, indicantur. Et pro *Phanoneae* apud PTOLEMAEVM forte legendum est *Phanoneae*. Poterit insula olim maior fuisse, quam nunc est, ex quo Cauri flatibus irritatus Oceanus tot litori illi detrimenta intulit ab antiquo. In meridionali parte locati *Gutae* & *Dauciones* sunt TACITI *Guttones*, qui postea Gothi, Romani imperii subactores diuersique omnino a Cimbricis Iutis siue Gothis, quanquam eadem nominis ratio, a soli bonitate deprompta. *Dauciones*, interpres tor *Dancjones*, seu accolas sinus Dantiscani, ut adeo *Dani* siue maiores nostri iam ante PTOLEMAEVM navigationibus celebres fuerint, atque ad sinum hunc a se denominatum coloniam miserint, quod recentiores authores in posteriora tempora perperam reiiciunt ab urbis demum constructione nomen Danswici siue Dantisci arcessentes. Media Scandiae PTOLEMAEVS attribuit *Leuonis*, quos Liuoniae habitatores credas. Ait ita non media, sed extrema Scandiae obtinuere, alias enim populos vltiores non nominat. Quod si autem *Leuoni* PTOLEMAEI de accolis Leobae Pomeranicae exponas, qui TACITO *Lemouii*, omnia bene se habent; atque haec explicatio genuinior est omnium, quia PTOLEMAEVS Germaniam suam Vistula fluuio terminare videtur. IORNANDES suo tamen aeuo & Septentrionale Balthici maris littus, secus ac vetustiores authores, Scandiae suae accensuit, Gotlandiae scilicet



licet insulam cum Gotlandiis Suecicis confundens. Quod si iam PTOLEMAEI sensu *Scandinavia* accipiatur, concedi potest, imo verum est, omnino eam emisisse gentes, quae Germaniam incolunt, & imperio Romano exitium tandem intulerunt. Si vero vocem hanc de Septentrionali tantum illius parte, quae Suecis iam paret, intelligas, ut PAVLVS DIACONVS & posteriores plerique, *Scaniae* nomine, quod tamen cum illo Scandiae vel Scandinaviae nihil commune habet, seducti, etiam atque etiam a vero aberras. Haec enim pars, ut vidimus, colonos & cultum nostri generis hominibus debet. Diuersa haec eorundem vocabulorum significatio apud authores diuersos, nisi exacte obseruetur, facile seducit etiam prudentiores. Experti id sunt Septentrionales, OLAVS RVD BECKIVS & asseclae, magni caeteroquin doctrina viri. Non enim solum *Scandinaviae*, sed etiam populi *Hyperboreorum*, *Scytharum*, *montium Riphaeorum*, *Thules insulae*, *Graeciaeque* nomina, alio sensu a diuersis authoribus & diuersis temporibus accepta, nec probe distincta, doctissimos quoque ex iis quosdam in sententias omnium historicorum relationibus & rationi pene ipsi contrarias praecipites dederunt, vana antiquitatis gloriola stimulos admouente.

# TACITI SVEVIA VETVS.



ZVTH VACUATV A TIDAT

M  
intraue  
que ten  
Saxone  
no, alii  
xones c  
inter V  
diverso  
& offic  
primu  
cultro  
ne ib  
nom  
ri, S  
praete  
di litte  
de que  
ra, se  
Germ

N  
cum  
RINC

(  
)

## §. XXV.

Maiores nostri, ex quo sub primo Odino semel intrauerant Sueciam Noruegiamque, sequentibus quoque temporibus diuersas eo colonias, etiam cum iam *Saxones* dicerentur, sub Odino posteriore, siue Wodano, aliisque miserunt. Vnde non mirum, inueniri *Saxones* cum alibi, tum in toto illo tractu locorum, qui inter Vermelandiam & Angermanniam intercedit, & diuersorum montium dorso absoluuntur, pleno fodinis & officinis metallicis, a Saxonibus illis dubio procul primum olim detectis & excultis, ad arma, breuiores cultros & nauium utensilia fabricanda. Habentur sane ibidem, RVDBEKIO (m) annotante, loca Saxonum nomen seruantia *Saxebytta*, *Nordsaxen*, *Saxehundari*, *Saxeckullen*, *Saxewalt*, *Saxen*. Wodanus posterior praeter artes varias, etiam Runas, siue modum scribendi litteris ligno vel lapidi incisis, Septentrionales edocuit, de quo infra plura; vt adeo non Suecorum solum terra, sed etiam ingenia cultum Saxonibus debeant, nec Germani ab illis, sed ipsi a Germanis descendant.

## §. XXVI.

Nomina quaedam locorum, quae apud nos sunt, cum etiam in Suecia inuenisset HERMANNVS CON-  
RINGIVS (n) vir alias quidem diffusae eruditio-

Suecis  
conuenientia vtriusque  
sermonis &  
nominum  
locorum no-  
bis faret.

(m) *Atland.* P. I. p. 529.

(n) v. lib. eius de antiquissimo Helmstadii statu.

Suecis non sine causa fauentior, inde concludit, allata haec ad nos fuisse a Gothis Suecicis, hosque adeo ante alios terras nostras incoluisse. Sed inuertenda erat haec argumentatio, & cum tot habeamus rationes, Suecorum originem nobis adserendi, non possunt non nomina illa a nobis ad Suecos peruenisse. Seruant illi in sua quoque lingua voces vobumque radices plures apud nos deperditas, quas secum tamen a nobis sumserunt, Septentrioni importarunt, atque a frequentiori cum aliis gentibus commercio magis, quam nos, remoti, diligentius conseruarunt; quemadmodum Islandi, Norwegorum veterum soboles, multa retinent, quae in Norwegica & Suecica nostri temporis lingua iam diu quidem perierunt, necessaria tamen sunt, ad exponenda & intelligenda vetustiora monumenta. Quanquam nemo adeo insipidus est, ut inde Norwegos & Suecos ab Islandis ortos credat.

### §. XXVII.

Sed iam ad vetustissimos terrae nostrae incolas redeundum, quos Germanici generis fuissent, non solum ex iis, quae iam attulimus, patet, sed etiam ex nominibus fluuiorum & montium nostrorum. Haec enim antiquissima omnium sunt monumenta, neque, a prioribus indita, facile a posterioribus mutantur. Singula horum suas habent significationes, ex ipsa rei cuiuscunque figura vel natura deponuntas; nec casus, sed

Germani pri-  
mi & soli  
suae terrae  
coloni.  
Omnis Sa-  
xoniae no-  
strae fluuii,  
montes &  
sylvae Ger-  
manica no-  
mina habent.

sed consilium eadem inuenit. Quaedam quidem, amis-  
sis in communi sermone vocibus pluribus, vulgo non  
intelliguntur; attamen ab eruditis dialectorum nostrae  
linguae veterum & recentiorum peritis optime exponi  
possunt. Fluuii apud nos & per vniuersam, qua pa-  
ter, Germaniam olim communiter *achae*, *abae*, vel  
*aiae* dicti sunt, & haeret adhuc omnibus amnibus mino-  
ribus vel hoc nomen, vel illud *bach* aut *beke*, cum ma-  
iores a natura sua vel aliis circumstantiis additamenta  
sua habeant, quibus distinguantur. Visurgis superior  
pars *Wirraha*, hodie *Werra*, ab alueo sinuoso, & vbi  
cum Fulda ad Mundam confluxit, *Wisurraba*, vulgo  
*Wefer*, quasi *aquarum decursus* nominatur. Qui in  
eum deuoluuntur amnes *Ahla*, a Sale, quo prae-  
gnans est, *Bremeka* (ex *Brembeka* corruptum) a ve-  
pribus, quae nobis *brom* & *brem*; *Holtminna*, olim  
sine dubio *Holta* siue amnis sylvestris, ab ostio suo,  
quasi *amnis sylvestris ostium*; *Hamela* ex Hachmu-  
lla molendino ab antiquo adsito contractum, quasi *mo-  
lendini altius siti amnis*; *Meerbach* a mari seu palude  
scilicet Steinhudensi, vnde exit, dicitur. *Wumma*  
vel *Wimma* quondam *Wigmodia* audiit, vnde pa-  
go *Wigmodio* nomen. Olim dubio procul *Wiga* dicta  
fuit ab insulis, quas praecipue ad Otterbergam format  
plures, nobis *wike* vel *wige* vocatis; sed postea ab o-



stio suo desumta appellatio praeualuit. Non enim so-  
lum *mund*, *mind* & *mond*, sed etiam *motb*, *muth* Saxon-  
ibus *ostium fluminis* denotauit. *Luna*, ab Anglo-  
Saxonico *lun* egenus, amnem egenum, siue minorem  
& *Geesta* infra hunc *sterilis loci aquam*, *Robra* vero  
*a- rundine foecundam* designat. Quod Lunam attinet, no-  
tandum, Danis & Suecis *liung* ericam nominari: inde  
*Luna* ad Elmenouiam per *locum ericeto adsitum*, & *Lu-*  
*neburgum*, castrum ericeti, commode exponi possunt.  
Nam a Linonibus Slavis procul dissitis hoc nomen de-  
scendere nequit.

*Lina* siue *Leina*, GEOGRAPHO RAVENNA-  
TI Linach; dicitur, a *limo*, quem colore suo praefert,  
& pluvio tempore ex Harticis iugis trahit. *Lim*, *Lem*  
& communiter *Leim*, *limus*, olim *lin* & *lein* pronun-  
ciatum est, quemadmodum & reliqua in *m* exeuntia  
nomina quondam in *n* exiisse dudum obseruauit. In  
Leinam se exonerant *Ruma*, a fusurando, *Odera*, o-  
lim *Eterna*, a viperis, *Grona* prope *Goettingam*, vnde  
palatio *Gronae* postea nomen, a viriditate regionis,  
quam praeterlabitur, *Ilma* a sanguisugis, *Ganda* a ful-  
licis, Anglo-Sax. *ganot* dictis, *Ima* apud Hanoueram  
a circulo, quem facit, ex Leina effluens, in eundem  
que rediens, *Sala* a sale, quem secum vehit, dicti.  
*Indrifa* vulgo *Innerste* ita nominatus est, quasi *interior*  
*Ostphaliae fluuius*. Medium enim huius prouinciae  
irrigat,

irrigat, recipitque *Nettam* a corylis, & *Lammam* a limo, qui & Anglo-Sax. *lame*. *Fusam* appellatam coniicio a *Wiese* terra humida siue pratensi, quam alluit. Conuenit cum nomine hoc *Wusa*, *Vsa*, *Osa*, *Isa* plurium fluiorum in Anglia nomen, ita promiscue apud Historicos scriptum.

*Obacrus*, rectius *Ocker* ab oken increscere, augeri, nomen traxit, quia subito increscit montanis aquis auctus. Recipit *Gosam* ab anseribus, *Rodam* a glarea rubicunda, *Eckeram* a glandibus, *Ilsam* ab alnis (quae Batauis adhuc *else*) vocatos. *Scuntera* a confluxu cum *Obacro* nomen fortitus est. *Scyndan* enim apud Anglo-Saxones confluere significat.

*Allera*, *Leinam*, *Fusam*, *Obacrumque* absorbens etiam ab *alnis* dictus videtur. Exonerant praeterea se in idem hoc flumen *Wizza* siue *Wizena* a pratris, quae percurrit, *Isa*, a glaciali frigiditate, *Oertza*, olim *Vrsena*, ab *iracundia*, quae Anglo-Sax. *yrfung*, & *yrsan*, irasci, (exundans enim multum damni adfatis infert) & tandem *Boema*, ab arboribus accrescentibus rationem appellationum suarum fortiti.

*Elmenauiam* ab *vndecim* amnibus, quos in eum delabi fingunt, quidam appellatum esse somniant, quasi *Elfennau*; sed ego potius a muraenulis, quae anguillulis similes copia non parua in eo capiuntur, deriuari. Diminutiu eae forte olim *elin*, hoc est *anguillu-*



*guillulae* vocatae, & inde *Elinenau*, & contractius *Elinenau* factum est, ut supra ex *ilen*, *Ilma*. *Luba* poterit ab Anglo-Sax. *Iub*, lacus, vnde oritur, dictus esse. *Wippera* denotat *tremulum amnem*.

Albis ipse ita audit ab Alpibus siue montibus praecelsis, ex quibus ad nos deuoluitur. Nec aliunde Sueciae fluuii *Elfae* vocati. Omnes enim ex montibus altis & rupibus ruunt. Et *Albe* pro monte, qui cano iugo conspicuus est, siue alto, vox est in Germania superiore visitatissima, vbi & plures amnes *Alparum* nomine insigniti occurrunt. Exonerat se in Albim *Osta*, hoc est *fluuius orientalis*, ita dictus respectu Wummae & caeterorum fluuiorum occasum versus in Visurgim currentium. *Swinga* supra Ostam conspicuus ab *amaritudine aquarum suarum* appellatus est; Anglo-Saxonibus certe *swigene* est *amarus*, & hinc facile *Swinga* factum. *Esta* ab *equis*, qui Danis & Suecis adhuc *heste*, deduci potest. *Ietzae* nomen a Slavis ex illo *Witzae* corruptum puto. *Milda* & *Bifa*, quorum ille in hunc, & hic in Vchtam fluit, *lenem & malignum* significare patet. *Alanda* exponi potest *insularis terrae fluuius*, siue qui *insulam efficit*. *Tangera* est amnis citato cursu fluens, a Saxonico *tanger*, acer, alacer.

*Ora* olim & *Hora* forte aqua sordida interpretandus, & ab *hor*, sordes, deducendus est; pingue enim solum praeterlabitur. *Brachium* ex *Ora* in Albim protensum

tensum *Vechta* dicitur, quod idem est ac *coniunctio*, *connexio* a *voegen*, *fügen*, iungere, connectere, quia Oram Albi quasi connectit. Ab eodem fonte & *Vechtam* dictum puto, qui Bisam cum Alanda veluti connectit. In inferiore Germania *Vechta* prope Traiectum fossa sub Conrado II. ducta Rheno connectitur, vnde & illi nomen. *Boda* ex montibus Harticis delabitur, & ipse, vbi per scopulos voluitur, aestuans aqua, quod Sueci in Glossariis suis exhibent, ita audiit. Quanquam non repugnauerim, si a nostro *bod*, nauicula, quis deriuauerit, vt fluuius nauiculas ferens indicetur. Nauigabilem enim Bodam usque ad Quedlinburgum olim fuisse, aliunde scimus.

### §. XXVIII.


Nec si nostra Saxonia in veterem, hoc est, Chersonesum Cimbricam, recedas, alia quam Germanorum vestigia offendes. Est ibi, vt ad maiora saltem flumina animum attendam, *Sturia*, a *stor*, i. e. magnus, nominata quia reliquos ibi fluuios magnitudine sua excedit. *Egidora*, aevo Carolino, vallo & sepe veterum more a Danis contra Saxones munitus, ab alterius lateris accolis nomen accepit a *porta*, per quam mercatores ultro citroque commeabant, *Hegedor*, id est *porta sepis vel munimenti*, vocata. Veterioribus autem temporibus *Denam* vel *Dinam* dictam fuisse

In Chersoneso Cimbrica etiam non alia quam Germanorum vestigia.

fuisse ex GEOGRAPHO RAVENNATE & Toenningga  
a fluvio praeterlabente nominata, eidemque Geogra-  
pho iam memorata, concludimus. *Dena* autem flu-  
uium per depresso rem humum seu vallem currentem  
designat, ab Anglo-Sax. *Daene*, vallis. Vnde popu-  
li ad hunc fluuium habitantes *Dani* & *Daeni*, & regio ad  
eundem fluuium *Danemarca* siue terminus Danorum  
dicta, quod nomen insulis deinde *Codani* sinus com-  
mune factum, quia a Danis regnatae. *Dani* autem,  
si ante saeculum quintum & Saxonum in Britanniam  
transitum occurrant, Saxones denotant; cum, qui  
nostro tempore nomine Danorum veniunt, post eo-  
rundem in Britanniam secessum demum loca vacua  
ad Denam siue Egidoram usque occuparint. Trenam  
Egidorae se iungentem ab arboribus deduco; per re-  
gionem enim arboribus consitam fluit, & Anglo-Sax.  
treo, aequa ac Danis *tree* lignum, arborem, de-  
notat; a quo eodem fonte & *Traua* venit, olim syno-  
nymo *Chalus*, quod idem est ac *Holtza*, siue *fluuius*  
*lignosus*, appellatus. Heuerum in Nortstrandia a ve-  
ttere Frisico *aber*, ostium, deflectit HEIMRICHIUS.  
*Slyam* a tincis deducere quis possit, mihi tamen vide-  
tur ab Anglo-Sax. *Slief*, *slife*, vel *slyfa*, manica, di-  
ctus, quia manicae forma mari coniungitur, aut etiam  
maris quasi brachium haberri potest.



TIB·CAESARE  
AVG·IOVI·OPTVM  
MAXVMO·  
NAVTAE·PARISIACI  
PVBLICE·POSIERV  
NT.



SENAT  
C. CAESAR  
LNUFO AVGVSTO  
M. AGRICOLA  
C. MARCIANUS  
M. VENIUS



TARVOS · TRIGARANVS



## §. XXIX.

Montes syluaeque omnes inter Albim & Visurgim Germanicae originis nomina habent. Hartz sylua inter reliquas eminet, eamque ab *hart* continuus, magnus (vnde & antiquum *hart*, valde, nimis) vocata certus sum. Hinc non mirum, omnibus in Germania syluis maioribus *Hart*, *Ardennae* & *Hercyniae* nomen haerere, quod a nobis & Celtae habuerunt. Bructerus mons, vulgo *der Brocken*, Hartici tractus altissimus, ab *vligine*, qua abundat, & Droemling sylua a *tremulo solo* appellantur. *Broeck* enim paludem vel *viginosam terram*, & *droenen*, tremere, apud nos significant. Elmus sylua, quae Helmstadio, sedi Academiae Iuliae, nomen dedit, a collibus, ex quibus componitur, ita audit. *Holm* collem vel montem non adeo elatum denotare notum est. Trendel sylua ex aduerso Elmi iacens a figura rotunda vocata est. *Trent* Saxonibus, & *trendel* veteribus Anglo-Saxonibus est *circulus*. Asse, vnde *Asseburgum*, castellum nunc dirutum, olim appellatum, apud Septentrionales designat *collem in longitudinem protensum* (o). Hils montes collesque significat non solum apud Anglo-Saxones veteres, sed etiam hodie adhuc apud Anglos. Connectuntur ei *Niti* montana, Hilso minora. Hoc ipsum

(o) v. VEREL. Index Lingue Scandicæ.



ipsum autem nomen montem *decrecentem* significare videtur. Septentrionales adhuc *nida lunae* decrecentis tempus vocant; vnde verbum *niden* pro decrescere, minus fieri, olim in vsu fuisse non vane coniicio. Sollingo Visurgi vicino datum est nomen a *Sale*, quo praegnans est, ita veluti *Salinarius*, audiit. Profluit ex hoc monte amnis *Ala*, a *Sale* etiam vocatus, cui adiacet Budenfelda, cuius salinae Carolinis temporibus celebres a Ludouico Pio ex parte coenobio Corbeiensi anno DCCCXXXIII. donatae, vt suo loco videbimus. Sintalus a valle subiecta circa Munderam dictus est. Vallis ipsa, vnde nomen habeat, dubium. Sintalus Distero ita connectitur, vt huius pars vel appendix videri possit. Plerique quasi *duester* sive *obscurum* dictum somniant. Ego vero cum terminatio *ter* ipsum vetus Saxonum *treo*, *treow*, *ter*, lignum, sylua, esse videatur, *Disterum* quasi *syluam Diti*, *Teutati*, vel, quod idem est, *Tuiftoni* sacram dictum fuisse, iam dudum dissertatione de antiquissimo Helmstadii statu conieci. Tuisto certe hic Hercules Germanorum fuit, & *Herculi sacram syluam* *TACITVS* (*p*) in Cheruscis prope Visurgim locat, vbi nunc Disterus protenditur. Sed de *TACITI* illo loco inferius plura. Disteri culmen rustici Brinne vocant, quod a *boeren*, attollere, deriuatum, *altitudinem* designat. In Ducatu Luneburgico minores syluae plures *Sunder* appellantur, hoc est se-

(*p*) *Annal. lib. II.*

para-

paratae ab aliis, & peculiarem dominum habentes, a sondern, Sax. sundern, separare. Tractus, vbi Augustissimi Regis nostri aula statis temporibus venationi vacat, Goerdae nomine insignitus est, a goerde, gurt, cingulum, quia cinguli rotundi forma colliculis & arbustis inter ericeta eminet.

## §. XXX.

Germani itaque fuerunt, qui primi nomina haec syluis, montibus & fluuiis nostris indiderunt. Nec praeter Germanicam linguam vlius alterius idiomatis vestigia apud nos inuenies, quod indicio est, maiores hic nostros primos & solos degisse, nullis aliarum gentium incursionibus infestatos, aut coloniis mixtos. Atque errant omnino, qui patriae nostrae primo Scythas, inde Celtas, & postea Gothos obtrudunt. Scythae Vistulam nunquam transgressi sunt, indice HERODOTO, rerum Scythicarum peritissimo; a Sarmatis deinde populo cognato vel oppressi vel absorpti. Celtae ex Asia venientes litora Danubii primum secuti, vtrumque latus Carpathorum montium, Daciam, Pannoniasque cum Moravia & Bohemia, Germaniam superiorem, Gallias, Britannicas insulas, Italiam citiorem, bonamque Hispaniae partem occuparunt. Germaniam cis Moenum atque infra Bohemicos montes nunquam attigerunt. Gothi trans Vistulam in Prussia, vbi succinum colligitur, exorti per Sarmatas ad Pon-

Nec Scythae,  
nec Celtae,  
nec Gothi in  
terris no-  
stris un-  
quam fue-  
runt.



tum Euxinum tetenderunt, indeque per Pannónias I-  
taliae, tandemque Galliae parti & Hispaniae sese infu-  
derunt, nostris maioribus fibi relictis. Id quod mo-  
nere visum, ne, ut solet, magnorum virorum autho-  
ritas imprudentiores seducat.

### §. XXXI.

Mores Ma-  
iorum vettu-  
stissimorum  
& quae de  
iis ex tumu-  
lis ipsorum  
sciri possunt.

Quibus moribus vixerint, quidue rerum gesserint  
progenitores nostra gentis, antequam Graecis & Ro-  
manis Scriptoribus innotuere, dictu difficile est. Ali-  
qua tamen ex tumulorum sepulchralium atque aliis  
reliquiis ratiocinando colligi possunt. Robustissimos  
fuisse, moles lapideae testantur viribus ipsorum extru-  
etae, nullis praeter vetem machinis adhibitis. Spe-  
stantur eae passim in Saxonia, Westphalia & Cimbri-  
ca Chersoneso. Inter omnes autem eminent, quae in  
monte Cornelii prope Helmstadium, a CONRINGIO  
peculiariter illustratae, atque in Westphaliae Humelin-  
go restant. Gigantes tamen non fuisse homines ibi tu-  
mulatos ex ossibus inter cineres subinde reliquis & com-  
munem mensuram non excedentibus facile patet.

### §. XXXII.

Amictus &  
arma.

Amictum nescimus, crinum tamen cultum acus  
discriminatoriae & circuli ad continendum capillum o-  
stendunt. Illos enim ligamine vel circulo aeneo com-  
prehendebant, acuique crinali circumvoluebant; vnde  
ad hoc

adhuc SIDONIVS APOLLINARIS Saxonem sui temporis depingens canit:

*Cuius verticis extimas per oras,  
Non contenta suos tenere morsus,  
Altat lamina marginem comarum;  
Et sic crinibus ad cutem recisis  
Decrescit caput, additurque vultus.*

Acus & lamellae huic usui destinatae una cum nouaculis & forcipibus, crinibus euellendis adhibitis, frequenter in vrnis inter cineres reperiuntur. Armillas etiam gestasse certum est: sed id temporibus demum, ubi iam commercia cum populis cultioribus frequentarunt. Vesteis ipsorum veteri nomine *Gunas* appellat LVITPRANDVS. Ex pellibus confeatas, authores perhibent, & ruditas veteris aei persuadet. Figuram ex cornu Tunderensi antiquissimo repetere licet, quod infra delineatum exhibebimus. Calceos ex pellibus animalium sylvestrium sibi fecerunt, hirsuta pellis parte exterius versa; unde *Rulingorum* iis nomen, quod PASCHASIVS RATBERTVS Saxonum calceis adhuc in Vita Walaee proprium esse affirmat. Arma simplicissima fuere ante aeris tractandi notitiam, quae serius ad regiones nostras venit, nec nisi paulo ante Christum natum, & immigrationem Odini in Norwegiam Sueciamque, ubi aeris venae primum detectae, & arma aerea fabricata, cultri praesertim rei nauticae & militiae apti,



*Saxen* dicti, vnde tanquam a re noua *Saxonibus* deinde nomen venit, qui passim in tumulis reperiuntur. Ante aeris usum lapides rotundi & perforati fune alligati vel cuneiformes manu sola in hostes vibrati, aut baculo affixi, pro gladiis erant. Quidam securium instar formati sunt. Cultros etiam lapideos in usu habebant. Singulorum figuras proferimus. Passim enim reperiuntur in vetustioribus tumulis, & saepius etiam fortuito in agris. Vulgus antiqui usus ignarus, *ceratunios* appellat, putatque e coelo in mortales projectos, quibus tamen solummodo manus humanae in hostium capita detonuere. Ossa acuminata iaculis praefigebantur, & piscium dentes acuti sagittas armabant, qui mos adhuc est extremis Lapponibus, veteris simplicitatis retinentioribus. Secures lapideas apud Americae quosdam populos **DAMPIERIVM**, celebrem apud Anglos nauarchum, adhuc nostro aeuo obseruasse memini.

### §. XXXIII.

Mumenta  
regionum &  
habitatior-  
num.

Mumenta regionum, (vrbibus enim carebant) naturalia erant fluuii & amnes. Secundum hos & gens quaeuis distinguebatur, sub suis primoribus, & particulam ita discretam *gau*, Latine *pagum*, dicebant, a particula *ge*, *con* & *iae*, amnis, quasi, vt fictio vocabulo utar, *coaminationem* siue *terram interamnensem*. Arte muniendis limitibus fossas praetendebant, & sepes viuas, virgultis asperioribus circumplantatis, quae, cum

cum  
plic  
adh  
Sepe  
vnde  
finis  
Cate  
Catt  
ibi  
(ME  
CIT  
circ  
ma  
dan  
itaq  
a C  
to a  
nam  
chia  
C p  
ibi  
Billa  
lens  
num  
sign  
sepe  
pori

cum succreuerissent, leuiter semicaesa proclinabantur, implicabanturque inuicem perpetua textura, eaque interim adhuc succrescente, quo ipso firmissimae euadebant. Sepes tales *Hagen & Hecken*, nec non *Hammen* dictac, vnde adhuc plurimorum locorum, praesertim in confiniis gentium, nomen. Non procul a nobis distat *Caternhagen* vicus, quasi *Cattorum sepes* nominatus, a Cattis olim sine dubio contra incursiones Cheruscorum ibi sepe tali excitata. *Chambriuii*, qui inter *Marsos* (MELAE *Marsacios*) & *Sueuos*, Vandalosque a TACITO ponuntur, non alibi constitui possunt, quam circa *Hamburgum*. *Marsi* enim Ditmarsiam & Stomariam certissime occuparunt, *Sueui* ad Albim, & *Vandali* ad maris Balthici litus conserderunt. *Chambriuios* itaque, quos STRABO *Chamabriunos*, & mox tanquam a Chamabriunis diuersos *Campianos* vocat, dictos puto a sepimento, secundum Billae ductum in Trauenam protenso. Insulae, quas ibi minora Albis brachia efficiunt, ab hac sepe forte adhuc *Gamb* dicuntur, C pro more veteri H literae praefixo. Facillimus ibi Albis traiectus, alueo diuiso & minoribus brachiis Billaque pontes admittente, fluuiio vero reliquo ad Tol-lenspikerum hac de causa arctiore. *Briga*, *Briua* & nunc *brügge* vel *brücke*, traiectum & iam pontem designat. Erunt itaque Chambriuii *Traiectus Albis ad sepem accolae*. Ab his deinde *Hamburgo*, celebri emporio nomen mansisse non inficias iuerim, stupenda*licet*



Iacet antiquitatis hoc modo vrbs illa deueniat. Munitum autem hoc struere potuerunt antiquissimi Chersonesi incolae, qui tamen nihilominus Sueuicis & Vandalis gentibus tandem irruentibus in extrema & litoralia detrusi, Frisi postea audierunt a *ducendo fossas*, quod olim *vriesen* (*q*), quibus nempe aquae terras illas opprimenti viam in oceanum fecerunt. Cum Normanni postea Iutiam occupassent, & sub Danorum nomine inclaruissent, pari illi modo se contra Saxones munierunt, vallo & sepe Denae praetenso, & inde ad litus mari Balthico adiacens continuato, quod adhuc *Danewerc* a conditoribus nominatur, & de quo supra aliqua, plura vero de eodem in LEIBNITII Annalibus occurrent. Priuatorum etiam villae & commorationes atque agri sepibus cingebantur, vnde tot locorum nomina in *hagen*, *ham* & *heim* terminantia. Aliquando munitum huius generis prouinciale etiam *knick* vocabant ab infractione & incuruatione virgultorum. Limes inter Dioecesin Hildesensem & territorium Brunsvicense idem alicubi adhuc nomen seruat. Vbi autem subito hostis irrumperet, iter ei, magna arborum concaede, semitis vndique clausis, praestruetur. Exempla TACITVS, GREGORIVS TVRONENSIS & PAVLVS WARNEFRIDVS suppeditant.

#### §. XXXIV.

(*q*) Vid. *Præfat. nostra ad Leibnitii Collett. Etymol.* p. II. §' 12.

*Tab. XIII. ad. S. 64.*



Tab. XIII. ad. S. 64.



N. Seelander sc.

colat

L

Dan

ti,

dum

dicat

(qui

iam

na

gr

exa

rim

& E

cum

rud

rud

imp

gen

for

mo

nia

An

MC

## §. XXXIV.

Nauticae tamen rei Oceani marisque Balthici accolae ab antiquo potissimum studuerunt, iisque

*- - pelle salum sulcare Britannum*

*Ludus, & assueto glaucum mare findere limbo.*

Danciones iam a PTOLEMAEO ad Vistulam memorati, quod nomen, *Danswicones* dubio procul, secundum nostrum pronunciandi modum, efferendum, indicat incolas *sinus Danorum*. Vnde certum, Danos (qui tunc iidem, qui *accolae Denae*, postea *Saxones*) iam a longo ante PTOLOMÆVM tempore eo loci nauigiis suis appulisse, siue mercaturaे, siue praedandi gratia. Quanquam ibi succinum quaesiuisse, atque exteris nationibus vendidisse, non illubenter crediderim. Nec labente demum imperio littoribus Galliae & Britanniae infesti esse coeperunt, vbi *littus Saxonicum* ab iis cognominabatur: Sed diu ante, cum adhuc rudiores essent, & simplicitate, quam indicaui, armorum insignes, confines Oceano terras incursionibus improvisis iam turbarunt. Nec aliis quam nostrae gentis reliquias esse puto corpora illa Manibus occisorum Gallorum, si quid video, immolata, quorum monumentum ante aliquot annos in Gallica Normannia repertum. Eius delineationem ex Transactionibus Anglicanis hic damus. Descriptionem autem verbis

MONTFAVCONII, viri antiquitatum studiosissimi,

I

accu-

Nauticae arti ab antiquo dediti, & Gallicæ oræ inuasores.


Tab. II.

accuracyrem referimus. Anno, inquit, *MDCLXXXV.* Mense Iulio, vir nobilis, Cocherellii Normanniae castri in Dioecesi Ebroicensi patronus, binos in colle lapides termini more positos, suspicatus quidpiam reconditum significare, amoueri iussit. Cui rei insudantes operaे inciderunt in sepulcrum impolitis quinque ingentis molis lapibus structum: ibi duo capita reperta, queis suppositi lapides totidem, in securis formam concinnati. Alius pyrites lapis erat durissimus sex septemue pollicibus longus, uno atque dimidio latus, tenuissima acie, angulis percutis; alter subuiridis argenteis maculis distinctus, in securis pariter ritum aptatus, ab extrema parte perforatus, longitudine pollicum trium, latitudine duorum: estque lapis orientalis, nephritidi & epilepsiae curandae, cuius rei periculum factum, idoneus. Primis bisce cadaueribus substratus lapis erat, quo summoto, alia duo deprehensa corpora sunt, adpositis solito more lapideis securibus, quae figura quidem similes, lapidum genere & colore dispares erant. Hoc item loco tres urnae carbonibus oppletae iacebant. Dum foueam circumquaque dilatarent operaе, sexdecim octodecimue alia corpora repererunt eodem situ extensa, uno ordine atque linea, itavt versus meridiem spectarent, brachiis singulorum iuxta corpus extensis; capitibus suppositi lapides erant, atque secures memoratis similes. Vulgaris staturaе corpora erant, contra quam a nonnullis publicatum est: verum crania densiora, quam soleant: aderat inter illa caput, quod perfo-

perforatum duobus in locis olim fuerat, sed deinde curatis vulneribus, coalitae partes apparebant. Secures porro eadem omnes forma, sed diuersis lapidibus, fuluis scilicet, subnigris etc. Ad haec detecta sunt ossa tria, spiculi more acuta, atque ut internoscere licuit, oblongo olim baculo infixa, in hastae formam et usum. In iis vnum ex equino crure demitis carnis confectum deprehenditur. Aderant quoque sagittarum cuspides & aculei, partim eburnei, partim lapidei; quo arguitur Barbaros istos, non ferro, non aere, non metallo usos, hoc genere telorum concertasse. Ceruinum cornu inferendis defigendis securibus adornatum eductum est, in quo itidem foramen ad capulum ligneum immittendum. E latere cadauerum huiusmodi, solo octo pollicibus altiore, semiusta ossa, admixtis magna copia cineribus deprehensa sunt; ibidem congeries lapidum, in cuius medio fracta urna, cineribus carbonibusque oppleta: sublimius uno pede atque dimidio ceu stratum cineritium erat, quod memorata semiusta ossa contegebat: inter haec autem ossa, quod obseruandum, bina craniorum frusta vulgaris spissitudinis inuenta sunt. Ad angulum sinistrum lapis ingens quasi rotundus aderat, cui impositi tres alii lapides minores erant. Haec tenus MONTFAVCONIVS.

### §. XXXV.

Suspicor ferme, vetustissimos Chersonesi Cimbricac Pieti in Britannia a Saxonibus orti. incolas altius quoque adscendisse, & Norwegiae infusos



Orcades primum, & magnam deinde Scotiae partem occupasse, *Pictorumque nomine in Britannia inclinuisse.* NENNIVS prodit, hanc Pictorum in Britanniam irruptionem octingentis post aduentum Bruti (fictitii illius herois) annis contigisse, quod secundum eius quidem calculum expensum Alexandri M. tempora nobis reddit. Merentur verba illius a nostris nondum obseruata adscribi. *Post interuallum, inquit, annorum non minus DCCC Picti venerunt, & occupauerunt insulas, quae Orcades vocantur; & postea ex insulis affinitimis vastauerunt non modicas & multas regiones, occupaueruntque eas in sinistrali plaga Britanniae, & manent usque in hodiernum diem.* Ibi tertiam partem Britanniae tenuerunt & tenent usque nunc. Saxonici autem generis Pictos CLAVDIANVS expressis verbis vocat, vbi (s) canit:

- - maduerunt Saxone fuso

*Orcades; incaluit Pictorum sanguine Thule.*

Quod gentis nostrae decus addere hic non inconueniens visum. Pictorum autem horum sermo tanto temporis spatio facile adeo immutari potuit, ut BEADAЕ diuersus a Saxonico apparuerit. G E O R G I V S BUCHANANVS, rerum Scoticarum luculentus descriptor, refert, harum insularum habitatores lingua a Scosis & Anglis differre, eamque, qua vtantur, a Gothica

(ita)

(s) in IV. Consul. Honorii.

(ita Noruegicam vocat) non multum discrepare. At vero Noruegica lingua etiam ex Saxonica ortum nacta est. THORMODVS TORFFAEVS Orcadensem historiam ante aliquot annos dedit. Velle tamen vetera illum diligentius tractasse, & fabellas a rebus vere gestis scrupulosius separasse.

### §. XXXVI.

Antiquissimi autem ex maioribus nostris nauiculis vtebantur vitilibus corio circumfutis, quibus celerime maria decurrere & tempestates superare consueuerant: Lappones & Groenlandi similes adhuc cymbas habent. *Myoparones* nominabant, vt & *ascos*, ab *baschen*, credo, *currendo prebendere*, *celeriter post aliquam rem carrere*. Nos simili modo nauem leuiorem & cursoriā *jagtschiff* appellamus. *Myoparones* illos vulgo *Pramen* dictos fuisse suspicor. Ita certe Belgis, Saxonum gente satis, adhuc *scaphae* nominantur. Ab harum appulsi frequentiori *Bremheimam*, siue contractius *Bremam*, appellatam fuisse, atque inde successu temporis in urbem celebrem excreuisse certus sum. Qui enim hunc locum *Fabiranum* olim audiuisse, cum *EGLINGIO*, viro alias docto, afferunt, *PTOLEMÆVM* obiter saltem inspexerunt, nec animaduerterunt, eum hoc sub nomine *Femeram* insulam, aut locum in eadē a nautis frequentatum intellexisse.

*Nauiculae  
Myoparones,  
asci & pra-  
men.*



## §. XXXVII.

*Ciulas maiorum naues, & inde nomen Cellae & Kilonii. Ptolomaei loca ad bant. Huius generis naues erant, BEDA teste, quibus in Britanniam colonias suas traducebant. A statione earum vrbs Holsatiae, hospitio Academiae & littus maris Baltici sita explicata.*

Maiora tandem nauigia oblonga fabricabant, quorum in expeditionibus bellicis grauioribus & mercimoniis transportandis usus erat. *Ciulas vel kielas* vocantur. Huius generis naues erant, **BEDA** teste, quibus in Britanniam colonias suas traducebant. A statione earum vrbs Holsatiae, hospitio Academiae & nundinis annuis clara, *Kilonium*, atque in Luneburgensi Ducatu Principum quondam sedes *Cella*, in veteribus chartis *kiella* dicta, nomen habent. Valde enim falluntur, qui *Cellam* a Monachorum cella necnoqua vocatam hactenus putarunt. Nos eidem loco vetustatis gloriam eo libentius asserimus, quod & nostro tempore nauigiis hisce adeatur, & merces regioni nostrae necessarias Brema accipiat. Eiusdem urbis nomen etiam in Caroli M. Capitulari anni DCCCV. secundo occurrit; ubi enim post factam Bardeuici mentionem vulgo legitur *ad Schesla*, & in uno Codice Guelferbytano *ad Skaesla*, in altero vero *aschzela*, ibi *ad Zela* vel *ad Cella* restituendum est. *Cella* enim inter Bardeuicum, & Magdeburgum, quae sequitur in eodem Capitulari, sita est. *Kilonium* **PTOLEMAEVS** iam *Tekeliam*, hoc est, Saxonice *tokiel* (ut nos adhuc *zum kiel* dicimus) nominat. Errant, qui eius hoc nomen de *Teclenburgo* accipiunt. Eo enim loco, ubi illud profert, loca nostri littoris, ad mare

mare Balthicum sita, ordine recenset, corruptissime  
licet nomina ipsorum proferat. Ita eius *Phileum* est in-  
sula Fyonia; *Setutanda* Selandia; *Phabiranum*,  
**PLINIO** *Fabaria*, (Romano, ut indicat nomine, a  
fabis ibi prouenientibus,) ut modo diximus, Femera,  
cum alias *Buchana* (lego *Burchana*) dicta fuerit. Et  
notabile, *Borg* adhuc principem Femerae locum vo-  
cari, quod **PONTANVS** qui Borchum insulam ad o-  
stium Amisii iacentem interpretatur, obseruare debuis-  
set. Phabiranum excipit apud **PTOLEMAEVM** *Tre-*  
*uu a Traua flunio dicta, vbi iam Trauemunda. Leu-*  
*phana*, quae sequitur, forte *Leuphaua* audiit; Grae-  
cum enim, & in **PTOLEMÆI** editis exemplaribus  
subinde confusa saepius obseruari. Statuo ciuitatem  
hanc eo loco sitam fuisse, vbi postea Lubeca surrexit  
ad Wakenizæ & Trauae confluentem. *Wackeniza* o-  
lim *Leuphaua* vel *Leuchaua* videtur dicta fuisse, quod  
idem est ac *Lubeck*, hoc est *annis paludis*, siue *ex palu-*  
*de* profluens. *Leuch* enim & *Lub* Anglo-Saxonibus *pa-*  
*ludem* & *aua* aut *bec annem* designat. Hinc ergo Lau-  
phanae nomen corruptum, quod recentiores male Ha-  
nouerae, **ALTINGIVS** etiam non recte loco Ham-  
burgo vicino tribuerunt. *Lirimiris* ex *Vifimiris*, quae  
*Vismaria* erit, prodiit, *eu* in *λ*, & *σ* in *ε* ex initia  
scribarum corrupto. *Mariones* utraeque congruunt in  
*Maringiam* siue *Mauringiam*, quomodo **GEOGRAPHO**  
**RAVENNATI** & **PAVLO WARNEFRIDI** auditregio,  
quae



quae Pomeraniae vicina est. Atque sic & caetera se loca maritima excipiunt apud auctorem laudatum usque ad Vistulam in Balthicum mare se exonerantem, quorum notitia per mercatores dubio procul ad Romanos peruenit. Arma enim ipsorum nunquam eosque penetrarunt.

### §. XXXVIII.

*Quid de defunctis senserint veteres, & cur iis ingentes lapides posuerint?*

Animas post corporis interitum restare, rebus que, quas homines in vita amauere, etiam post mortem delectari maiores nostri crediderunt, unde res in vita caras una cum mortuis aut sepeliuerunt aut combusserunt. Prope tumulum Lubbonis Helmstadiensem inuenta sunt a celeberrimo Abbe D. SCHMIDIO animalium ossa semicombusta, quae & in aliis collibus sepulcralibus offendas. Armillae, annuli, fibulae, acus discriminatoriae, pectines, arma, clavesque nauales inter cineres in vrnis reperiuntur; aliquando & gemmae & pecunia ab hoste recepta. Nec vilibus animabus lapides ingentes erigebantur, sed qui bellica virtute & nobilitate conspicui fuissent, integrarum quandoque prouinciarum ope, iis supremos honores nacti sunt, ut posteri memoria ipsorum ad imitationem laudabiliter gestorum incitarentur. Reliquorum sepulturam cespes solummodo erigebat (*t*). Hoe notari meretur, ingentes saxorum moles sepulcrales tumulosque nulli

libi

(*t*) TAC. *German.* cap. 27.

libi in Germania conspici frequentius, quam vbi Saxones aut commorati sunt, aut colonias habuerunt. Westphalia, Frisia, & praecipue Holsatia Iutiaque Dano-rum repletae sunt his monumentis, quae in Ostphalia rariora, quia silices ibi ingentes inuentu difficiliores. Vbi enim ii maiori copia habentur, vt in Dania, Noruegia, Scania & Suecia, ibi etiam frequentiores tumulos lapideos cernas. In Holsatiae littora ab aestuante mari ciectos verosimile, nec opus est, nauibus ex Septentrione transuectos, **vt IOH. DANIELIS MAIORIS** opinio fuit. In Anglia etiam sex milliaribus Anglicisa Sarisberia, celebre monumentum, *Stoneheng* communiter dictum, Saxones auctores habuisse credo; vnde mirandam eius structuram hic delineatam exhibere placet. Neque enim Celtis in more erat, vt tanta ambitione defunctorum memoriam conseruarent: &, si postea a Danis structum fuisset, Historici, quos Anglia, iis irrumpentibus, plures iam habebat, opus tam memorabile non reticuissent. Lapideos autem tumulos **TACITVS** non commemorat, qui Saxones horumque terras nondum cognouit.

Tab. III.

## §. XXXIX.

Plebs nostra monumenta haec lapidea ob ingen-tia saxa in vnum congesta *Risenbetten* & *Hunnengraeber*, hoc est, *Gigantum lectos* & *Hunnorum sepulchra* vo-

K

Lapides se-pulchrales  
ingentes ne-  
que a gigan-  
tibus, neque  
gigantibus  
erecti.

cat, certo persuasa, auctores ipsorum viribus plus quam humanis potuisse. Quicquid enim maius solito est Hunnicum vocabant veteres, Hunnos pro gigantibus habentes, & magnitudinem rerum ab ipsis gestarum ad magnitudinem corporis erronee traducentes. **C O N R I N G I V S** ipse aut giganteas vires aut machinas Fontanae ad erectionem lapidum horum requirit, cumque gigantes post Diluvium Noachicum nullos reperisset, ad Antediluvianos confugit, vectis potentiae ignorantior. Procerae statura duriorisque constitutionis omnino fuere progenitores nostri, sed neutquam gigantes. Vi<sup>s</sup>tus simplex & modicus, nec dum aromatibus, ex India malo nostro allatis, venenatus, senior Venus, continuaque aut in bello, aut in venatione & terrae cultura exercitatio, asperitas soli syluis paludibusque occupati, vitaque a deliciis omnibus remota compactiora quidem & robustiora quoque corpora, infra tamen giganteam molem, produxit. Nec naturam decreuisse cernimus in ruriculis nostris ad morem maiorum aliquatenus adhuc viuentibus, vt adeo gigantes **T H E O D O R V S R Y C K I V S** merito eliminauerit. Sententiam eius confirmant ossium reliquiae in vrnis quotidie obuiiae, non maiores iis, quibus nos compacti sumus. Et si quae maiora communibus proferuntur, dubiae sunt fidei, nec constat, praesertim quando non sunt integra, an non sint ex animalibus brutis. Offa certe praegrandia, quae in antris Baumanniano & Scharzfelden-

feldensi atque in suburbanis Hannouerae inueniuntur, & gigantum esse dicuntur, animalium marinorum & Rosmarinorum fuere. Huius generis fuit & integrum sceleton Tiedae prope Stederburgum nuper effossum, (cuius dentem, nec tamen integrum, vna cum sceletono ignoti animalis a GERIKIO prope Quedlinburgum obseruato in aere exhibuit LEIBNITIUS \*) nec non & aliud sceleton Tonnae in Thuringia anno MDCXCV. detectum, quod TENTZELIUS elephantinum putauit. Permistae plerumque ossibus istis testae & conchilia varii generis marinam originem nobis confitentur, vti hoc iam a LEIBNITIO obseruatum.

#### §. XL.

Virtuti gloriose defunctorum venerationem & cultum pene diuinum tributum fuisse constat. Sepulchra inde, non apud veteres solum Graecos & Romanos, Christianosque primos, sed etiam apud maiores nostros ararum atque altarium vice fuerunt. Creditum est sine dubio, honore hoc affici defunctorum animas, atque apud Deum, cui iunctae sint, viuentibus exinde fauentiones fieri. Sunt inter Christianos, quibus haec quoque sententia hodiecum sedet. Humanis hostiis, captiuorum maxime, diis litatum fuit, TACITO teste, atque ab extis futurorum praesagia desumpta. Modum immolandi, litandi & numen adorandi discere licet ex cornu au-

Defunctorum  
diuinum pene  
honore culti.  
Alia de su-  
perstitioni-  
bus veterum  
ex cornu  
Tunderensi.

\* vide Protagoras §. 35. tab. 12..



reō prope Tunderam anno MDCXXXIX. reperto, quod foeminam sacerdotem victimam mactantem & varios illos ritus sacros sistit. Victimās autem has hostiles non combustas, sed integras prope tumulum occisi in bello Principis sepultas fuisse coniicio ex sceletō integro, quod Helmstadii prope Capellam S. Ludgeri, in Saxonia primam, repertum memini, & cuius pectus, pedes & brachia solum magnis lapidibus onerata fuerant. Ita enim ante aliquod annos inueniebantur, cum Capella illa restauraretur. Gallis similem morem fuisse ex tumulo a MONTFAVCONIO descripto colligo. Patet porro ex Cornu Tunderensi maiores nostros satyros, cynocephalosque & centauros esse credidisse: ac serpentes coluisse non secus atque AENEAS apud VIRGILIVM animam patris Anchisis in serpente veneratus est. Apparet ibi & pythonissa, siue saga, speculum magicum homini offerens, cuius superstitionis reliquiae adhuc in plebe nostra reperiuntur. Viris continuum in armis, venatione aut agricultura exercitium erat. Foeminis sacrorum curam relinquebant, eorumque consilia non spernabant, sed potius sapientiam venerabantur. Quae totae, vt apud Gallos Druidae, sacrī deditae erant, *weisse frauen*, hoc est, *sapientes foeminae*, a vestīum colore etiam *weisse frauen*, *Sax. witte fruwen*, hoc est, *albae*, dicebantur. Vnde fabula de apparitione foeminae albae mortem illustrium personarum in locis qui- busdam

busdam praesagientis arcessenda. Poculum loco cornua veteribus erant, ex quibus inter coniuia, quae communibus consiliis capiendis destinata, & inter sacra quoque bibebant, vnde formula loquendi *vnum cornu cum aliquo inflare*, quod est socium alicuius, & consiliorum participem esse. Vir cornu tale manu gerens in circulo secundo Cornu aurei exhibetur. Videas & in circulo postremo geminas *boas* Germ. *Vncken* dietas, quarum reuerentia simplicioribus haeret. Putant esse genios, & quando vident in conclauibus aliquantum terrae egestum, audiuntque sonitum acutiores, illos adesse & bona portendere somniant; cum interim sonum illum & terrae egestionem a foricibus fieri cruditi nuper obseruarint. Sed effigies vetustissimi monumenti danda est, quod **O L A V S W O R M I V S** (u) EN-  
**V A E D V S R A N D V L F V S (w)** & **T R O G I L L V S A R N K I E-  
L V S (x)** fusius descripsérunt. Epistomium cochleatum Christianus V. electus tunc in spem successionis Regni Danici Princeps addi curauit, vt poculi usum habere posset, cum alias tubae bellicae officium praestitisse WORMIO videatur; quamquam ego non negauerim, etiam olim epistomio clausum poculi vices subiisse. Figurarum circulos septem continet, vt agnoscas numerum septenarium apud veteres sacrum fuisse. Vnde & *septem scabinos Comiti*

Tab. IV.

K 3

ex

(u) *Monument. Dan. lib. V. p. 351. seqq.*(w) *in dissert. Tuba Danica appellata.*(x) *Cimbriae etnitas. T. II.*



ex vetusta consuetudine adiungunt Leges Carolinae (j). Impar numerus necessarius erat, ne vota paria iudicium impidirent; & septenarius placuit, quia non adeo facile aut sperni, aut corrumpi potuit, quam quinarius aut ternarius, nec tamen eius collectio adeo difficultis esset, quam reliqui numeri impares maiores. In consultationibus communibus forte etiam maiores gentis per septenarios distincti sententiam dixerunt, & (quoniam omnes eiusmodi conuentus inter pocula habebantur) cornu Tunderense videtur fuisse cuiusdam ex primoribus gentis, qui eo in conuentibus solennibus cum suis assessoribus siue scabinis, belli vero tempore, remoto epistomio tubae loco usus fuit. Magnitudinem quod concernit, ut verbis WORMII, testis oculati, utrū, rotundum cum sit & incuruum, prona sui parte longitudine aequat pedes duos Romanos cum quinque pollicibus, supina pedes duos cum pollice uno. Linea recta ab una extremitate transuersim ad alteram ducta, pedem continet unum & pollices nouem. Orificium maius, ex quo bibitur, in circumferentia praecise pedem habet unum, in diametro pollices quatuor. Minus quod cochlea iam clauditur, ambitu quatuor est pollicum, in diametro unius cum semisse ferme.

### §. XLI.

(j) *Capitular. lib. III, c. 480.*

## §. XLI.

Sed cornu hoc relicto distinctius res in tumulis & In tumulis  
 vrnis repertae, & quidem primo lapideae nobis sunt & vrnis ve-  
 considerandae. Aeri haec incisa a nobis habes, & sub pidea vren-  
 numeris I. II. III. vides cuneos in Holsatia detectos, (z) filia inuenta.  
 nec apud nos raros, de quorum vsu paulo ante disce- Tab. V.  
 ruimus. Aliqui eruditorum *secures* vocant. Certe fe-  
 curium maiorum forma ab iis desumpta videtur. Fi-  
 gura ab his differunt, qui sequuntur sub num. IV. V.  
 & VI. in Westphalia a NVNNINGIO eruti (a). Qui  
 num. VII. sistitur, etiam NVNNINGIVM inuentorem  
 habuit (b); & qui exhibetur num. VIII. in Fyonia in-  
 sula cum pluribus aliis prope defunctorum cineres re-  
 pertus est (c). Vterque perforatus est ad baculum in-  
 figendum, quo mallei bellici, vulgo Streithammer dicti,  
 loco esse possit. Sequuntur num. IX. & X. duo globi la-  
 pidei perforati in Holsatia inuenti (d), quorum etiam  
 vsus in bello fuit. Fune enim alligati hostium capiti-  
 bus immittebantur. Nec dissimili bellico instrumen-  
 to Iohannes Ziska suo adhuc tempore vsus est, vt cer-  
 nere est ex figura a MAIOR in libello *de migrationi-*  
 bus

(z) MAIOR *de Migrat. Cimbror.* p. 43. ARNIEL, *Cimbr. Etbn.*  
*lib. I. p. 166.*

(a) Sepulchres. Westphal. p. 46. & p. 44.

(b) I. c. p. 44.

(c) Nova literaris maris Baltici 1700. p. 343.

(d) MAIOR I. c. p. 46. Nova lit. maris Balt. anni 1699. p. 98.



*bus Cimbrorum (e) producta.* Vbi mireris oportet, veterum patientiam in acuendis & perforandis lapidibus durissimis, quae res etiam nobis, machinis non vnis eam in rem instructis, molestiam non paruam facessit. Num. XI. XII. hastas lapideas ex RVDBEKII delineatione sistimus (f), similes iis, quas in circulo Cornu Tunderensis altero obseruamus, quibusque continuus pugnatum fuisse breuitas manubrii indicat. Cultri Lapidei duo sunt num. XIII. & XIV. priorem RVDBEKIVS loco citato produxit, alterum Holsatia seruauit (g). Lapis Num. XV. delineatus, a MAIORE pro cultro sacro habetur; sed existimo potius esse cuspidem, quoniam cum numeris XVI. & XVII. non parum conuenit, quibus sifstitur effigies lapidum Cerauniorum in Musaeo Moscardi asseruatorum, quos MONTFAVCONIVS lapidibus barbarorum capitibus in monumento Normannico suppositis similes esse retulit. Frequenter apud nos quoque in tumulis & hae & ceterae res a nobis recensitae occurrunt. Nos in Cimbrica Chersoneso detecta eo Iubentius referimus, quoniam ibi primae maiorum nostrorum sedes fuerunt. Obserues tamen hic gentium consensum communem, quibus prima monumenta lapides, & prima arma utensiliaque lapidea fuere, vbi adhuc arte scribendi & sci-

tia

(e) p. 48.

(f) RVDBEK. *Atlant.* T. I. p. 652.

(g) ARNKIEL. I. c. p. 166.

tia rerum metallicarum caruere. Exempla in re obuia ex profanis scriptoribus non affero, vbi ex Sacra-  
rum litterarum Codice, antiquissimo sane monumento,  
hauriri possunt. Cultri lapidei, quando cum aereis, & tan-  
dem ferreis commutati fuissent in re domestica, in sacris  
manserunt, quae non temere etiam in minimis mutatio-  
nem admittunt. Et cultri sacri, quibus circumcisio fit a-  
pud Iudeos etiam nostro adhuc æuo lapidei existunt.  
Ita vestitus personarum sacra administrantium, vario-  
rumque huius temporis Ordinum religiosorum aliquan-  
do communis usus & consuetudinis fuit, sed obsole-  
tus pro sacro habetur. Notes autem lapidea hic arma  
ob spatii defectum dimidia sui parte minora fisti.

## §. XLII.

Lapideis armis apud omnes successere aerea. He- Aerea in vr-  
braeorum, Graecorum & Romanorum hac in re mo-  
rem antiquarii exponunt. Nos idem institutum secuti-  
sumus. Gladios cupreos in Holsatia repertos tres fisti-  
mus. Primi magnitudo quadruplo maior, quam nos  
exhibuimus, erat, reliquos dimidio minores dedi-  
mus; quod & in plerisque aliis hic exhibitis rebus ob-  
seruatum. Prope illum, qui numero II. insignitus est,  
atque in Rensburgi vicinia latuit, inuenti fuere com-  
plures nummi Imperatorum Romanorum seculi primi  
& secundi; vnde ad heroëm expeditionibus contra Ro-  
manos clarum pertinuisse coniicias. Num. IV. V. VI.

Tab. VI.



cultri aerei etiam dimidio minores, apparent; sed  
 num. VII. cuspis hastae aenea iusta sua magnitudine.  
 Numero VIII. extat nouacula, num. IX. X. XI. XII.  
 XIII. acus discriminatae variae, num. XIV. & XV.  
 forcipes ad euellendos crines, & num. XVI. instru-  
 mentum ad discriminandos forte capillos; omnia di-  
 midio minora. Magnituduem vero suam reliqui-  
 mus num. XVII. circulo ad continendos capillos cum  
 suo cultro & acu discriminatoriis, ac num. XVIII. in-  
 strumento ad fibulam pertinenti. Omnia haec sunt ex  
 aere. Armilla, quam num. XIX. damus, aurea est,  
 & sine dubio spolium a Romanis acceptum: Aereae plu-  
 res inueniuntur, quas praetermisimus. Annulus spiralis  
 sub num. XX. positus, etiam est aureus, atque vna  
 cum armilla in Holsatia repertus (*b*). Amplissimus K E L-  
 PIVS, Canonicus Rameslouensis, atque antiquitatum ha-  
 rum curiosus scrutator, testatus mihi est, se aliquando  
 in Ducatu Bremensi inuenisse annulum aureum vrnae  
 insertum, litteris LOLI. LOLI. LOLI. inscriptum.  
 Num. XXI. dedimus bullam aereum, cuius circulo  
 medio forte gemma inclusa fuit igne sepulchrali lique-  
 facta. Saxones bullas tales amuleti loco gestasse conii-  
 cio ex elegantissima bulla aurea cum inclusu crystallo  
 effigiem Regis duo sceptrta manibus tenentis fistente,  
 atque Aelfredi, Regis Angliae, iussu confecta, cuius ima-  
 ginem

(*b*) *Nova Lit. maris Balt. 1699. p. 93. sq.*

ginem **HICKESIVS** (*i*) & post eum **WOTTONVS** (*k*) dedere. Vix enim alium, quam ut a collo pependit, usum habere potuit. Omnia vero quae protulimus, in Holsatia iterum inter cineres inuenta suisse scias (*l*). Num. XXII. delineauimus gemmam, quibus boues iuncti sunt incisi, coloniae signum. Hanc forte fieri curauit Romanus miles partem eam Germaniae Romanorum coloniam futuram frustra praesagiens. Erepta eidem a Germano cum huius cinere condita fuit prope Ihorstium, Vechensis praefecturae locum, non procul a Dummera lacu. Detexit **NVNNINGIVS**, qui & armillas ex candidis & rubris lapillis connexas num. XXIII. & cuspidem hastae ferreae, a Romanis fabricatae, num. XXIV. in vrnis reperit (*m*). Omittimus claves nauales, cotes & alia, quae in sepulchris veteribus frequenter occurrunt, praecipua annotasse contenti.

### §. XLIII.

Vrnarum ipsarum structuram & formam varii a-  
pud nos exposuerunt, nec in re nota Lectores detine-  
re animus est: Tumulos apud nos sepulchrales M A-  
**TUMULI**  
**Buelckenſis**  
**& Helmſtadi-**  
**IOR, ARNKIELVS, NVNNINGIVS** & plures alii de-  
linea-

L 2

(*i*) Grammat. Anglo-Sax. p. 142.

(*k*) Conspect. Operis Hickeſiani p. 18. sq.

(*l*) MAIOR l. c. p. 68. 69. 70. 71. 72. ARNKIEL. l. c. p. 56. 57. 59.

*Nou. Literar. maris Balti. l. l. c. c.*

(*m*) NVNNING. l. c. p. 46.



Tab. VII. linearunt. Nos in specimen damus tumulos Buelckensem Holsatiae, & Helmstadiensem Ostphaliae nostrae;  
 & Tab. VIII. ille celeberrimi MAIORIS, (n) hic magni C  
 RINGII (o) descriptionem meruit, atque, vt ipsi obseruauimus, triplici lapidum maiorum circulo constitit.  
 Maximi omnium medium tenent locum, quibus quatuor ingentia saxa super incumbunt, stupendo labore eleuata. Versus viam publicam aliquot alios tumulos, partim disiectos, adsitos habet. In vno horum Vir Summe Reuerendus D. Ioh. Andr. Schmidius, Abbas Marienthalensis & SS. Theologiae in Academia Iulia Professor, vt supra iam tetigimus, carbones & ossa equina inuenit. Equi enim, arma & quicquid carum erat, vna cum cadauere domini comburebantur. Lubbonis saxum Helmstadienses appellant. Vnde suspicio est, heroem hic sepultum cum suis Luberti nomen habuisse. Et cecidit forte in bello Saxonum contra Thuringos. Nam Helmestadium in finibus Northuringiae & Saxoniae situm est, & praelium ibi magnum olim commissum, lapides sepulchrales in hoc & vicinis collibus plures evincunt, cum in reliqua regione vix unus & alter inueniatur.

#### §. XLIV.

Ad tumulos defunctorum sacra celebrata iam diximus. Ea vero cum aptius in Lucis peragi crederet anti-

(n) l. c. p. 42.

(o) In libro de antiquissimo Helmstadii statu.

antiquitas, solitudine & obscuritate ipsa venerationem  
incutiente, inde aliquando tumulis & luci adiecti fue-  
runt. Delineauit talem **M E L L E N I V S**, Antistes Lube- Tab. IX.  
censis (*p*), quem hic inseri quoque dignum duximus. Vo-  
catus is est *de Brut-camp*, atque in Ditmarsia australi ad  
vicum Albersdorf in confiniis Holsatiae iacet. Lucos hos  
Anglo-Saxones *bearbge*, *bearb* vocasse ex **S O M N E R I**  
& **B E N S O N I I** Lexicis discimus. Nec improbabile est,  
inde syluam Helmstadium inter & Marienthalium, nec  
procul a monumentis Lubbonis & aliorum sitam, no-  
men *Haerckling*, quod hodie gerit, fortitam, atque o-  
lim lucum seu fanum gentile fuisse. Magnus certe  
gentilium Deorum cultus circa Helmstadium fuisse o-  
portet, ubi Ludgero, Abbatii Werthinensi atque Epi-  
scopo Monasteriensi, primam in Saxonia nostra eccl-  
esiam fundari necessarium visum fuit.

### §. XLV.

Ipsi maiores nostri, ex quo in gentem creuere, non secus ac caeteri Germani, in *Adelingos* siue no-  
biles natu, *Frilingos* siue liberos, & *Lazos* aut *Litos* si-  
ue colonos, discreti fuerunt. Durat distinctio haec ad  
nostra usque tempora. *Adelingos* iam Principes vo-  
ces, *Frilingos* caeteros Nobiles. Poloni eo modo  
maiores minoresque Nobiles habent solis fortunae bo-  
nis distinctos, caetera pares. *Lazos*, tenuior condi-  
Hominum in  
Germania  
vetere varia  
conditio.

tio aut bellum Adelingis & Frilingis ita subiecit, vt vita sola, bonis vero, nisi gratia dominorum, nullis gauisi sint, & coloni tantum sui agri, non possessores fuerint. Tertium tandem *ingenuorum* genus, medium inter Frilingos & Lazos vrbibus extractis & habitatoribus eorum per priuilegia veluti manumissis, *Burgariorum* nomine ortum est, vetustis temporibus ignotum. Vrbes enim nullas colebant, & vetustissimae, quas iam Germania habet, in vterioribus Rheni, Danubiique litoribus, sitae atque a Romanis demum aedificatae sunt. Reliquae post Christianorum sacrorum introductionem paulatim surrexere.

### §. XLVI.

De habitationibus veterum, earumque appellatiōnibus.

Primis temporibus discreti ac diuersi habitarunt progenitores nostri. Formam perspicias aliquantum adhuc in Saxoniae nostrae Langenhaga, Catternhaga & tot aliis praecipue Luneburgensis Ducatus locis, vbi singulis aedibus agri & prata ad eas pertinentia adsitae sunt, vt vici interdum per vnum aut duo milliaria nostra iaceant protensi. Occasionem quisque, a fonte, campo aut nemore, quod placuit, primo sumsit, quod praeter **TACITVM** & nomina locorum produnt. Vbi quis sedem fixerat, is locus statt vel stette praeposito possessoris nomine vocatus est; vt *Oldenstat*, statio locus vel sedes vetus; *Neustat*, sedes noua, *Helmstet*, Helmoris vel *Helmwardi* sedes, siue etiam locus ad Elmum syluam,

syluatn, *Scheppenstet*, Scabinorum sedes, *Engelstet*, En-  
gilonis sedes, *Emmerstet*, Emericis edes, *Halberstat* Alber-  
ti sedes. A nuda interdum possessione quoque habitatio-  
nibus suis nomina sua in *igen* vel *ingen* terminata dede-  
runt. *Igan* enim vel *eigan* veteribus *babere*, *possidere*, de-  
notauit. Hinc *Ricklingen* est Richelonis vel Richelmi pos-  
sessio, *Kneitlingen*, (Vlenspiegeli, histrionis famosi, patria,) *knecht* vel ministri possessio, *Duingen*, Duuonis possessio.  
Qui hanc terminationem plurimorum extra Saxoniam  
etiam locorum aliunde haec tenus deflectere conati sunt,  
eos errasse scias, ut facile fit ab iis, qui in originatione  
vocum, veteris linguae notitia destituti, solo ingenio  
nituntur. Aliqua loca terminantur in *büttel*, quod a  
*biten*, *beiten*, commorari, deductum, *commorationem*  
vel *sedem* designat, vbi *Wolfenbuttel*, *commorationem*  
*Welfonis*; *Isenbuttel*, *commorationem* *Isonis*, *Binnen-  
büttel*, *commorationem* *Binnonis*. *Leben* antiquum,  
pro quo iam compositum *bleiben* obtinet, vicinae est  
significationis & manere reddi debet. Inde substan-  
tium *leben* est *mansio*; & *Fallersleben*, *mansio* *Walthe-  
ri*, *Germersleben*, *Germeri mansio*, *Arxleben*, *Ericho-  
nis mansio*. Quidam suas domus a secessu nominabant,  
qui Saxonibus *horn* & olim *ern*. Inde *Gifhorn*, *Ge-  
nonis secessus*, *Stubbekeshorn*, *Stubkeni secessus*,  
*Wolfeshorn*, (locus in angulo quodam ciuitatis Hanno-  
nerae) *Weluonis secessus* vel *angulus*, *Golthorn* &  
*Goltern*, *Goldonis secessus*. Germanos veteres etiam  
subter-



subterraneos specus aperuuisse eosque simo onerasse, suffugium hiemi & receptaculum frugibus, **TACITVS** testatur. Idem mos nostra in patria obtinuit, vt nomina locorum in *hole*, quod *specum* denotat, exeuntia produnt. Extant apud nos *Brunsole*, Brunonis specus, atque in veteri de finibus Hildesheimensis dioeceseos Charta a **LEIBNITIO** publicata *Einbergossole*, *Wilansole*, *Meunreffol*, quae *Einbergi*, *Wilani*, & *Meinerbi antrum* interpreteris. Situs ostendit, ultimum illud *Meunreffol* esse oppidum *Meinersen* ad Obacrum fluuium situm. Spatum habitationis aliqui aduersus vicinorum iniurias sepi & fossa cingebant, vnde tot vicorum nomina in *heim* & *hagen* exeuntia, quae vulgo mire aliquando corrumpuntur. Vbi vero solum ini quis parciores fructus redderet, atque ita quis ad sustentandam familiam distentiorem agri tractum excollere cogeretur, separatim in commodis locis frugum foenique conditoria struxerunt, eaque *Borchstaelle* & contracte *bostela bergen*, condere, in tuto locare, & *stall*, stabulum, locus vbi quid locari potest, nominarunt. In Luneburgensi ditione hoc modo adhuc horrea longius aliquando a vicis posita offendit. Quaedam autem huius generis conditoria successu temporis adpositis colonorum aedibus in vicos excreuere, vnde tot apud nos vicorum nomina in *bostel* finientia, vt *Engelbostel*, *Engelberti conditorum*, *Bestenbostel*, *Bestonis conditorum*, *Falenbostel*, *Walonis conditorum* & similia occurunt.

Tab. XIV. ad S. 88.

a b c d e f  
Rūnæ  
K<sup>as</sup>c B<sup>yr</sup>ith P<sup>chen</sup> D<sup>thorn</sup> A<sup>ech</sup> P<sup>fec</sup>h

a b c d e f  
Rūnæ  
K<sup>as</sup>c B<sup>bir</sup>ith P<sup>chen</sup> M<sup>thorn</sup> I  
n o p q r

*Runæ in Mſto veteri a Lazio repertæ.*

a Runcæ a Rabano Mauro annotatæ.  
 Kasc B birith P chen M thorn M ch M fech X gibu X hagale I his K gile. L lagu M man  
 n o p q r f t u x y z  
 F not E othil E porc I chon R rehil P sugil T tac D hur N halach Y huyri V ziu.

Alphabeta 3 quæ habentur ad calcem libri Hrabani Mauri de compito, in antiqua Cod. MS. Exoniensis Ecclesice.

a b c d e f g h i K l m n o p q r s t u x y z  
N P l M M E V Y N I W N D I N N A D L A I I W

የብኩምማችኑ፤ የተዘጋጀነት ይቻል፤ እና ተለዋዋል

KB հԱՄՐ \* ՆԻՎԻԹԻՆԵԱՐԻ ՈՎ

К В Ъ Е М Е І | Х | М І 8 Е Ф В Ъ | А Ш Ь |

PAX VOBISCVM ET SALVVS PAX

supersunt istae.

Z X P F

三 X 十

*Alphabeta Septem in Codice Ratisbonensi membranaceo seculi Undecimi repertæ.*

curr  
sen a  
men  
pron  
demiss  
vltim  
mensu  
plures  
essent  
trep &  
cet ae  
cimu  
Nor  
HVE  
tibus  
Lam  
idem  
wedel  
del, La  
nim h  
non ta  
Omni  
nant.  
& bru  
fons,  
habita  
vici A

currunt. Interdum domus suas simpliciter *bus* et *husen* ab *hüen*, condere, occultare, dixerunt; cuius tamen vocis prima syllaba saepius absorpta est a citatius pronuntiantibus, id quod appetet in *Algermissen*, *Edemissen*, *Bennigsen*, *Ebersen*, *Winsen*, *Artzen*, quod ultimum in Descriptione finium Episcopatus Hildesensis *Ardistesbusen* scriptum est. Locum vero, vbi plures colonorum domus ab uno domino coniunctae essent, *dorp* & *dorf*, aut antiquius *thorp*, *throp*, *threp*, *trep* & *trop* nominarunt, hoc est, *congregationem*, scilicet aedium. *Trop* vulgo adhuc vincentium gregem dicimus. Terminatio locorum in *dorp* etiam in Galliae Normannia offenditur, eo vel a Normannis, vel, ut *Huetius* putat, a veteribus Saxonibus allata. A fontibus specialiter vocantur *Hallersprinck*, fons Halerae, *Lamsprinck*, fons Lamiae; item in *wedel* finientia, quod idem est ac nunc usitatum *qwelle*, scaturigo; ut *Burch-wedel*, Arcis vel etiam Burchardi scaturigo, *Langenwedel*, *Langonis* scaturigo, *Soltwedel*, salis scaturigo. Licet enim hoc ultimo in loco nostro aeuo nihil salis appareat, non tamen inde sequitur, nec olim tale quid hic fuisse. Omnium rerum vicissitudo est, nec fontes perpetuo manant. Qui fons depresso situs aquam in altum attollit *born* & *brunne* nobis audit. Hinc *Amelungsborn*, Amelungi fons, *Quickborn*, viuus fons, *Bornheim*, vulgo *Borne*, habitatio ad fontem. A *beke*, *bach*, amnis, dicuntur vici *Hastenbeke*, *Hastonis* amnis, & contracta *Walpe*,

M

amnis



amnis sylvestris, *Barmke*, amnis tenuis, *Repke*, hin-  
 nulorum amnis. A traiectu fluuiorum & amnium ad-  
 sita loca aliquando nominata sunt. Vadum autem vel  
 traiectus nobis & veteribus Anglo-Saxonibus *lede*, **GIB-**  
**SONIO** indice, audiit; vnde *Gitlede* & locus ad Lein-  
 nam *Leda* vel zum *Lied* vocatus est. Traiectum notio-  
 re vocabulo *brücke* & *brügge* appellamus, vnde *Stein-*  
*brugge*, *Brüggen*, *Coppenbrügge* & alia restant. Ad pa-  
 ludes constitutae villae in *mor*, palus, plerumque ex-  
 eunt. *Limmer* est Linae palus, *Botmer*, Bodonispalus,  
*Redmer* Redonis palus. Solo circumfluo & herbido adia-  
 centes in *ave* finiuntur, vt *Blumenau*, Blumonis pratum.  
*Stoltenau*, Stoltonis pratum. Ad litus sita interdum ab  
 eo nomen traxere. *Nienauer* est noua ripa, *Hanauer*  
 alta ripa, & insaniunt, qui a fictio **SAXONIS GRAM-**  
**MATICI** gigante Hanefo originem nominis huius  
 arcessunt. Nostrae sententiae facient loca Italiae *Alta-*  
*ripa* & *Ripalto*, Gallieque multiplex *Hauterie*. Et in  
 veruissimis monumentis & nummis quoque vrbs haec  
 nostra semper *Honouere* scripta reperitur. Qui riparum  
 vel litorum recessus incolebant, mansiones suas *wic*  
 cognominabant. *Brunstic* hinc Brunonis recessum, *Bar-*  
*dervic* Bardonis vel Bardorum siue Longobardorum re-  
 cessum, *Osterwic* Orientalem recessum designat. Vbi in-  
 sua habitabatur, inde denominatio loci desimebatur,  
*Marienwerder* S. Mariae insulam & *Bodenwerder* Bodonis  
 insulam

insulam denotat. Campi conditio non minus sedibus hominum coniunctis appellationem tribuit, quod tot locorum nomina in *feld* & aliqua in *acker* finientia euincunt. Vbi in solo depresso vicus altiore loco constitueretur, ille *horst* plerumque dictus est, quomodo frutecta, virgulta & quicquid moderatius assurgit in planicie, nominamus. *Grauenhorst*, Comitis virgultum, *Haselhorst*, corylorum virgultum, *Eickhorst* Eikonis virgultum significat. Cognata est vox *lohe*, *lo*, collem aut syluam recenter assurgentem denotans, quae occurrit in *Eberloh*, Eberhardi collis, *Mandelsloh*, Mandeli collis, *Timmerloh* vel *Timmerla*, Ditmari collis, *Ramsla*, Remberti collis, *Hadeln* olim *Hatuloha*, Hattonis collis, *Lutterloh*, collis ad amnem Lutteram; falluntur enim, qui nomen vici huius Luneburgici a Lothario Imp. hic, si Diis placet, nato arcessunt. In *berg* exeuntia & vulgo nota non commemoro. Cognata sunt, quae in *burg* exeunt. Burgi enim siue castella veterum in montibus aedificantur. *Luneburgum* inter haec eminet; non a Luna fluui, sed a veteri *lune*, ericetum, dicta: vnde & proximum Virginum Coenobium *Luna* vocatum est. Quanquam icuncula Dei Luni vetusti operis Luneburgi ante aliquot annos effossa, idolo Lunae, quod BOTHO in Chronico sistit, similis, ostendat, olim lunam ibi cultam. Imaginem idoli forte miles Longobardus inter Romanos merens, nactus, conterraneis suis attulit, & venerandam exposuit. In columnna marmorea

Tab. X.



in monte Calcario constitutam fuisse tradunt, & ostenditur illa adhuc in Ecclesia S. Iohannis. *Lar* illud in Goslariae nomine plerique ex *lager*, castra, contratum somniant, cum tamen nondum demonstrarint, castra ibi vñquam fuisse. Ego idem cum Belgico *laer* esse existimo, quo *solitudo*, *locus incultus*, insignitur. Incultum autem & sterile fuisse montanorum Goslariae solum situs ipse persuadet. Significat ergo *solitudinem ad Gosam*, vt *Fritzlar*, Friderici solitudinem, *Wetzlar*, Wetzonis desertum. Primos porro habitatores arborum & fruticum eradicatione ab initio terram cultam reddidisse indicant nobis tot nomina locorum in *rode* terminata, quod nouale eradicatis syluis factum designat. Nota sunt *Walsrode*, Walonis nouale; *Abbenrode*, Abbonis vel Abbatis nouale; *Osteroda*, orientale nouale; *Werningeroda*, Werningeri nouale.

### §. XLVII.

Ratio sim-  
plex aedi-  
candi apud  
veteres.

Fortuito itaque vici & oppida nata sunt, & primae quoque aedes simplicissimae fuerunt, nec vltra miserrimorum tuguriolorum modum; palis nempe aliquibus decussatim terrae infixis. Hi vimineis vinculis connexi in summitate bicornes furcas, siue, vt cum **VIRGILIO** loquar, ceruos efficiebant, fastigium & firmamentum domus, quibus superimposita trabecula omnia connectebat. A figura hac furcae nos culmen adhuc *giebel*, *gipfel* & Saxonice *geuel*; atque a trabecula

cula illa, cui gallus, animal non admodum summa petens, cum suis gallinis insidebat olim, summum terti tignum, quod a fastigio uno ad alterum pertingit den hanebalken nuncupamus, vel ipsis his vocibus veteris simplicitatis testibus. Tectum e culmo aut fronde constabat. De reliquis CLVVERIVS fusius: nos ad migrationes maiorum redimus.

### §. XLVIII.

Primi, vt dictum est, Germaniae incolae litora maris Balthici Germanicique secuti videntur. Qui post eos venere per mediterranea Poloniae Germaniam, vbi nunc sunt Electoratus Brandenburgici terrae, intrarunt, Vistula, Viadroque traiectis. Terram syluis abiegnis pineisque obsitam, exustione arborum cultam paulisper redditam fuisse, ex nomine Sueuorum, ipsis ibi primum indito concludo, quod a sweden siue sween, exurere, deductum, syluarum exustores designat. Et notabile est, spatia, vbi arbores, agri ibi faciendi causa, exustae sunt, in Silesiae & Marchiae quibusdam locis cognatae originis voce adhuc Schwaden, in Suecia vero Swedland, nominari. Substitisse hic aliquantum debuerunt maiores nostri, antequam Albim transirent reliquamque Germaniam implerent, litorum etiam incolis alicubi remotis. Coloniis omnibus egressis residui a solo, quod inter Albim & Viadrum inhabitarunt, arenoso Sueui Semnones cognominati, Tab. XL


Quomodo in  
nostras re-  
giones ma-  
iores nostri  
venernit.  
Soli condi-  
tio. Et Sue-  
viae veteris  
descriptio.




gloriam antiquitatis conseruarunt, seque vetustissimos nobilissimosque Sueorum, TACITI adhuc aetate (q) memorarunt. *Fides* inquit ille, *antiquitatis religione* firmatur. *Stato tempore in syluam auguriis patrum & prisca formidine sacram*, omnes eiusdem sanguinis populi legationibus coëunt, caesoque publice homine celebrant barbari ritus horrenda primordia. *Est & alia luco reuerentia.* Nemo nisi vinculo ligatus ingreditur, ut minor, & potestatem numinis p̄ae se ferens, si forte prolapsus est, attolli & insurgere haud licitum per humum euoluuntur: eoque omnis supersticio respicit, tanquam inde initia gentis, ibi regnator omnium Deus, caetera subiecta atque patentia. *Adiicit auctoritatem fortuna Semnonum, centum pagis habitantur: magnoque corpore efficitur, ut se Sueorum caput credant.* Haec TACITVS de antiquitate Semnonum. Quod si singulas gentes percurras, obuiam fiunt primo *Catti* & qui supra eos ad Rhenum habitarunt, ACAESARE & STRABONE Sueui non sine causa vocati. A Cattis *Bataui* caeterique fere Germaniae inferioris habitatores ortum traxerunt. *Marcomannos, Hermunduros (Herminonum forte reliquias) & Longobardos* STRABO Sueuos facit, cum quo TACITVS consentit; & STRABO quidem prodit, Longobardos suo tempore Albim transgressos à finitimis populis pulsos, cum antea ultra eum habitarint: Sequeretur inde intermedios *Cheruscos*, siue Werrae vel

Visur-

(q) *De mor. Germ. cap. 39.*



Tab. XV. ad S. 95.



Visurgis accolas & Fosos ad Fusam nostrum locandas  
etiam Sueuci generis fuisse, licet id veteres non prodi-  
derint authores. Post Longobardos **TACITVS** Reu-  
dingos, Auiones, Anglos & Varinos recenset; vnde  
patet, vicinos fuisse his & Cheruscis. **CLVVERIVS**  
Reudingos in Deuringos audacissime transformat & om-  
nia mire confundit. Nobis videtur vnica litera R in H  
mutata legendum *Heudingi*, vt incolae Ericeti Lune-  
burgici, nobis *Heide* dicti, denotentur. *Auiones*,  
pro quibus erronee alii *Chaibones* & *Cauiones* habent,  
Heudingorum vicini, ab Elminaia fluvio, qui olim  
*Aua* audiit, nomen sortiti, & ad Albim fere vsque ex-  
tensi coluerunt. **MAMERTINVS** Panegyrista eos He-  
rulis coniungit: & hi statim in altero Albis litore oc-  
currunt, a **TACITO** licet praetermissi, qui praeter po-  
pulos inter Rhenum & Albim, quos bellum detexerat,  
non alias cognouit, quam litorales & Romanis ex com-  
merciis notos. Hinc *Auionibus* statim subiungit *An-  
glos* per litus Holsatiae dextrum ad Wagriam vsque pro-  
tentos. Wagriam autem ipsam *civitatem Cimbrorum* a  
**TACITO** memoratam fuisse ex dicendis inferius am-  
plius patebit. Pars horum videntur fuisse etiam **PTO-  
LEMAEI** *Calucones*, qui **STRABONI** *Caulci* ad Cha-  
lusum siue Trauam fluum siti. **TACITVS** Cimbros  
in Suevia non nominat; quia ii ad Sueuos non pertine-  
bant: sed aliis generis erant. Post Trauam *Varini* cir-



ca Warnam fluuium ad Sueuum siue Suinae ostium (r); inde *Eudoses*, siue, vt legere malim, *Erdores*, hoc est, accolae Odorae vel Viadri. Viadrum enim a Sueuo siue Suina discretum statuerunt Romani, qui non terrae huius interioris situm, sed litora saltem eius nouerant. Deinde *Suardones* inter Viadrum & Vartam: & *Nuithones* inter Vartam & Noteffium, qui olim dubio procul *Nuitha* siue *Witta*, *Suartae* siue *Vartae* nempe oppositus, dictus est. Ita *Neustriam* pro *Westria* simili modo vocauere maiores nostri. Nisi **TACITVS** *Castum nemus* Herthi cultu inclytum in insula Oceani collocasset, nomen conueniret loco *Regenvalda*: licet enim a fluvio Rega dictus fuisse videatur, significat tamen etiam proprie *purum* siue *castum nemus*. Liceat igitur commode sacrum hunc Herthi lucum in proximam Rugiam Oceano circumfluam collocare. Post recentitos Nuithones **TACITVS** regreditur ad *Her munduros* per Thuringiam, Misniam & Bohemiam ad Danubium usque pertingentes; in quorum latere dextro *Narisci* Voigtlandiam, partem Franconiae, Palatinatumque Bauariae olim incolentes, *Marcomanni*, circa Morauam etiam usque ad Danubium coluere, atque a fontibus Oderae ad eundem Danubium *Quadi*, quorum reliquiae Poloni aquatici, (*die Waffer-Poblen*); neque enim ab aqua, sed a Quadis ita nominati sunt. *Marsignos* **TACITI** ferme pro accolis Vistulae habeo,

vbi

(r) PTOLEMAEVS lib. II. cap. II. qui Warinos nominat Pharodenos.

vbi nunc Varsavia & pars Ducatus Massouiensis citerior est. Sonus nominum aliquantum nostram conjecturam iuuat. *Gothini* ferrum fodierunt, vna cum *Osis* tributa pependerunt Quadi & Sarmatis (s), quorum confines fuisse & dīo indicauit. Hinc quis dubitet, inter Quados & Sarmatas ad ortum Vistulae, radicesque montium Carpathiorum collocandos? Gallica lingua, qua vſi, indicio est, Boiorum agnatos fuisse. *Osi* ex Pannonia fortevenere atque ad *Olsam* in Montibus Carpethiis ortum atque in Oderam se exonerantem confederare. Vnde etiam ipsis nomen. Nec insolens / ante alium consonam elidi. *Burii* his inferiores ad Vistulam flumen (u) a montibus per Pomerelliam & Calisiensem Palatinatum extensis nomen acceperunt, quod deinde in illud *Burgundorum* transiit. Post recensitos modo populos *Lygiorum* natio late diffusa patuit. Cum autem mediterranea Poloniae trans Vistulam Sarmatae impleuerint, nomenque *Lygiorum* paludicolas denotet, ipsosque in vicinia Gothorum habitasse TACITVS indicet, iidem mihi in Prussiam, Samogitiam, Curlandiam & Liuoniam ad littus Balthici maris & partem Finnici sinus collocandi videntur. Nec incongrue COLERV<sup>S</sup> *Helueconas*, partem Lygiorum posuit ad Elbingam e lacu Drausio in sinum recentem sese exonerantem,

(s) TACIT. *Germ.* cap. 43.

(u) PTOLEMAEVS. l. c.



rantem, vbi iam Elbinga ciuitas floret. *Arii* inde ad  
*Passariam*, qui vulgo *Passerus*, habitauerint. *Mani-*  
*mi* erunt accolae Niemi fluuii, qui vna cum adsita vrbe  
*Memela* nomen adhuc Maminorum, mutilatum quam-  
 uis, post tot aetates seruat. *Elysi* in Oefelia insula  
 quaerendi sunt; *Naharuali* ad Naruam fluuium & ciu-  
 tatem commerciis celebrem. **TACITVS** recensitis his-  
 ce Lygiorum populis, trans eos *Gothos* sive *Gotbones*  
 regnari dicit. Pytheas apud **PLINIVM** (w) ad Aestua-  
 rium Oceani *Mentonomon* eos ponit, quo nomine il-  
 lud, quod vulgo *Recens* vocatur, intelligit. Ab hoc  
 diei navigatione insulam abesse *Abalum*: illuc vere  
 fluetibus aduehi electrum, & esse concreti maris purga-  
 mentum: incolas pro ligno ad ignem vti eo, proxi-  
 misque Teutonis vendere idem Pytheas prodidit. V-  
 bi clarum est, Pytheam locum, ad quem succinum col-  
 ligitur, insulam credidisse, cum saltem parua sit pen-  
 insula. *Abalum* eam vocat, quod nomen in illo *Pil-*  
*lauiae* corruptum, quamuis post tantam aetatem restare  
 videtur. Forte olim *Anfall*, hoc est, locus, quo succin-  
 um allabitur, audiit. Timaeus eundem locum *Basiliam*,  
 sive, si Latine vertas, *Regiam* insulam vocasse (x) dicitur.  
 Vnde apparet *Koenigsbergae* sive *Regiomontanae* ciu-  
 tatis nomen antiquissimum esse, nec demum Saeculo  
 decimo tertio post Christum natum vt vulgo ferunt,

inditum.

(w) *Lib. XXXVII. c. 40.*

(x) *PLIN. L c.*

inditum. Nec minus notabile, eandem peninsulam, siue creditam vulgo insulam esse POMPONII MELAE *Gleßariam* a succino appellatam, quam barbari *Austraniam*, praetereaque *Altaniam* dixerint. Succinum olim vocatum est *glas* siue *gleßum*; nos agt- & *augstein* adhuc dicimus. *Altania* ergo est idem ac *locus succini*; & *Austrania*, succini littus. Littus enim, vbi & succinum colligitur, strandadhuc nominatur. IORNANDES, vt ad priora redeam, *Gepidas* siue *Residuos*, post emigrationem Gothorum in insula Vistulae amnis commansisse testatur, cuius incolae postea *Viridarii* (a *Werder*, insula) audierint. Insulam Gedanensis indicari, clarum est. Ita Goths latus Helueconum pressere per littus forte etiam Vistulae arctum, quod vulgo *die Naeringe* vocant, vsque in Samlandiam, succini prouentu inclytam, extensi. Notari meretur in Periplo maris Balthici, ab ALFREDO, Angliae Rege, ex ore Vlstani nautae excepta & Anglo-Saxonice descripta, regionem ad dextrum Vistulae latus *Witland* dici. IEROSINVS, GRVNOVIVS & HENNEBERGIVS *Wittelandiam* Prussiae partem faciunt. Inde ergo *Guttones* vel *Gothones* nominati. Sic Cimbricae Chersonesi *Iutae* apud BEDAM sunt *Vitae*: & *Vithungi* VICTORIS, SIDONII & EVMENII, apud DEKIPPVM & AMMIANVM MARCELLINVM *Iuthungi* dicuntur. *Protinus* deinde ab Oceano Rugii & Lemo-*uii*, vt TACITI verbis utar. Cum autem littus Ocea-



ni iam ad Viadrum vsque populis repletum viderimus, inde sequitur, hosce inter Viadrum & Vistulam collandos. Nec male CLVVERIVS Rugios ad Regam & Lemouios ad Lebbam Pomeraniae fluuios reposuit. *Suionum hinc ciuitates ipso in Oceano*, pergit TACITVS, Suecos intelligens omnium confessione a Sueuis exortos. Insulam quoque Gotlandiam iam tum a Suionibus habitataim, ex iisdem verbis concludas. Suionibus *Sitonum*, siue Lapponum gentes continuabantur, atque ita cum Suionibus Sueuia terminabatur. Nam *Aestiorum* nomen in vniuersum tributum fuit populis, qui ab Albi, & aliquando solum a Vistula, ad Finnicum vsque sinum mare accoluerunt, a Gothis *Codanum*, atque a Sueuis *Sueuicum* apud veteres auctores dictum.

### §. XLIX.

*Qua via in  
terras nostras  
ventum,*

Ex situ igitur *Sueuiae* huius, vnde omnis Germania incolas, post *Teutones* horumque socios, *Cimbros*, *Cauchos* & *Frisios*, inferiorum ad mare Germanicum regionum colonos accepit, migrationes progenitorum nostrorum lucem accipiunt. Ab Armeniae enim finibus descendentes nauigiorum vsum eos adhuc nescuisse verosimile est. Inde vltterius profectis, necesse erat, Tanais ripam vsque ad ortum sequi, reliquaque flumina circuire. Natura itaque duce vsque ad Finnicum sinum sese extenderunt. Hic vero tandem aquas lintribus traicere, atque etiam maiora nauigia instruere

struere paulatim, & die diem docente, didicisse credas. Vnde maris oras secuti, fluios maiores, interque eos Dunam, Nemenum, Vistulam, Viadrum Albinque superarunt, vel commoditate locorum illecti, vel ab irruentibus populis aliis coacti, succendentibus temporibus altius ascenderunt, vsque ad Rhenum Danubiumque. Nec partem eorum flumen hoc transisse atque Italiae, superatis Alpibus, se infudisse dubito.

### §. L.

Germaniam enim prius habitatam, atque inde Gal-  
liam & Italiam cultores antiquissimos accepisse Italia & Gal-  
lia ex Ger-  
mania pri-  
mos inhabi-  
tatores acce-  
pit. KIR-  
CHERVS etiam in Arca Noae agnouit. Et qui Abo-  
rigines mari aduenisse somniant, non parum idecirco fal-  
luntur, licet in veteribus Romanorum nummis Janus,  
Aboriginum Rex, cum prora nauis fistatur. Notabile  
est, VARRONEM (y) Iani nomen ab *biatu nostro*, *cum  
os aperimus*, arcessere. *Ore autem biare* Germanis ad-  
huc *jaenen* dicitur. *Ausones*, alias & *Aurunci*, item  
*Opici* Graecis, Romanis *Osci* (z) ab Ope sive terra,  
diecti, vt nobis auctor est ANTILOCVS, antiquissimus  
Scriptor a STRABONE (a) citatus, primi Italianam inco-  
luisse, Fauorino apud GELLIVM (b) dicuntur. po-

N 3

LYBIVS,

(y) Lib. 16. rerum diuin. apud AVGUSTIN. de cunctate Rei. 1. 7.

(z) Vid. VERRIVS apud FESTVM in V. Oscum.

(a) lib. V. p. 242.

(b) lib. I. c. 10.

LYBIUS, qui apud STRABONEM Opicos & Ausones distinguit, de senioribus temporibus intelligendus est. Gens haec feritate, truci oris aspectu & corporis magnitudine formidabilis iuxta DIONYSIVM. HOMERVS eius sub *Laestrigonum* nomine mentionem fecisse videtur (c), quos anthropophagos & inhospitales, agriculturae ignaros, atque sola se vita pastoritia sustentantes facit. Ab iisdem Opicis & Siciliam primum inhabitatam esse, ex PLATONE (d) coniicimus, Siciliam sub Opicorum dominationem translatam commemorante. STEPHANVS ex veteri authore afferit, pruinam Opicorum & Siculorum lingua *gelam* dictam fuisse, vnde eandem fuisse concludas. Non igitur mirum, restare in Romanorum sermone, quae non aliunde, nisi a Germanis venisse potuerunt: & viri Celeberrimi MORHOIVS (e) & PRASCHIVS (f) suo iam tempore originem Germanicam Latinae Linguae agnouerunt, quanquam confusa Celtarum & Germanorum natione, paulum aberrauerint. Ante eos iam IULIUS CAESAR SCALIGER (g) notauit *Manium* esse terrae filium apud Latinos, & vocem *man* per Septentrionales populos, quos Scythes vocat, diffusam;

arbi-

(c) Odyl. K. v. 98.

(d) Epist. VIII. ad Dionis propinquos.

(e) Im Unterricht von der Teutschen Sprache c. 2. 3.

(f) Edidit II. dissertationes de hoc argumento.

(g) in Oratione super laudibus eorum, qui ad Viennam cecidere. Add. GRUBEL. Disq. de Lingua German. pag. 18.

arbitratusque est, Romanos aliasque gentes a Theotis-  
cis linguam, & a Principe Theotiscorum *Manno* colo-  
nias accepisse.

### §. LI.

Post Germanos *Celtae* loco monerunt, atque ab Celtarum  
Gallorum-  
que vetustis-  
simae mi-  
grationes &  
populi agna-  
ti. Oriente in Occidentem tendentes, pars secundum mon-  
tium Carpathiorum dextrum latus prosecti, pars Da-  
nubium secuti, Sarmatiam superiorem, Dacias, Thra-  
ciam, Pannonias, Illyricum, Noricum, Rhaetias, bo-  
nam Germaniae Italiaeque partem, Galliam omnem,  
Hispaniae pleraque, ut & Insulas Britannicas, successu  
temporis occuparunt. Rhenus & Danubius omnium  
primo Gallos a Germanis separauerunt. De Reno  
DIONIS (b) & aliorum testimonia extant. Tandem  
tamen Reno & Danubio transito, ea loca, vbi postea  
Suevia ad Moenum usque diffundebatur, impleuere.  
Vestigia certe linguae Celtae in non vnis ibi locorum  
nominibus restant. PROPERTIVS (i) Viridomari,  
quem FLORVS ad Gallos Insubres refert, ad Rhenum  
meminit:

*Claudius a Reno traiectos arcuit hostes,*  
*Belligerans vasti parma relata Ducis*  
*Viridomari; genus hic Reno iactabat ab alto. Ec.*

Vt

(b) lib. 39.

(i) lib. IV. Eleg. penult.



Ut adeo Romani & Transrhenanos Gallos cognouerint,  
**APPIANVS** (k) vetustae traditionis fide, *Celtas, Illy-  
 rios & Gallos*, quos a Celtis veteribus quidam erro-  
 nee distinguunt, a Polyphemo Cyclope, Galateae ma-  
 rito, atque ita ex Sicilia, dedit. Fabula forte ex-  
 ponenda de Illyriorum & Gallorum cognatione cum  
 Germanis, ex quibus aliquos Siciliae se infudisse mo-  
 do diximus. Gallos autem Germanorum consanguineos  
 similiter **S T R A B O** vocauit. TImagenes apud  
**AMMIANVM** refert, quosdam Gallos pro Aborigini-  
 bus habuisse, & eosdem *Celtas* a Rege quodam suo, &  
*Galatas* a matre eius, dictos. Sed Celtarum & Galata-  
 rum appellations non nisi sono paululum mutato dif-  
 ferunt. Narrat porro, alios antiquorem Herculem se-  
 cutos, ad Oceanum habitasse, quod forte de Teutate  
 siue Dite, suos a Palude Maeotide & Ponto Euxino  
 versus Occidentem ducente, intelligendum. Druidae  
 apud eundem authorem memorarunt, populi partem  
 indigenam, hoc est ibi locorum antiquissimam: alios  
 ab insulis externis confluxisse & tractibus Transrhena-  
 nis. Originem a Trojanis ibidem prolatam omitto,  
 cum nec speciem saltem veri habeat. Illyrico, vt ad  
 priora redeam, Noricum continuabatur. Ibi antiquis-  
 simae ferri fodinae aurique lauaca; vnde *aes Noro-  
 piūm* iam apud **HOMERVUM** (l) celebratur.

EVSTA-

THIVS

(k) *de Bell. Illyr.* p. m. 1194. seq.(l) *Iliad.* II. & XI.

int,  
ili,  
ero,  
ma  
ex-  
cum  
no-  
qui-  
oud  
ni-  
&  
ata-  
dif-  
nfe-  
tate  
no  
dae  
em  
lios  
ena-  
tto,  
t ad  
quis-  
oro  
TA  
IVS

*Tab. XVI ad. p. 105*



THI  
hanc  
Noro  
miniu  
SERV  
tallifo  
ea in  
conce  
riis de  
chille  
tios,  
& S  
disc  
NA  
eunti  
se, c  
guae  
ui. H  
STR  
Thrac  
Euxin

THIVS & DIDYMVS diuersa quidem circa vocem, hanc sentiunt: sed bene CLEMENS ALEXANDRINVS *Noropes*, ait, fuisse, qui postea *Norici* dicti, & omnium confessione Celtae fuerunt. Hoc ante nos VELSERVS annotauit (*m*). Nos antiquitatem harum metallifodinarum eo libentius hic attingimus, quod postea in Guelforum nostrorum patrimonium eadem concederint (*n*). APPIANVS porro prodit, ab Illyriis descendisse vicinos iis Taulantios, Perrhaebos, Achilleos, Autarios, Dardanos, Parthenos, Dassaretiros, & Darstios. Ab Autariis Paeones siue Pannones & Scordiscos: a Pannonibus Triballos deducit. Scordiscos STRABO (*o*) ad Celticum genus refert: ATHENAEVS (*p*) reliquias Gallorum sub Brenno Delphos aduentum esse statuit. Circa Sauum fluum eos coluisse, certum est. In *Dacorum quoque Getarumque* linguae reliquiis Celticae loquelae vestigia alibi obseruaui. Hos vero ex HERODOTO (*q*), MENANDRO apud STRABONEM (*r*) *Thraces* fuisse constat. Vnde & Thraces, & ab his descendentes incolas littoris Ponti Euxini ex Celtarum genere ortum habuisse probabile est.

(*m*) *Rer. Boicar.* lib. II. p. 48.

(*n*) EKKEHARDVS de casibus S. Galli.

(*o*) lib. II.

(*p*) lib. VI. c. 5.

(*q*) lib. VII.

(*r*) lib. VII.



est. Qui Getas cum Gothis confudere, non uno modo lapsi sunt. Post Getas per Poloniae prouincias, Ucraniam, Podoliam, Pocutiam & Volyniam extensos olim *Bastarnas* vna cum Scordiscis lingua vsos *Livivs*(s) author est, cui *PLUTARCHVS* assentitur. Lapsi itaque sunt *STRABO* & *TACITVS*, qui eosdem ad Germanos retulerunt. Rectius forte *TACITVS* *Gothinos* Gallica & *Ossos* Pannonica lingua locutos, afferuit: quamuis Gallica & Pannonica lingua non nisi dialecto diuersae fuerint.

### §. LII.

*Cimmerii, ubi coluerint? Celti si generis fuerit.*

His populis, Orientem versus, adsiti, olim fuerunt *Cimmerii*, a recentioribus fere plerisque cum *Cimbris* & *Cumeris* confusi; ab iis tamen sedulo discernendi, quanquam eos *Celticae* quoque originis fuisse argumento non uno stabiliri possit. Magnam nationem fuisse oportet, quae a Volga ad Tyram usque per Tartariam minorem & maiorem dominationis Russicae partem protensa fuit. Ab ipsis orta puto nomina *Tanais*, *Danapri*, *Danastri*, & *Danubii*; terminationum enim diuersitas posteriorum temporum est; olim unum nomen fuisse ex diuersis authorum locis supra iam memoratis colligere licet. A *Cimmeriis* etiam *Thracum Bastarnarumque*, & cognatae gentes aliae venire potuerunt. Ab utroque *Maeotidis* paludis & Ponti Eu-

xini

xini latere eos res magnas gessisse euidens est: Pars eorum Treres Asiaticum litus infestasse & coloniis impleuisse STRABO (*t*) prodit. IDEM *Trerum ciuitates* in Thracia commemorat (*u*), quod non parum suspicionem de cognatione vtriusque populi confirmat. Perstisset potentia ipsorum, nisi discordia diminuta primum, & tandem ab irruentibus Scythis penitus infraeta fuisset. Scythae enim a Massagetis coacti, transito Volga (quem HERODOTVS *Araxem* vocat) sub Madya Rege, Protohyae filio, Cimmerios autis sedibus expulere, imperiumque per Tartariam magnam, Russicam Monarchiam, Polonię omnem extensem constituerunt, Europae Asiaeque non vna vice metuendum. Discors inter se Cimmeriorum populus, inter vicinas gentes diuisus, post haec euanuit. Partem Cimmeriorum tunc ad Sueuici maris littus confusisse & Aestios ibi condidisse coniicias; Si verum est, quod TACITVS prodit, linguam Aestiorum Britannicae, hoc est, Celticae, propiorem fuisse. Poterunt ii Vistulam *Eridanum* vocasse sua Lingua, vnde paruum amni Vistulam ad Dantiscum influenti adhuc *Radaunae* nomen, cum illo *Rhodani* conueniens. Romani, qui Italiae solum *Eridanum* nouerant, inde hunc etriferum finxere, quod tamen soli septentrionali Eridano conueniebat. SIMLERVS obseruat, Valesianos

O 2

flumen

(*t*) *lib. I. § XI.*(*u*) *lib. I.*

flumen appellare (w) *rodden*: conuenitque Cambri-  
cum *fruth*, & Hibernicum *fruth*, quod torrentem de-  
notat; & posset descendere a Cambrico *rhodio*, *ire*,  
*ambulare*; ut Eridani Rhodanique voce *aqua currens*  
generatim indicetur. Ii, qui Caucaso superato in Asiam  
fuga delati, HERODOTO authore (x), Chersonesum  
condidere, vbi postea *Synope* vrbs inclaruit. Qui Bo-  
rystenem transferunt proceres Cimmeriorum, se mu-  
tuis caedibus confecisse dicuntur, & sepulchrum ipso-  
rum HERODOTI aeuo adhuc ad Tyram fluum con-  
spicuum fuit. Crederes *Mobilouiam* indicari, vrbem  
ad Tyram sitam, voce hac *tumulum sepulchralem*, Sar-  
matarum lingua, denotante. Ab altera ibi fluminis  
ripa extat locus *Koselow* & sylva inde dicta, quo no-  
mine eadem res exprimitur (y) nec sine causa. Fa-  
ma Cimmeriorum apud posteros, diuersae licet gen-  
tis, permanxit, & REVTFENFELSIUS Moscouici Imperii  
descriptor, a MAGLIA BECHIO olim Florentiae  
editus, notat, Russos adhuc ethnicos idola sua *Cume-  
ros*, ab iis sine dubio, appellasse. Ita solius vetustatis  
gloria non raro diuinitatem mortalibus conciliauit. Pa-  
lius Cimmeria & Bosphorus diu nomen ab iisdem sirum  
conseruarunt; quod tamen cuius originis sit, incertum  
est. HOMERVS (z) Cimmeriorum regionem *tenebri-  
cosam*

(w) lib. I de *Valegia*.

(x) lib. IV.

(y) Vid. BRONIOVII *Tartaria* pag. 2.(z) *Odyss.* lib. II.

*cosam* vocat. *Cimmeriae tenebrae* in prouerbium abierunt. **TIBULLVS** (a) Cimmerios lacus pro infernis & caliginosis adhibet. De Maeotide palude **VALERIVS FLACCVS** post **APPOLLONIVM** canit,

*Illic umbrosae semper stant aequore nubes.*

Posterior aetas eandem paludem inde *Mare nigrum* vocauit, ut Gallus quidam non ineruditus nuper suspicatus est (b). Conuenit vox Cambro-Britannica *Cummul, nubes*, & *Cummylog nubilus* a Celtis deriuata: et si **TOVRNEFORTIVS** (c) mare hoc non aliunde tenebricosum dici potuisse putet, quam a littoribus, quae arboribus consitae, e longinquo aspicientibus apparet obscuriora. A Celtis igitur paludi terraeque adhuc incognitae hoc nomen attributum, Graecisque communicatum, opineris.

### §. LIIL

Sed redeundum ad propiora terris nostris. Nori- Rhaeti, Tu-  
cis contermini erant *Rhaeti*, Oeno discreti. Hi Alpes sci, Vmbri  
tenuerunt. Gallos natione fuisse, certum est. **VEL-** & Ligures  
**SERVVS** Rhaeticum bellum *Gallico* nomine appellatum origine Cel-  
inuenit (d): & **LIVIVS** irruptionem Rhaetorum in Ve-  
netiam commemorans, hos *Gallos Transalpinos* vocat

O 3

(e). Tu-

(a) lib. III. Eleg. V. v. 24.

(b) *Journal des Savans* MDCCXVIII. mensē Febr. p. 195. 196.

(c) Epist. Itiner. XVI.

(d) *Rerum Auguſt.* lib. II. p. 198.

(e). Tuscos a Gallis pulsos, Duce Rhaeto, Alpes ingressos, gentem condidisse PLINIVS (f) & IUSTINVS (g) perhibent. LIVIVS (h) hoc communis linguae indicio cognosci asserit. Fuerunt ergo & TUSCI Celticæ originis. Verisimilius tamen est, Rhaetosex Alpibus in Italiam delatos, Tuscos condidisse, quam illos ab his ortos. Notari meretur, eos, qui Romanis TUSCI & ETRUSCI, Graecis TURRHENI audierunt, inter se, DIONYSIO teste (i), Rhasenas appellatos, quae vox a nomine Rhaetorum non abludit. HERODOTVS itaque & sequaces, quos RYCKIVS (k) recenset, incongrue eosdem ex Lydia arcessunt. Melius longe DIONYSIVS (l) hanc gentem indigenam, hoc est, vetustissimam vocavit. Nec mirum, ex lingua per tantitemporis tractum necessario valde mutata de origine illius nil certi statui posse. VMBRORUM gens Italiam ante Pelasgos & Thyrrhenos, PLINIO (m) referente, incoluit. Gallorum veterum propaginem esse M. Antonius & Bochus Mauritaniae Rex apud SOLINVM, vt & Virgilii commentator SERVIUS memoriae prodiderunt.

(e) Dec. IV. lib. 9.

(f) lib. III. c. 20.

(g) lib. XX.

(h) lib. V.

(i) lib. I. p. 24.

(k) in differt. ac primis Italiorum Colonis cap. 6.

(l) lib. XIV.

(m) lib. III. c. 5.

derunt. *Ligures*, qui a Rhodano ad Arnum Italianam insederunt, antiquissimi pariter, &, CLVVERIO hoc multis ex indicis colligente, Celtae fuerunt.

### §. LIV.

De *Henetis*, siue, vt Latini loquuntur, *Venetis* Veneti etiam  
addendum, Illyriorum eos progeniem, HERODOTI  
(n) testimonio, atque ita etiam Celtas fuisse; quanquam  
POLYBIUS (o) hoc non agnouerit, & sermone diuer-  
so a Gallis vsos, caetera moribus & cultu iis similes  
fuisse narret. CATO (p) absone satis Troiana stirpe  
ortos refert. LIVIVS (q) statuit, rege Pylemene ad  
Troiam amitto, discordiis ciuilibus Paphlagonia pul-  
sos, Antenorem inde profugum fibi Ducem adsciuisse,  
atque in intimum maris Adriatici sinum delatos, Eu-  
ganeis pulsos, regionem illam occupasse. Sola nomi-  
nis Henetorum conuenientia hanc illi, alia autoritate  
omni destituto, mentem inieciisse videtur. Ego DIO-  
NICRYSOSTOMO potius crediderim, Antenorem  
Henetos in Italia non collocasse, sed ibi inuentos op-  
pressisse siveque iuris fecisse. OVIDIUS (r) Antenorem  
*Phrygium senem*, sed terram, quam occupauit, *Gal-*  
*lica arua* nominauit. STRABO (s) Venetos diserte

ad

(n) lib. II.

(o) lib. II. p. m. 147.

(p) apud PLIN. lib. III. c. 18.

(q) lib. I. c. 8.

(r) lib. IV. de Ponto Epist. 26.

(s) lib. IV.



ad Gallos retulit. PLINIVS Venetiam Adriatico mari appositam exhibet, & fluum Silin, oppidum Altinum, cuius ruinae tantum superent, flumen Liquentiam, (nunc Liuenza) & portum eodem nomine, coloniam Concordiam, flumina & portus Romatinum (nunc Lemene & porto Lematino), Tilauentum maius minusque (accolis Tagliamento & Taiamento), Anassum (nunc Stella), in quo Varramus (nunc Muzonella) prope Maranum oppidum influit, nec non Alsam (nunc Ausa) Natisumque cum Turro Aquileiam praeterfluentes ea contineri asserit. IDEM (*t*) colonias Venetorum Atesten (Este) & oppida Acelum (Azola) Patavium, Opitergium (Oderzo) Belunum & Vicetiam (Vicenza) recenset.

### §. LV.

De Veneto-  
rum colonia  
Ateste. Aetii  
possessio fuit: & Principibus hisce Atestinorum siue E-  
ibi degerunt. stensium cognomen peperit. Praeter PLINIVM, PTO-  
LOMAEVVS, TACITVS ac ANTONINI Itinerarium  
Principes eius meminere. Itali Scriptores a socio & genero An-  
tenoris, Ateste, conditum & vocatum, Antenorem Patavii,  
Atestem in vicino & sui nominis castello sepultos  
tradunt. Epitaphium Atestis SCARDEONIVS (*u*) pub-  
licauit, quod PETRVS PITHOEVVS in Collectione  
Epi-

(*t*) lib. III. c. 19.

(*u*) lib. I. Antiqu. Patav. Clasf. I. add. PIGNORII Orig. PATAV.  
pag. 23.

Epigrammatum & Poëmatum pro antiquo habuit, & correctius edidit. Ultima eius duo disticha haec sunt:

*Hic & Ateste iacet, qui post Antenor a nomen  
Laudibus & titulis tollit in astra suum  
Transtulit hic Henetos & paruam condidit urbem,  
Cuius & ossa Ducas nunc breuis urna tegit.*

Sed HIERONYMVS ATESTINVS in Chronico loca-  
liud Epigramma in Atestem profert, quod etiam ad-  
scribere placet:

*Vicerat Euganeos Enetorum duxor Ateste:  
Cui Rex Antenor Dardana tela dedit.  
Et profugus nostram fundauit moenibus urbem:  
Mox obit, & magnum parua sepulchra tegunt.*

Quod ad rem ipsam attinet, Ateste hic sine dubio in-  
ter fabulosos Heroes referendus est. Vulgaris enim  
maiorum nostrorum error fuit, vbi ratio denomina-  
tionis locorum non statim patuit, ea ab Heroe quodam  
deriuare. Cum Romani tandem Galliam Cisalpinam  
subegissent, non incelebris eorum colonia facta est A-  
teste, sub Romiliae, ut ferunt (w), tribus patrocinio.  
Volunt & Actios ibi sedem fixisse ab auo materno Au-  
gusti Imperatoris & Actio Neo, cui Romulus statuam  
erexisse legitur, descendentes. Ab his Azones Princi-

(w) Vid. PIGNA Hist. Eftens. lib. I.



pum Estensium satores deriuant, & ipsum ideo Azonis  
nomen in Actii illud commutant, quod iam Saeculo de-  
cimo tertio factum. In Ecclesia enim S. Francisci A-  
testina Azonis Marchionis vulgo Noni cognominati  
Epitaphium hoc legitur:

*Actius omnipotens generosi stemmatis, heros  
Inclitus Estensis, decus indeleble belli,  
Marchio magnanimus toto memorabilis orbe,  
Cuius opem sensit protecta Bononia quondam,  
Cardineque patres, Veneti & Florentia tandem,  
Hic situs est, animamque Deus suscepit Olimpo.*

CASPARVS tamen SAR DVS, qui Herculis II. Ducus  
Ferrariae iussu Historiam Ferrarensim scripsit, origi-  
nem Estensium ab Actiis non prabasse videtur. Dedu-  
cit enim eosdem a fictio acque Principe Foresto,  
domino territorii Estensis. Sed qui sub filio Herculis  
Alfonso II. in res Estenses inquisiuerunt Comes HIE-  
RONYMVS FALLETIVS, & post eum IOANNES  
BAPTISTA PIGNA, Principes suos continua serie fa-  
ciunt prodire a Caio Actio Decurione, Caii filio, quem  
sub initium saeculi post Christum natum quinti vixisse  
perhibent. Memoriam eius marmor in Archiuio Es-  
tensi extans conseruasse PIGNA testatur. Sed quae de  
progenie illius affert nullis probationibus fulcita, fidem  
amittunt. Vestigia horum authorum pressit THEODO-  
RVS DAMAIDENVS, Nobilis Belga, S. Mariae de  
Castro-

**C**astro-Carimo & S. Marthae Abbas, qui Anno MDC-LXXXV. Serenissimo Duci Ernesto Augusto, post Electori, Venetiis opus obtulit solicite congregatum, in quod omnes Actios & Atios ex historia Romana & marmoribus comportauit, atque ex ingenio connexit, ab *Actio Neo* vsque ad *Atium Decurionem*; in caeteris **P I G N A M** securus. M. *Actium* Plautum & Pietorem Accium, Ciceronis tempore clarum, ipsi oblitos miror. Interim praecipua eius coniectura, solius nominum *Atius* & *Aczo* vel *Azo* (quod in familia Estensi frequens) sono & conuenientia aliquali, nullo Scriptoris aut monumenti fide digni testimonio iuuatur. Accedit, quod *Atius* Balbus Augusti Imp. Auus, non *Atestinus*, sed *Aretinus* fuerit, **S V E T O N I O** teste (*x*), qui hoc nosse debuit. Et M. Antonius, despiciens maternam Augusti originem, proauum eius Afri generis fuisse, & modo vnguentariam tabernam, modo pistinum Ariciae excercuisse obiecit. Cassius non tantum vt pistoris, sed etiam vt nummularii nepotem taxauit Augustum (*y*). Atius itaque hic neque ab *Actio Neo* venire, neque ad *Actiorum* familiam Consularem pertinere potuit. **G A M V R I N V S** (*z*) nos docet, superesse *Aretii* familiam *Azziam* ab *Atia* veteri venientem. Quod, vt confirmet, refert *Azzios* illos Amphi-

P 2 theatrum

(x) In Augusto cap. 4.

(J) SVETON. l.c.

(z) Vol. 3, p. 31, sqq.

theatrum Aretinum usque ad annum MCCCXXXII.  
quo vendidere, possedisse, literasque venditionis in  
Archivio Aretino extare. Idem aliquot inscriptiones A-  
retii repertas profert, in quibus Actiorum nomen.  
Cum tamen **DAMAIDENVS** Inscriptionibus vndeque  
conquisitis praecipue nitatur, eorum praecipuas in gra-  
tiam antiquariorum adiicere placet.

I. Romae prope Templum SS. Apostolorum Ma-  
zochius inuenit:

**DECIVS D. L. HEROS**  
FECIT  
**SIBI ET SVIS. O.**  
**D. ACTIO. D. F.**  
**PATRONO.**

II. Ara Romae inuenta ad Vrsum Pileatum iuxta  
S. Bibianaæ aedem, tribus fragmentis disiuncta, ex  
schedis **D. BVTKE NS**, Praelati S. Salvatoris Antuer-  
piensis:

**I. O. M.**  
**SEXT. L. F. D. N. ACTI**  
S V B P R I S C .  
E Q. R O M.

**DAMAIDENVS** legit eam: *Ioui Optimo Maximo Sex-  
tus L. fil. D. Nep. Actius, suburana Priscus Eques Ro-  
manus.*

III. Conseruari Romae in aedibus nescio quibus, &  
a **JACOB O LE FEBVRE** e suis Antiquitatum schedis  
communicata dicitur sequens:

IOV.

IOV. S.  
M. ACT. S. F.  
S V B  
PRISC. EQ.  
PRO MEN. CON.  
IV ET SEX. F.  
H. CEL. NER.

DAMAI DENVS exponit: *Ioui sacrum. Marcus Aetius Sexti filius, suburana (ex Tribu) Priscus Eques pro Menenia coniuge & Sexto filio hanc cellam erexit.*

IV. Lapis inuenitus Romae extra muros in via Gordiana, qua Ostiam itur, a IACOBO LE FEBVRE acceptus:

T. ACTIO SEX. F. M. N. RVF  
S V B  
PRAEF. COH.

Caetera legi non potuerunt.

V. Ara reperta Romae via, qua itur ad Portam maiorem, in Horto:

PRO  
M. ACT. RVF. EQ.  
PRO. SE  
ET  
C. ACT. F.  
T. ACTI. PRIS.

TRIB.  
EX. V. P.  
P 3 VI.



VI. Lapis inuentus Corae in Latio, in quodam monte, vbi Hercules in aede colebatur:

HERCVLI. CONSERVATORI.

PRO. SALVTE.

M. ACT. C. F. POP. PRIS.

T. ACT. C. F. AVI.

V. S. L.

GUTENSTEINIVS in Antiquitatibus Romanis edidisse dicitur.

VII. Lapis inuentus extra Portam Capenam non procul a muris vrbis. Subministravit IACOBVS BVTKENVS, frater Abbatis S. Saluatoris Antwerpiae:

D. M.

T. ACTIVS

C. F. AED. CVR.

POP. FAVSTVS

SIBI. ET.

T. ACT. F. AED.

IN. AGR. P. X.

VIII. Lapis a IACOBO LE FEBVRE in suis Antiquitatibus Romanis annotatus:

D. F.

M. ACT. T. F.

M. ACT. BA.....

FAC....

IX. Lapis inuentus Romae in horto non procul a Trophaeis Marii prope Ecclesiam S. Eusebii in partes ruptus

ruptus, quem sic descriptum DAMAIDENO submini-  
strauit IACOBVS LE FEBVRE:

DIS MANIBVS

M. ACTII.

T. ACT. PHLEG. TRIB. F.

PAL. PHLEGRON.

PRAEF. COH. AVG.

T. ACT. PRISC. F.

EX TEST.

X. Lapis a IACOBO LE FEBVRE Senis descriptus:

C. ACT. P. F.

MAEC. AQVIL.

AED. II. VIR.

QVINQ.

XI. Lapis inuentus in Regno Neapolitano, cuius  
inscriptionem DAMAIDENO tradidit ERICIVS PV-  
TEANVS:

V. ....

M. ACTIV..

PRAEF. COH. XX. AVG.

DECVR.

ITEM MANIBVS

FIL. SVI.

M. ACTI.

MAEC. PRISC.

QVAEST. AED. DECVR.



XII. Lapis inuentus circa Parmam, & DAMA IDE-  
NO exhibitus a IOHANNE ORTIZ Antiquario:

D. M.

T. ACTIVS.

M. F. ROM. PERSIC.

PRAEF. COH. XXXIII. GORD.

SIBI. ET

C. ACTIO

POTENTI. FIL.

II. VIR. IVR. DIC.

QVINQ.

T. F. I.

XIII. Lapis inuentus a paucis annis inter Montem  
Silicem & Atestem, quem in partes ruptum reiunxit  
IACOBVS LE FEBVRE:

... PRINCIPVM. CLEMENTIAM

.... MVNIFICENTIAM

LONGE SVPERGRESSO

IMP. CAESARI. FL. VALER.

CONSTANTI. PIO. FELICI.

AVGVSTO

C. ACTIVS. L. F. C. N.

P. SEXTIVS P. F. P. N.

II. VIRI.

ORDO POSSESORESQ.

Pretium harum Inscriptionum aestimabunt antiquita-  
tum periti. Mihi suspectae sunt; Cum semper quidem  
dicat

dicat DAMAIDENVS, vbi repertae fuerint, non autem prodat, vbi nunc sint; & prouocet praeterea ad antiquarios aut suspectos aut orbi literato ignotos, BVTKENIVM, FEBVRIVM, ORTITIVMque. Ut lapides hos connecteret, multa ex ingenio addidit DAMAIDENVS, & in his non pauca, quae cum optimis auditoribus Romanis pugnant. Vnde recensenda serie eius genealogica hic supersedemus; quam nemo sanus in hac rei historicae luce iam probet. Cur autem illam Inscriptionem, quae Actii Decurionis Atestini meminit, neque ille, neque caeteri produxerint, excoxitare nequeo. Caput enim rei in ea situm est, & reliquae Actios Atestis degisse nusquam ostendunt. Sed haec occasione Atestis dicta funto.

## §. LVI.

PHILIPPO TURRIANO monumentis veteris Antii editis claro, credibile videtur, Antenorem Troia euersacum Pyrrho Achillis, & Heleno Priami filio, auguriorum perito, patria exiisse: Pyrrhum Heleni monitu in Epiro mansisse: Antenorem mare Adriaticum ingressum eiusdem Heleni suasu: huius boni consilii memoriam mansisse, Helenumque ideo pro Deo cultum, nomine eius in illud Beleni mutato, vti ex Henneto etiam Venetus factus sit. De Pyrrhi quidem & Heleni itinere VIRGILIUS & PAVSANIAS loquuntur; De Antenore vero altum apud veteres silentium.

An Antenor  
in Venetiam  
venerit? De  
Deo Beleno  
& Recarano  
Hercule.

Q

VIRGILIUS



GILIVS e contrario mediis clapsum Achiuis notat. *Belenus* autem, Deus Celtarum, metallorum, ferri praecipue, praeses creditus est. Cambro-Britanni *balaïn* adhuc *chalybem* & *ferrum* appellant; vnde illi nomen. Frequentissimus eius cultus in Norico & Alpibus Iuliis (a), ubi ferri fodinae. Hoc iam illustris LEBNITIVS obseruauit (b). Fonti Beleno Aquileiae positam inscriptionem GRVTERVS habet. Putes Acidulas indicari, quarum aquam a chalybe, quem secum vehunt, & nos *stahlwasser* aliquando vocamus. Ita fons belenus idem esset, ac fons *chalybeius*. Belunum ciuitas etiam ab officinis ibi ferrariis appellata est. Belenum Romani Apollinem dixere (c), quod sol metalla procreare crederetur. A Deo hoc herba hyosciamus, vt Latine *Apollinaris*, ita Gallice *belinuncia* apud APVLEIVM (d) & DIOSCORIDEM (e) audit; vnde & nostra vox *bilsen*. Diu autem ante Antenoris aetatem, & quidem, Euandro regnante, fertur *Recaranus* quidam, vt Cassius apud EUTROPIVM (f) author est, ingentis corporis & magnarum virium pastor in Italianum venisse, & Romae ob boues a Caco subductos, iterum repertos Aram maximam Inuentori patri dedicasse. Cas-  
fius

(a) Vid. GRVTERI *Inscript.* pag. 36. 37.

(b) *Collectan. Etymol. Part. I.* pag. 92.

(c) HERODIANVS lib. VIII.

(d) *de virtut. herb.* c. 4.

(e) lib. 4. c. 67.

(f) p. m. 7.

fius Graecae eum originis & Herculem appellatum fuisse scripsit. Sed pastoritia vita & maior corporis statura barbarum fuisse persuadent. Nec qui armenda secum duxit, aliunde quam ex mediterraneis regionibus, a Celtis habitatis, venire potuit. Accedit nomen peregrinum. Inter Lapidés sub Templo Cathedrali Parisiis anno MDCCXI. effosso & Celticas antiquitates exprimentes, vñus est, in quo Taurus cum tribus ei gruibus insidentibus fistitur, sub hac inscriptione: TARVOS TRIGARANVS. Vbi *Taruos*, siue *taurus*, a Celtis religiose cultus, symbolum quidem videtur Tarani Dei; sed *Trigaranus*, siue tres grues, similiter respicere possunt ad veterem heroem *Recaranum*, cuius verum nomen *Trigaranus*, forte a Romanis corruptius elatum est.

### §. LVII.

Lapides, quos cito, reliquos alibi exposui (g). Nautae Parisiaci, Tiberio imperante, posuerunt. Apparet inde, Celtas Parisianos coluisse Iouem, Vulcanum, Hacsum, Bacchum, Herculem, Castorem & Pollucem. Iouem tonantem *Taranum* vel *Taramum* vocuere. Eivnum ex his lapidibus consecratum fuisse Inscriptio docet. Verbum enim, ex quo MO solummodo restat, TARAMO legendum ostendi (h). At Iouem,

Q 2

quod

De Diis Cel-  
tarum in mo-  
numento Pa-  
risino com-  
memoratis.

(g) In Praefat. ad Collect. Etymol. LEIBNITII.

(h) In nouis literat. Lipsiensibus anni 1718. p. 168. sq.

quod sit summus, *Peninum* dixerunt, de quo LIVIVS. Ab eo Bauaris & Augustanis dies Iouis adhuc *der Pfingstag* dicitur. Vulcanus forte ipsorum, *Belenus*, paulo ante explicatus, fuit, ferrariae rei curam gerere creditus. Druidae viscum aurea securi caedenti superscriptum est: ESVS: quod ego Celticum *visci* nomen esse, & *sanantem omnia* plantam significare ex PLINII relatione (k), & vocis sonu coniicio. Vulgo pro *Deo salutis* usurpari inde potuit *Hesi* nomen (l). Cornuto & barbato seni addita est vox CERNVNNOS, qua *corniger* designatur. Bacchum Celticum indicari demonstravi (m). Ritus oua serpentum religiose colligendi etiam apparet eo, quo a PLINIO (n) descriptus est, modo. Omnia haec, ut Lectori planiora fiant ipsam monumenti consideratione dignissimi delineationem hic adiungo, ex Viri Clarissimi & testis oculati Tab. XII. emendatione, Baudelotiana & Mauturiana Parisiis excusa accuratiorem.

### §. LVIII.

De caeteris  
Celtarum  
Diis.

*Teutatem* siue *Ditem*, quem Gallorum *Mercuriū* LIVIVS (o) vocat; CAESAR vero *Martem* nominare

(k) lib. XVI. cap. 95.

(l) vid. Praefationem meam ad LEIBNITII collectanea Etymol. pag. 20. seqq.

(m) vid. Praefation. cit.

(n) lib. XXIX. cap. 12.

(o) lib. XXVI.

minare videtur, hic non expressum obseruo. Causam nescio. De eo tamen supra actum, vbi Gallorum Germanotumque cognationem attigimus. De Hercule Gallorum, qui **LUCIANI** testimonio *Ogmius* dictus, etiam mentionem fecimus. Britanni, Gallorum soboles, *Andraſtam* vel *Andatam* sive *Victoriam* coluere, **DIONE TACITO**que (*s*) testibus. Hanc vero **BOXHORNIUS** (*t*) negligentius cum Astarte Syrorum confudit. *Mineruam* etiam Gallos veneratos fuisse **CAESARI** credendum est, quamuis proprium eius nomen non expresserit.

## §. LIX.

Mores & instituta Celtarum sive Gallorum reliqua praetereo. Repeti possunt e pluribns clarorum doctrina virorum scriptis. Hoc tamen obseruandum, cognati quamvis Germanorum fuerint, morumque quandam similitudinem ostenderint (*o*); Linguae tamen forma ab iis discretos fuisse **IVLIVS CAESAR** (*p*) notat, & Ariouistum Germanum longinqua tantum consuetudine lingua Gallica vsum fuisse. Haec ergo non eadem ipsi cum materna fuit. Caligula, **SVENTONIO** teste (*q*), e Belgio redux, Galliarum

De moribus  
veterum  
Celtarum  
quaedam.  
Nos Bardos  
non habui-  
mus. De  
Bardeuici  
origine  
quaedam.

Q 3

proca-

(*s*) lib. XIV.(*t*) *Orig. Gall.* pag. 14.(*o*) **STRABO** lib. IV.(*p*) lib. I. *de Bell. Gall.* cap. 11.(*q*) cap. 47.



procacissimum quemque ac nonnullos ex principibus legit, ac se posuit ad pompam, coegeritque non tantum rutilare & submittere cornam; sed & sermonem Germanicum addiscere, & nomina barbarica ferre. Errant ideo, qui gentes distinctas confundunt, nostrisque maioribus linguam, sacra, moresque Celtarum asserunt. Graeci quidem sub Celtarum nomine & Gallos & Germanos comprehendunt. Sed hoc fit simili modo, quo Europaei plerique Turcis *Franci*, omnes Germani Francigenis *Alemani*, & Finnis iidem *Saxones*, vocantur, populi scilicet notioris nomine latius ad cognatos extenso. Habant Celtae *Druidas* sacrorum antistites & scientiarum cultores, nos *Aliorunas*. **CAESARIS** (r) descriptio Druidarum luculenta est. Is etiam Germanos Druidas habere negat, eiusque testimonio magnum pondus inest. *Bardi*, fortia heroum facta in praeliis conuiuiisque ad Lyrae modulos cantarunt. Meminere ipsorum, ut aliquos saltem nominem, **DIODORVS SICVLVS** (s), **POSIDONIVS** apud **ATHENAEVM** (t), **STRABO**, **LVCANVS**, **FESTVS**, **HESYCHIVS** & **AMMIANVS MARCELLINVS** (u), cuius locum erudita commentatione **HADRIANVS VALESIVS** illustravit. Nos, et si cantum olim

(r) lib. VI. de bello GALL.

(s) lib. V.

(t) lib. IV. & VI.

(u) lib. XV.

olim *barditum* (y) & *modulum bar* (z) vocauerimus, Poëtasque habuerimus, ex quibus deinde ii, quos *Meister-saenger* diximus, prodierunt: Bardorum tamen nomen ipsis nos attribuisse, nullibi commemoratum extat. Nec a Celtarum his Bardis siue poëtis, vt CYRIACVS SPANGENBERGIVS, IOHANNES PETERSENIVS, CENTVRIATORES MAGDEBURGENSES & ELIAS SCHEDIIVS scripserunt; sed a planis ad Albim campis dicta est inclyta gens *Langobardorum*; vt vicissim ab his pagus *Bardengau* inter Alleram & Albim, linea transuersa a Boema ad Sefam atque ab Allera ad Ietzam ducta, extensus; & ciuitas *Bardeuicum*, quae antiquitate facile caeteras omnes vincit; falsum licet sit, quod foribus templi Cathedralis Bardeuicensis ante trecentos, & quod superat, annos inscriptum legitur (a): eam anno millesimo sexagesimo quinto post Abrahami nativitatem, atque ita ante Romam conditam fundatam fuisse. ANONYMVS RAVENNAs (b) ex Marcomiro Gothorum Philosopho corruptius eam *Bordonbar* vocat, & in Frisonum regione constituit. Annales

(y) TACIT. German.

(z) vid. Praefationem ad Merkofsi iteratam Commentationis de lingua Germ. editionem.

(a) SAGITTARII Hist. Bardouici cap. 2. &amp; CHRISTIANUS SCHLOEPKENII Chronicon eiusdem loci P. I. s. 2.

(b) lib. IV. c. 23.



nales Adelmo cuidam a FREHERO, Eginhardo a CANGIO, attributi, in editione Frcheriana sub anno DCCXCV. *Bardenhumb* eandem nominant. Vnde ego hic *Bardenheim*, atque in Anonymo *Bordonham* legendum conicio. *Wic* enim & *heim* synonyma sunt, & recessum tutum habitationemque contra irruptiones subitas munitam designant. Praeter Bardos, Celtae habebant *Vates*, futurorum ex auspiciis & extis victimarum praedictores. STRABO (c) & DIODORVS SICULVS (d) eorum meminerunt. AMMIANVS MARCELLINVS corruptius *Eubages* vocat. Ab iis Gallifées suas sibi finxerunt (e), quae & in Suevia Helvetiaque notae, *Vehen* & *Vehnen* vulgo ibi dicitur.

### §. LX.

De origine  
Scytharum,  
eorumque  
expeditioni-  
bus. Vbi  
habitauerint.  
Fabula de  
Authyrio Du-  
cum Meclen-  
burgensem  
fatore ex-  
plosta.

Cum Scythae Araxe sive Volga transito, Cimberos expulissent, diffusum iidem terrarum tractum Volgam inter & Vistulam sensim occuparunt. Loco & nostrae nationis homines motos, sedesque a quibusdam tunc mutatas, verosimile est, hoc licet a nemine in illa temporum obscuritate sit annotatum. Scythas, vt Volgam transirent, a Massagetis coactos fuisse, HERODOTVS prodidit. Hos Finni generis fuisse atque ab Asiae Septentrione meridiem versus profectos credas. Lappones, Finnorum proles, ducem vetustis-

(c) lib. IV.

(d) lib. V.

(e) Vid. *prefat. meam ad LEIBNITII Collect. Etymol.* p. 8. sq.

vetustissimum *Mieschogiesche* se habuisse tradunt (*f*);  
 qua in appellatione Massagetarum, a quibus orti, me-  
 moriam forte conseruant. Scytharum origo ab **HE-  
 RODOTO** (*g*) distinctius resertur. Ipsi dixerunt, Io-  
 uem ex Borystenis filia procreasse *Targitaum*; hunc  
 vero tres filios habuisse *Lipoxain*, *Arpoxain* & *Cola-  
 xain*, ab hoc ultimo esse Reges, qui *Paralatae* vo-  
 centur; ab illo *Catiaros* & *Traspies*; ab isto *Au-  
 chatas*. Fabula forte indicat, eos omnium primo  
 ortos a magno quodam Principe Cathaiae, quae  
 vulgo & *kitay* dicitur. *Ter* pro *domino* Armeni  
 adhuc usurpant; neque ea vox a *Czar* differt, Mo-  
 narcharum magnae Russiae & Principum Tartarorum  
 appellatione. Vistulam eos transgressos & Germaniam  
 intrasse non legimus. Sed Asiae incursionibus graues  
 fuisse constat. In **HABA CVCI** Prophetia *Chaldae*i vo-  
 cantur, quia a Chaldaeis Ponti Euxini, siue Chalybi-  
 bus, venerant, alias Iudaeis ignotiores. Considerunt  
 in Palaestina *Scythopolin* siue *Betschan* (*b*) & vsque ad fi-  
 nes Aegypti peruererunt. Psammitichus Rex bellum  
 & ipsi minitantes, donis placauerat. Nec Asiae im-  
 perium amisissent, nisi Orientis deliciis immersi mor-  
 bum

(*f*) **SCHEFFERI Lappm.** cap. 6.

(*g*) lib. IV.

(*b*) Septuaginta Interpretes *Iudicium* lib. I. 27. **JOSEPHVS Antiq.**  
*lib. V. c. 1. lib. XII. c. 12 &c.*



bum grauissimum contraxissent, & principes tandem ipsorum Cyaxaris Medi dolo interfecti fuissent (*i*). Post haec intra suos se fines continuerunt, nulli molesti (*k*). Darius Hystraspis, vt iniurias Asiae a Scythis olim illatas vindicaret, Bosphoro Thracico & Istro ponte stratis, ingentem in eos exercitum suo malo duxit, Scyti callide pugnam apertam declinantibus, & militibus Darii itineris difficultate, commeatus defectu, labore vires excedente, morbisque inde ortis consumtis. HERODOTVS<sup>1</sup>, anno circiter vigesimo tertio post hanc Darii expeditionem natus, & cum Scythis conuersatus est. Vnde eius relatio his in rebus fidem meretur. Addit is, Scytha sibi mille saltem annis antiquiores esse. Orti igitur fuerunt anno circiter mundi bis millesimo quingentesimo quadragesimo sexto, quo tempore Moses in viuis erat, & Cranaus Cecropis filius Athenis regnabat. Scolotae sibi ipsis dicebantur, a Rege quodam suo, vt putarunt (*l*). Statui tamen posset, sic vocatos a conditione soli, quod, ante Volgam superatum, incoluerunt, sale referti; vnde etiam nostro hoc aeuo Tartarorum tribus, quae ibi inter Volgam & Iaicum siue Iaxartem degit, Solotoi borda nominatur. Graeci Scytha vocarunt, a pellibus, quibus induebatur. Pelliti certe excisi cernuntur in monumen-

(*i*) HERODOT. lib. IV.

(*k*) XENOPHON Cyropaed. lib. I.

(*l*) HERODOT. l. c.

numenit Persepoleos vetustissimis, quae CHARDINVS delineata nobis conseruavit. Lingua ipsorum a Celtica & Germanica diuersa fuit; vt ex vocibus quibusdam inde reliquis, clare perspicimus. Ad latus orientale Tanais Sauromatae palabantur, ex commixtione Scytharum liberorum ad paludis Moeotidis prae-rupta habitantium cum Amazonum reliquiis orti; vnde eos lingua Scythica soloecizasse, HERODOTVS (*m*) indicauit. Cum vero Sauromatum siue Sarmatarum idio-ma illud fuerit, quo Slavorum natio adhuc vtitur; inde patet, ad idem & Scytharum linguam referendam. Darii tempore duorum Scythiae trans Borysthenem Regum, Scopasis & Taxacis nomina innotuerunt. Cis Borysthenem tunc imperitauit Rex HERODOTO Indathyrsus, STRABONI Idanthyrus, ARRIANO Iandysus, IVSTINO Iancyrus, OROSIO Attyrus dictus, quod nomen ego Antarum siue Venedorum Dominum interpreter. Ab hoc nugiuenduli quidam Anthyrium Heroëm, Meclenburgensium Principum, si diis placet, fatorem, quem, vt celebrior videretur, Alexandri M. Ducem fuisse somniant, fingendi occasionem sumserunt; Venedos etiam Scythiae siue Antas, cum Venedis ad mare Balthicum recentioribus, commiscentes. Post HERODOTI tempora omnes quidem versus Septentrionem siti populi, alias licet generis fuerint, a Scriptoribus Graecis Scytha vocantur; debuere tamen sensim a

R 2

Sarma-

*(m) lib. IV.*



Sarmatis subacti, & tandem dominati fuisse Scythae genuini; nam Augusti Imp. aetate veterum Scythia ubique *Sarmatia* dicta est, & terrae solum trans Volgam versus Orientem sitae *Scythia* audierunt. Ita nimium pacis studium & quietis amor animos viresque eneruant, ut nec optime parta tueri possint fortibus & bonis creati.

### §. LXI.

De origine  
Vrbis Ro-  
mae. Fabu-  
losa in Hi-  
storia Ro-  
muli & Re-  
mi. De ve-  
tustissimis  
Celtarum in  
Italianam a no-  
stro latere  
incurvioni-  
bus.

Dum haec in Scythia acciderent, in Italiam mari aduecti sunt Lydi, Phrygesque. Nouissimi Graeci magnam litoris vtriusque partem coloniis impleuere. Hinc lingua Latii ex Germano-Celtica, vt ita loquar, facta est semigraeca. Sunt, qui Phrygiam linguam a Graeca diuersam statuerunt. **GOROPIVS BECANVS** antiquissimam Phrygiam linguam Germanicam fuisse putauit, **BOCHARTVS** diuersam a Graeca. Ille a maxima eruditorum parte reiectus, hic a **RYCKIO** (n) refutatus est. Romam certe *Graecam urbem* vocauit Ponticus Heraclides apud **PLVTARCHVM** (o). Troianos, Aeneae socios, **DIONYSIVS** aliquoties (p) *Graecos* nominauit. Ipsum *Romae* nomen Graecum est; Latini in sacris *Valentiam* dixerunt, quod diu occultatum Valerius Soranus euulgauit, & morte garrulitatem

(n) *Dissert. de primis Italise colonis cap. II. pag. 466.*

(o) *in Camillo.*

(p) *lib. I. p. 46. 47. 48.*

litatem luit (*q*). Nec vana omnino est, ut CLUVVERIVS (*r*) & BOCHARTVS (*s*) opinati sunt, traditio, Aeneam in Italiā venisse. Nititur certe vetustissimorum authorum ARCTINI, CALLISTRATI, SATYRI, SILENI, DEMAGORAE, AGATHILLI, DAMASTIS & CALLIAE a DIONYSIO adductorū, LYCOPHRONIS (*t*), omniumque Scriptorum Romanorum auctoritate. Alia argumenta RYCKIVS addidit, quae hic recensere non vacat. Idem Chronologiam Regum Albanorum ab Aeneae sanguine descendentium emendatiorem exhibuit. Reete tamen (*u*) obseruauit, suspectam esse Romae a Romulo Remoque originem, quod ante eum iam CLUVVERIVS (*w*) argumentis non vnis probauerat. Romae iam diu ante Romulum Hercules, vt vidimus, Celticus Ioui inventori aram dicauerat, ob boues a Caco recuperatos. Et Romulum a Roma dictum verosimilius: nec Albae Longae ex Rhea Silvia, Numitore Regis Amulii fratre nata, in lucem eum editum, credibile. Qui enim, si ibi natus fuisset, in Tiberim vna cum fra-

R 3

tre

(*q*) PLINIVS lib. III. c. 5. lib. XXIX. c. 2. SERVIUS ad lib. I. Aen. v. 280.


(*r*) Ital. antiqu. lib. III.

(*s*) Peculiaris libello.

(*t*) Cassandrae v. 8226.

(*u*) cap. XI.

(*w*) Ital. Ant. lib. III.



tre proiici potuit, centum & viginti fere stadiis secundum DIONYSIVM (x) Alba longa distantem? Multo aptior ad submergendos infantes recens natos erat lacus profundissimus in proximo illius loci situs. Et, si Albani fuissent hi gemelli, non video, cur Numitor, Regni heredibus destituto, non successerit Remus? Melius enim erat, certissimam Regni aucti possessionem capere, quam de incerta noui cum fratre altercari. Hoc evidens est, Romam a Romulo in principem urbem erectam, maximique imperii sedi praeparatam. A Romuli etiam aevo anni Vrbis primum numerari coepere, atque annus mundi ter millesimus trecentesimus primus Romae primus statuitur a PHILIPPO LABBAEO inter recentiores Chronologos eminenti. Hinc certior rerum series, & traditionum incertarum loco genuina historia exordium in Occidente sumit. Luctatus est primum recens atque ex Latinis, Tuscis Phrygibus atque Arcadibus collectus populus cum finitimis ciuitatibus, quas tamen breui temporis spatio vel vi cepit, vel foederibus sibi iunxit. Iura regni ac sacerdotii, & quicquid religionem maiestatemque tuerit aut ornat, sub Regibus septem inuentum atque ordinatum est. Mercaturaे studium, quod graeco ingenio excolebatur, frugalitate coniunctum, opes animosque addebat. Et cito gradu ad dominationem omnis Italiae peruenisset exoriens potentia Romana, ni  
si in

(x) lib. 1.

si in ipso prosperitatis cursu irruptio Gallorum eandem paulisper sufflaminasset. Tarquinius Priscus Romae regnabat, cum *Ambigatus* Biturix Celtico praefset. Constituerat is praegrauante turba Regnum exonerare. Incitauit ergo sororis filios, iuuenes impigros, *Bellouesum & Sigouesum*, vt sedes sibi alibi quaererent, numero, quantum ipsi vellent, hominum excito. Sigoueso sortibus dati Hercinii saltus; Belloueso Italia. Hic secum traxit Bituriges, Aruernos, Senones, Aeduos, Ambarros, Carnutes, Aulercos. Ingentes copiae in Tricassinos delatae, Alpes inexsuperabiles credidere. Tandem tamen *Taurino saltu in uias Alpes transcederunt*, & Tuscis ad Ticinum flumen fusis urbem condiderunt *Mediolanum*. Alia manus Caenomannorum, *Elitouio Duce*, vestigia priorum seuta, eodem saltu, fauente Belloueso, cum transcendisset Alpes, ubi postea *Brixia & Verona* vrbes fuere, confedit; Salluuii circa Ticinum amnem Boii, Lingonesque. cum iam inter Padum & Alpes omnia tenerentur, Pado traiecto, Etruscos & Vmbros agro pellunt: intra Apenninum tamen se tenuere. Senones tandem recentissimi aduenarum, ab Utente flumine vsque ad Aesim fines habuere. Haec LIVI fere verbis (y) recensui. Sed vereor, LIVIVM recentiorum commenta veterum relationibus immiscuisse. Eius enim narratio hic sibi non

(y) lib. V. c. 35.

non constat. Senones inter primos, qui Italiam ingressi sunt, nominat; deinde eosdem recentissimos aduenarum vocat. In vetustissimis Fuldensibus, Moguntinensibus & Coloniensibus Codicibus manu exaratis, FRANCISCO MODIO teste, lectum est de Gallis Italiam intrantibus: *ipsique per Taurinos, saltusque Iuliae Alpis transcederunt, fusisque acie Tuscis &c.* Quod eum irruptioni Gallorum per Alpes maritimas, in quarum vicinia Salyum gens, repugnet, a RHENANO temere admodum in illud *Taurino saltu inuias Alpes transcederunt* mutatum, atque a GRVTERO, GRONOVO quoque in textum Litii receptum est. Genuina vero MODII & vetustorum exemplarium lectio, indicat clarissime, Gallos, qui Italiae se infuderunt, venisse a Danubio per Taurinos siue Styrios, Alpemque Iuliam, quae antiquissimum ad Clusam (vulgo Chiusa) transitum habet, a Guelfis deinde a nostris possessum. Fudere primum Tuscos, qui ab Infero ad Superum mare colebant, a Rhaetis egressi. Id quod migrationem per Alpes Iulias non parum confirmat. Inter populos Bellouesum secutos *Ambarros* nominat LIVIVS, qui forte Ambrones, Cimbrico deinde bello notiores facti, licet non diffitear etiam in interiore Gallia alios Ambarros fuisse. Reliquos populos ex coniectura adiunxit, quia Gallos nullibi nisi inter Garumnam, Matonam & Sequanam (quos limites iis & CAESAR (z) ponit) degere

(z) lib. I.

gere credidit. Taurini nostri etiam ipsi ignorabantur; vnde Taurinorum Italorum rationem solum habens, Gallos per Alpes maritimas Italiae induxit. *Senones* autem **FLORVS** Brennis & Vindelicis iungit, vnde & illos in Alpibus nostris degisse, atque inde Italiā mouisse, certum est. Nomen ad appellationem pastorum Alpestrium *Sennen*, adhuc hodie visitatum, alludit. Et **SVIDAS** (a) notanter *Senones Albanos*, hoc est, in Alpibus degentes, appellat. *Cenomani* cum Brixiam & Veronam circa confederint, Tridento venere. *Eli-*  
*touii* Ducis ipsorum nomen a Germanico *Ludouici* differre non videtur. *Cain* apud Cambros est *albicans*, *venustum* & *pulchrum*, & cum nostro *schoen* conuenit; & *men*, locus. An ergo *Cenomani* incolae Tyrolis ubi olim fuit *Fallis venusta*, hodie *Finsthal* dicta? *Boii* Bononiae conditores & viciniae coloni etiam non aliunde, quam ex Boiohemio siue prouincia ad sinistrum Danubii latus extensa, venere. Boii enim Gallici à nostris orti atque a **CAESARE** demum (b) in Aeduī collocati fuerunt. Nostri tamen, cum Galli sint cognominati, a **LIVIO** similiter ex Gallia stricte ita dicta in Hercyniam syluam conduēti sunt, licet Galli inde potius & in illam Galliam, & postea in Italiā mouisse debuerint, ex rationibus quas & hic & alibi adduximus.

(a) *in neātōi.*(b) **CAESAR** lib. I.



mus. Boii iidem videntur inter Gallos Romam diri-  
pientes praecipui, & Brennus, expeditionis Gallicae  
Dux, eorum princeps fuisse; siquidem **SILIVS ITA-  
LICVS** (c) vera locutus est, qui **Chrixum**, Boiorum  
tempore secundi belli Punici Ducem, se *ataui Brenni stir-  
pe* tulisse, & Capitolia capta in titulos traxisse refert.  
Ibidem Scipio Brennum Chixi huius proauum vocat.

### §. LII.

Galli Rheno  
superato non  
venere in  
Germaniam;  
neque Ger-  
mani aut  
Franci ab  
iis orti.

Concidit ergo opinio **IO. BODINI**, **GABRIE-  
LIS TRIVORII** (d), **AEGIDIUS LACARRII** (e), & **R.P.  
TVRNEMINII** aliorumque fingentium, ab iis, qui Si-  
gouesum secuti sunt, & Hercyniae filuae se inieciisse  
traduntur, ortos esse non Boios solum, sed etiam uni-  
uersos Germanos, & speciatim Francos. Quod si ta-  
men argumenta modo prolata non adessent, sola &  
Francorum & caeterorum Germanorum lingua a Gal-  
lica diuersa, indicio foret, hos a Gallis progenitos esse  
non potuisse. Vnde & **CLVVERIVS**, **PONTANVS**,  
**VALESIVS** maiorque eruditorum pars, meliorem  
fententiam amplexi, Francos pro Germanis, hosque  
a Gallis discretos, habuerunt.

### §. LIII.

(c) lib. IV.

(d) in *observatione Apologetica* cap. 13.

(e) in *Historia Coloniar. Gallicar.* lib. I. & lib. V.

## §. LIII.

Gallos Italiae inuasores ab Oceano & Hyperbo- Alpes Ger-  
reis montibus digressos Heraclides Ponticus (g) affir- maniae vo-  
mauit. PLUTARCHVS, iactantiae causa, ita locu- cati Montes  
tum statuit. Sed Alpes, qui Italiae & Germaniae in- Hyperborei.  
teriacent, hoc nomine etiam ab aliis veteribus insig-  
niri, certum est. AESCHYLVM in Prometheus dixisse,  
Istrum ex Hyperboreis & Riphaeis montibus deferri,  
auctor est APOLLONII SCHOLIASTES. Simili mo-  
do locutus est PINDARVS (h) & ipse APPOLLONIVS  
(i). Posidonius apud ATHENAEVM prodit, Hyperbore-  
os habitare iuxta Alpes, qui Italiae sint montes. He-  
cataeus ibidem tradit, ad suam vsque aetatem gen-  
tem eorum durasse, librosque composuit, quos de  
Hyperboreis inscripsit, non paruo historiae damno  
deperditos (l).

## §. LXIV.

A nostro igitur latere omnino Italiam ingressi sunt Gallorumi  
Galli. Vino illectos tandem Apenninum transiisse, occupatio &  
Clusum obsedisse, atque a Legatis Romanorum ibi direptio Ro-  
offensos, horum exercitu ad Alliam caeso fugatoque, mae. Roma-  
norum Scri-  
ptorum mendacia.

S 2

Romam

(g) apud PLUTARCHVM in Camillo p. 139.

(h) Olymp. Ode III.

(i) Argonaut. lib. IV.

(l) Alia Exempla vide apud CLVVER. Germ. Antiq. lib. I. cap. II.



Romam cepisse, incendisse & vastasse, e LIVIO, PLUTARCHO caeterisque auctòribus constat. Annus Vrbis tunc agebatur trecentesimus sexagesimus quartus. Gallorum Dux *Brennus* erat; Senones plerique vocant; sed alios quoque Gallorum populos Cisalpinos & Transalpinos in exercitu horum fuisse verosimile est. POLYBIUS *Ananes*, *Boios*, *Aegones* atque *Senones* hic coniungit, Italiae Colonos. Capitolium solum Manlii consiliis seruatum, non tamen armis, sed mille pondo auri ab obsidione liberatum. Camillum superuenisse, Gallos diuersis praeliis viciisse, aurumque iniuste extortum ab iisdem recepisse fabula communis est Romanorum aliquot Scriptorum (m). Candidior POLYBII narratio, Gallos pace cum Romanis facta, urbeque ipsis redditia, ad suas sedes rediisse. De Camilli victoria quid Romani postea senserint ex SVETONIO (n) discimus, qui tradit, Drusum demum Propraetorem ex prouincia Galliae retulisse aurum, Senonibus in obsidione Capitolii datum; nec, ut fama, extortum a Camillo. Haesit Gallis gloriosae expeditionis memoria, Romaeque captae imaginem in vmbonibus suis amauere. Vnde SILIVS loco citato (o) de Chrixo Boio cecinit:

*Ipse*

(m) LIVIVS lib. IV. PLVTARCHVS, DIODORVS, FLORVS,  
EVTRUPIVS.

(n) Tiber. cap. 3.

(o) Lib. IV.

Ipse tumens ataui Brenni se stirpe ferebat  
 Chrixus, & in titulos Capitolia victa trahebat,  
 Tarpeioque iugo demens & vertice sacro  
 Pensantes aurum Celtas vmbone ferebat.

Repertus est ante aliquot annos in Anglia vmbone artificiosissime elaboratus easdemque figuræ exhibens. Vnde a Celto Principe gestatum, a Romano artifice licet fabricatum, coniicias. Seruatur iam Londini in Musæo Iohannis Woodwardi, Medici insignis, qui illum aeri incidi fecit. Videas in eo Romanam captam, dirutam & incensam, Brennum cum Q. Sulpicio Tribuno militum transigentem, pensationem auri Capitolini, aduentum Camilli abitumque Gallorum ab Urbe. Et quoniam opus antiquissimum est, delineatio- Tab. XIII. nem illius nos hic adiecisse, non ingratum erit.

### §. LXV.

Gallos post redditum ad sua, bella ciuilia exce- Variae aliae  
 pere, Inalpinis populis in eos mouentibus. Nec ta- Gallorum  
 men haec in longum traxere; nec ideo Italiam inua- cum Roma-  
 dendi cupido in iis extincta est. Reuersi enim sunt  
 subinde ad concertationes cum Romanis, non uno for- nis concer-  
 tunae tenore. Aliquando Albam vsque proceſſerunt, tationes.  
 aliquando proprius Vrbi incubuerunt. Transalpinis quoque, vt more Romanorum loquar, Gallis, hoc est, Rhaetis, Noricis & Bois, arma ſumentibus in Cif-



alpinos siue Italiae Colonos, hi suasionibus & muneribus declinauere bellum; ne tamen vane arma depo-  
rentur, in Romanos coniunctim itum est. Boios, Gal-  
lorum omnium ferocissimos, a C. Sulpitio Dictatore non  
longe a Roma deuictos APPIANVS (o) commemorat.  
Anno ante Christum natum CCLXXXII. Galli (p) ad A-  
retium Romanos pugna vicerunt. Tribuni ibi septem,  
nobiles viri multi & militum tredecim millia caesa-  
sunt. Postero anno, Romani redintegratis viribus in  
Gallorum fines ingressi, Senones obuios acie profliga-  
runt, sedibusque eiecerunt. Vrbs Senonum princeps  
Senae quidem Gallicae nomen retinuit; sed colonia  
Romanorum tunc facta est. Boii Senonibus eiectis si-  
bi metuentes Etruscos adsciuere socios. Combinatus  
exercitus Romano ad lacum Vadimonis occurrit & pu-  
gna commissa ex Etruscis multi, ex Boiis plerique cae-  
si sunt. Nec hoc tamen infortunio fracti spiritus Boio-  
rum. Sequenti anno ad certamen rediere, & ad inter-  
nacionem fere deleti, pacem petere coacti sunt, su-  
perbe nimis antea spretam

De Alexan-  
dri M. re-  
bus gestis.  
Fabula de o-  
rigine Fran-  
corum aut  
Saxonum ab  
exercitus A-  
lexandri M.  
reliquis.  
De Insigni-  
um Meclen-  
burgensium  
significatio-  
ne.

### §. LXVI.

Dum haec in occidente agerentur, orientem ver-  
sus res Graecorum fortunatissime processissent, nisi o-  
bicem iis Persarum & Macedonum deinde potentia po-  
suisset.

(o) *de bello Celtaico*

(p) LIVIUS lib. XII. POLYB. lib. II. EVTROP. &c.

suisset. Hanc Alexander felici audacia ad summum extulit, cognomen Magni inde natus. Vno ille victoriarum cursu omnes vicinos, magnumque Persarum imperium ad Indos usque sibi subegerat; neque hic substitisset, nisi mors, vel veneno vel intemperantia accelerata, in ipso illum iuuentutis flore mortalibus eripuissest. Paulo ante obitum undique ad illum Legati confluxerant, pacem aut amicitiam eius expetituri. Inter hos Scythae memorantur. Hoc nomen cum tandem vniuersi Septentrionis incolis tribueretur, factum est, ut modo Getae, modo Sarmatae, imo & Gothi & Germani Alexandro Legatos misisse dicantur a scriptoribus recentioribus. Neque illa fere natio est, quae non decora quaedam sibi ab Alexandre arcessuerit. Ridicula sunt, quae KADLVBKO de Polonorum Legatione ad Alexandrum & Victoria ab eodem relata confinxit(q). Philippum Alexandri M. patrem cum Gothis amicitiam contraxisse ducta Medopa, Gothilae Regis filia, TORNANDES fabulatur. Sed confundit Gothos cum Getis. Francos FREDEGARIVS a Troia egressos in Macedoniam partim venisse, partim cum Friga Rege, vocatos Frigios, Asiam peruagatos in litora Danubii & maris Oceani cōsedisse nugatur AIMOINVS (r) his addit, viribus Francorum auctos Macedonas sub Philippo & Alejandro prospere bella ges-  
 sisse.

(q) Epist. VIII. & IX.

(r) Lib. I. de Gest. Franc.



fuisse. OTFRIDVS WEISSENBURGENSIS hinc Francos de genere Alexandri M. prodiisse cecinit in Prooemio Evangeliorum Teutonicorum ad Ludouicum Germanicum. Voluere & Saxones gloria Alexandri suam augere. Vnde apud WITICHINDVM legitur, fuisse, qui dicerent, Saxones Macedonici exercitus reliquias extitisse. Eandem fabulam habent GODEFRIDVS VITERBIENSIS, CONRADVS ABBAS VRSPERGENSIS, ALBERTVS STADENSIS, THEODERICVS NIEMIVS, GOBELINVS, WERNERVS ROLEVINGIVS & Chronici Picturati auctor BOTHO. Ex recentioribus idem commentum amplexi sunt IOHANNES BOEMVS<sup>(s)</sup>, CORNELIUS KEMPIVS<sup>(t)</sup> & acerrimus eius defensor SVFFRIDVS PETRVS<sup>(u)</sup>. Nugas tamen esse, quae hic magna fiducia de Frisone, Saxone & Brunone totidem in Germania gentium conditoribus refert, nemo sanus vnuquam dubitauit. Monumenta Frisica, quibus se niti dicit, fictitia sunt omnia, nulliusque auctoritatis. Et Graecam nostratium originem iam dudum refutarunt viri eruditii, ex quibus CRANCIVM, REINECCIVM, FABRITIVM & ALBINVM sufficiat nominasse. Meclenburgenses Principum suorum antiquitatem etiam ad Alexandrum usque extenderunt. Parti illi Venedorum dominati sunt.

<sup>(s)</sup> lib. III. c. 13.

<sup>(t)</sup> Histor. Frisic. lib. I. c. 9.

<sup>(u)</sup> lib. de origine Frisiorum.

sunt. Cum igitur etiam omuem a Vistula ad Borysthenem siue Danastrum, atque inde ad Pontum & Danubium regionem a Venedis habitari apud IORNANDEM legissent, ibique Scythis aliquando Regem *Indathyrsum* HERODOTO nominatum, & IORNANDI corruptius *Antyrum* dictum, ac pro Gothorum Rege falso habitum, praefuisse intellexissent; hunc suorum Principum satorem vane satis constituerunt. Ut autem clarior ille appareret, fabulam fabulis auxere, Anthyriumque sub Alexandro M. Ducas munia gloriose exercisse finxerunt. Addunt, post mortem Domini nauidomum vectum, quod caput bucephali pro insigni habuerit, unde *caput bouinum* in Meclenburghensibus insignibus ortum traxerit (w). Ego certius suspicor, arma, ut Heraldi vocant, loquentia esse, a Borwino, Henrici Leonis genero, cum Polaborum partem quandam beneficio saceri possideret, in usum traducta. *Wolla* enim vel *bola* Venedis *bouem* & *glowa* vel *blawa* caput denotat; unde Polaborum nomen, quanquam proprie ad Albim habitantes indicet, tamen etiam sono suo *bouis caput* aliquo modo refert. Polabiae illam partem postea amisisse videtur Borwinus, & Ilouiae ac

Meclen-

(w) NIC. MARESCHALLVS in *Annal. Herulor. & Vandalar.* lib. II. c. 1. Carmen Germanicum in MORHOFII *Relatione de lingua Germ.* BANGERTVS in *notis ad HELMOLD.* p. 129. MASIVS de *Ditis Obotrit.* c. IV. §. 8.



Meclenburgo tantum praefuit (*x*). Retinuit tamen in armis caput bouinum, semel receptum, & Meclenburgo quoque, vbi princeps ipsius sedes erat, pro insigni reliquit, vt nostri quoque Principes Leones suos Brunsvico & Luneburgo impertiti sunt.

### §. LXVII.

Alexandro M. rebus humanis exempto imperii ille  
Diuissimo imperii Alexan- lius moles in varias discerpta est partes. Ptolomaeus  
drini. Cel- Lagi filius Aegyptum, Antipater Macedoniam, Anti-  
tis inde occa- gonus Pamphiliam, Lyciam & Phrygiam, Cassander  
sio Orientem inuadendi. Cariam, Craterus Graeciam, Eumenes Paphlago-  
niam, Cappadociam & prouincias vicinas, Lysima-  
chus Thraciam, alii alias regiones receperunt (*y*). E-  
minuere tamen prae caeteris tria in tribus orbis parti-  
bus regna, Macedonum in Europa, Ptolomaeorum in  
Aegypto, Africæ prouincia, & in Asia Syriacum Se-  
leucidarum. Prouinciae a valido vnius imperii nexu  
solutae tum vbiique ad pristinam libertatem adspiran-  
tes passim rebellauere, & Principes ipsi variis dissidiis  
inter se collisi vires sibi inuicem attenuauerunt. Ha-  
rum rerum notitia peruererat ad Celtici generis po-  
pulos, qui haetenus in Italia virtutis fortunaeque pe-  
riculum, impari licet successu, fecerant. Placuit ita-  
que ingentia arma Orientem versus vertere.

### §. LXVIII.

(*x*) ARNOLD. *Chron. Slavor.* lib. III. c. 4.

(*y*) DIODORVS SIC. lib. XVIII.

## §. LXVIII.

Effuderant se iam diu antea ex Hercynia sylua Al- De Expediti-  
pibusque suis in Pannoniam, Illyricumque, & vici- onibus Cel-  
na Graeciae loca infestarant, quo duce, incertum. tarum in  
Nisi is *Sigouesus* fuerit, quem ex Gallia in Hercyniam Pannoniam,  
syluam coloniam duxisse fabulati sunt Romani, cum Illyricum,  
potius eundem ex Hercynia in Pannoniam & Illyri- Thraciam &  
cum suis migrasse, dicendum fuisset. Verosimi- Macedonia.  
le enim est Boios in Pannonia & Scordiscos aliosque ibi-  
dem ex Boiohemo illuc profectos fuisse. Factum ita-  
que est hoc eodem tempore, quo alii Galli in intima  
Italiae sub Belloueso penetrarent. Id quod **IUSTINVS**  
diserte ex veteribus asseruit (z). Post haec, **Cambau-**  
**le Duce**, porro in Thraciam, **PAVSANIA** (a) refe-  
rente, irruperunt, praedasque egerunt. Successus a-  
nimos addidit. Hinc auxiliis vndique coactis, iterum  
ingens peditum equitumque exercitus coaluit, cuius  
pars, *Cerethrio Duce*, in Thraes & Triballos descen-  
dit; pars sub *Brenno* & *Acichorio*, Pannoniam vasta-  
uit; pars, *Belgio* praeante, Macedones & Illyrios pe-  
tit; Ptolomaicumque Macedonum Regem, audacius  
contra ire ausum, praelio vicit & occidit. Praeda o-  
nusti ad patrios fines & tunc rediere (b), victores or-  
bis terrarum vinci posse, docuisse contenti.

T 2

## §. LXIX

(z) lib. 24. 4.

(a) lib. X.

(b) PAVSAN. I. c.



## §. LXIX.

De iis, qui  
sub Bren-  
no Grae-  
ciam inuafe-  
re. Gallos  
hos Cisrhe-  
nanos fuisse  
demonstra-  
tur.

Brenno tamen & Graecos adire animo sedebat. Ille igitur non cessabat, populares excitare, in conuentibus hancrem continue proponere, finitimos in foedera sollicitare. Persuasus est tandem populus, praedae optimioris spe animatus. Ab ultimis Oceani finibus barbaros coiisse Graeci (*c*) ferunt: quare & Germanos inter ipsos militasse, non sine causa coniicitur. Illyrios in exercitu Gallorum fuisse **APPIANVS** (*d*) prodit. **CALLIMACHVS** Delphorum oppugnatores, vt supra etiam attigimus, *Titanum posteros* vocat, eosque ab Occidente remotissimo, niuibus ob multitudinem aequiparandos affluuisse, refert. Vtrumque & in Gallos & in Germanos quadrat, Ditem aut Teutatem pro fatore communivenditantes, & Graecorum respectu Occidentem versus fitos. *Tolistobogios*, *Tectosages* & *Trocmos* in hac expeditione **LIVIVS** (*f*) commemorat. *Tolistobogios* fuisse Boios a Duce *Tolisto* cognominatos **STRABO** (*g*) indicauit. Qui Trocmi fuerint dubium est. Si quid tamen coniecturis dandum est, ad *Reganum* fluuium eos, nominis vicino sono persuasus, collocarem. *Tectosages* cum Galliae Transrhennae *Tectosagibus*, quorum vrbs Tolosa fuit, cum **IUSTINO** non sunt confundendi. Quemadmodum & aurum a Caepione Tolosae

(*c*) **PAVSAN.** *l. c.*

(*d*) *lib. de Bell. Illyric.*

(*f*) *Lib. XXXVIII. ib.*

(*g*) *lib. XII. § IV.*

Tolosae inuentum, non ex spoliis Delphicis congestum; sed Diis suis a Gallis consecratum atque repositum fuisse Posidonius apud STRABONEM (b) affirmat. Nostros enim fuisse Tectosages, & cis Rhenum Hercyniam syluam iuoluisse, credibile est. Nomen ipsorum forte in nomine loci *Dachsländ* ad Rhenum superiorem sito supereft. Nec Brennus etiam ipse cum Brenno, qui Romam cepit, cum quibusdam confundendus. Aetate enim centum & quod superat annorum ambo discreti sunt. Nec Brenni nomen virile; sed dignitatis est, atque apud Cambros adhuc *brenin* Reget, Principemque designat (i). Brennum hunc gente Prausum fuisse, STRABO (k) indicavit, incertus vbinam hic populus habitauerit. Ego Prausos coluisse statuo eo loci, vbi adhuc superat *Prausorum regio*, hoc est, ut nunc loquimur, *Breisgouia* siue *Brisgouia*. Ita Prausi Tectosagum vicini fuerunt. A Reno itaque per omnem Danubii tractum ad Thraciam vsque Celtae exciti fuerunt, quibus APIANVS (l) *Scordiscos* a Colapi fluvio ad Istrum, secundum STRABONEM (m) protenos, *Medos* siue *Moesos* & *Dardanos* addit

T 3

(n).

(b) lib. IV. p. 130.

(i) Vid. CAMBDEN. Brit. BOCHARTI Geogr. Sacr. lib I. c. 42. DAVIES in Lexic. Cambro-Britan. &amp; LHYDIUS in Archaeol-Brit. sub voce Rex.

(k) lib. IV. p. m. 130.

(l) I. c.

(m) lib. VII.

(n). Maximum exercitum ex his coaliisse, quis dubitet. PAVSANIAS peditum centum & quinquaginta duo millia, equitum supra sexaginta millia amplius mille & ducenti fuisse tradit. IVSTINV S (o) aliquantum ex hoc numero detraxit.

## §. LXX.

De Gallis,  
qui Asiae  
partem occu-  
parunt Galla-  
ti am ab ipsis  
dictam.

Cum tamen ad Dardanos ventum, viginti millia electorum militum, Tolistobogii nempe, Trocmi & Tectosages, seditione orta, a Brenno discesserunt in Thraciam. Duces erant Leonorius & Lutharius (p), in quibus Germanica Leonhardi & Lotharii nomina obserues, Principesque ipsos gente Germanos fuisse existimes. Hi Thracia vastata, aliquamdiu Byzantium oramque Propontidis vectigalem habuerunt, tandemque in Asiam transmittentes, maiorem etiam eius partem sibi tributariam fecerunt. IVSTINV S (q) tamen dixit, Gallos ad tuendos fines a Brenno Duce, cum in Graeciam proficeretur, domi relictos, in Asiam transmigrasse. Qui eos in auxilium primum vocauerat Nicomedes Bithyniae Rex, deuicto maxime eorum opera Zyboea, partem regni iis concessit, ab ipsis deinde Galatiam & Gallograeciam cognominatam. Quae fata deinde haec regio habuerit, MARCVS VELSE-

RVS

(n) in Illyric.

(o) lib. XXIV. c. 6.

(p) LIV. l. c.

(q) lib. XXV. c. 2.

RVs (r) pluribus explicauit. Nos addimus saltem, ad Galatas hos, a suscepto semel verae religionis cultu aberrantes, D. P A V L V M insignem Epistolam scripsisse, vbi eos *avonias* (s) siue *stultos* appellat, ad soli, quod insederant, genium ac proprietatem veluti alludens. Paphlagones enim, in quorum regionis parte degabant, a Graecis pro bardis & stolidis olim habitu (t). HIERONYMVS hic commemorat, visam sibi Ancyram Galatiae Metropolin, vetustae ruditatis vestigia servantem: ceterum linguam, excepta Graeca, qua totus Oriens vtebatur, ferme eandem fuisse, quae tunc esset Treuirorum. HIERONYMI aevo, Treuiros iam Germanorum magis mores & linguam, quam Galorum tenuisse, constat; vt adeo hinc pateat, & in Asia partem Germanorum Gallis mixtam fuisse. Nomina certe Regum Ducumque ipsorum idem confirmant. Modo *Leonorium* & *Lutharium* attigimus. *Ortiagon* (u), qui deinde cum Manlio confixit, nostrum *Hartog* siue *Hertzog*, Dux, refert. Eiusdem aetate clari, *Combolomarus* & *Gaulotus*, Gallicum quid sonant. Nomen tamen *Deiotari*, quem Senatus Romanus Regem nominavit, & CICERO eleganti Oratione defendit,

idem

(r) *Rer. Boicar.* lib. II.

(s) cap. III, n. I.

(t) SPANHEM. *ad Callimach.* *Hymn.* in *Delum p.* m. 44<sup>o</sup>.(u) Vid. SVIDAS in voce *Ortisgon*.



idem ac illud *Dietheri* vel *Theoderici* esse videtur,  
vt caetera praetermittam.

### §. LXXI.

Delphorum  
oppugnatio  
Gallica, Gal-  
lorumque ad  
eos clades.

Sed ad Brennum redeundum, qui insuper habito tot suorum secessu, persistit in consilio Graeciam inuadendi. Macedonia igitur vna cum Acichorio, socio Celtarum Principe, peragrata, Sperchium flumen traciecit (x) & per agrum Heracleensem apud Thermopylas transitum tentauit; sed a Graecis cum magno suorum damno repulsus est. Nec septimo post die felicius cum iisdem ad Oetam montem praeliatus est. Tandem Heracleotae & Aenanes, vt se barbaris hospitibus liberarent, ipsi aliam per Oetam viam ostenderunt, quam Acichorio sub Thermopylis aduersus Graecos relicto, secutus, Graeciam ingressus est, Graecorum exercitu euentu inopinato consternato, & ad huius rei nuntium dilabente. Delphos tunc petuit, quorum loci ex donariis tot gentium congestus thesaurus non secus olim, ac nunc in Italia gaza Aedis B. Mariae Lauranae, celebris erat. Huic inhiabat gens auri auida. Brennus cum in conspectu haberet templum, diu dejiberauit, an confessim id aggredieretur, an vero fessis via militibus, noctem ad vires restaurandas daret. Duces socii *Emanus* & *Theffalorus* (quod nomen AVENTINVS & VELSERVVS *Theffalonus* legerunt) moras amputari iubent. Brennus in alia abiit, & tempus ad corpora

(x) PAVSANIAS l. e.

pora curanda dedit. Interea aliquaer Gaeorum copiae auxiliares aduenerunt, a quibus & oraculo, sacerdotum cura diuulgato, Delphis fiducia resistendi. **P A V S A N I A S & I V S T I N V S** memorant, tunc lapidibus proiectis infestatos oppugnatores: Apollinem ipsum praesentem suis fuisse: terram, quam Galli occupauerant, ingenti motu contremuisse: crebra tonitrua & fulmina eos exterruisse, & singulos ferme coelestibus ignibus correptos conflagrassse: Visas etiam consurgere herorum species, & Delphis auxilio esse: nocte insecura funestioribus percuslos casibus: acerrimum frigus cum niue plurima eos afflixisse; saxa praeterea ingentia & montis crepidines, sponte e Parnasso auulsas, in barbaros corruiisse: inter haec Phocenses a tergo inuasisse Gallos tot malis consternatos, eosque, Brenno vulnerato, in fugam dedisse: postera nocte punico terrore percuslos barbaros, &, Graecos adesse somniantes, in se ipsos arma conuertisse, plurimosque ibi mutuis vulneribus concidisse: reliquias exercitus cum copiis *Acichorii* aduentientibus se coniunxitse, & Graecis cum iaculis continue hostiliter incessentibus, aegre Heracleam rediisse: ibi Brennum hausto mero, secundum **P A V S A N I A M**, vel pugione, secundum **I V S T I N V M**, vitam sibi taediosam finiisse; tandem ad Sperchium retrogressis ex insidiis superuenisse Thessalos & Malienses, ac tantam iis stragem intulisse, vt ne vnuis quidem superfuerit, aut saluus domum redierit. Quae



APPIANVS desuis Illyriis peste & diluvio post redditum  
punitis narrat iam praetereo. Inde tamen intelligas, non  
omnes in expeditione periisse. ATHENAEV<sup>s</sup>(y) prodit,  
*Cordistas* (ita *Scordiscos* vocat) reliquias Gallorum, qui  
Brenni ductu oraculum Delphicum armis tentarunt, in  
agris Istro vicinis a quodam eorum Duce Bathanato col-  
locatos esse, viamque qua reuersi sint inde suo ad-  
huc aevo *Bathanatum* dictam fuisse. Ex ipsis Tecto-  
fagibus quosdam Illyricum petiuisse, & spoliatis Istris  
in Pannonia resedisse IVSTINVS habet. Nec si omnis  
ad Delphos Gallorum exercitus caesus fuisset, it qui in  
Thraciam secesserant, ausi fuissent, viribus nationis  
suae tantopere infractis, anno statim excipiente, in  
Asiam transire, eamque sibi tributariam facere. Del-  
phicum templum omnino a Gallis captum & spolia-  
tum esse DIO & POSTDONIVS etiam apud STRA-  
BONEM (z) non inficias eunt. APPIANVS cum  
non conciliare posset auctores de Gallis ante captos  
Delphos deletis scribentes, & alios, Delphos a Gallis  
captos referentes; duplē expeditionem eorum sibi  
confinxit: vnam, qua cladem acceperint; alteram  
multo posteriorem, qua Cimbris nescio quibus con-  
iuncti templum spoliauerint. Post occupatos autem  
Delphos ob dissensionem dispersos, alios alio abiisse,

idem

(y) Lib. VI. p. m. 234.

(z) Lib. IV.

idem POSIDONIVS retulit. Aliquam tunc victoriam de iis Graecos obtinuisse, atque ideo enses, baltheos & elypeos Gallicos Apollini Delphico in rei gestae memoriam suspendisse, CALLIMACHO auctori coetaneo credendum est (a). POLYBIVS (b) huius Gallorum cladis meminit. CALLIMACHVS porro commemorat, etiam victoriam, a Ptolomaeo Philadelpho ab iisdem Gallis Delphici templi spoliatoribus relatam. Veterum ad hunc locum scholiorum auctor plenius haec, a caeteris scriptoribus praetermissa, enarrat; eos nempe, qui ex Delphica clade superfuerint, ab Antigono quodam, non Macedoniae Rege, sed Ptolomaei amico, fuisse conductos, ut secum sub mercede militarent; iis enim copiis indiguisse Ptolemaeum. Gallos autem hos cum Ptolomaei pecuniam diripere voluissent, idque Rex edocetus fuisset, ab eo ad Nili ostium Sebeniticum translatos, ibique eius iussu submersos fuisse. Expeditio de caetero Delphica contigit, PAVSANIA teste, anno altero Olympiadis centesimae & vicesimae quintae, hoc est, ante Christum natum ducentesimo septuagesimo octauo.

### §. LXXII.

Tot vero hominum e terris, quas Danubius p[re]terlabitur, & Rhenus exoriens attingit, profectio & iactura ingentem iis vastitatem necessario intulit. De vera origine Alemaniæ ex Germanis

V 2

Vn-

(a) Hymn. in Delum vers. 182. seq.

(b) Lib. II.



Vnde probabile est, gentem *Germanorum*, quae eadem est ac *Herminonum* infra Moenum tunc habitantem coloniis idem flumen transmisisse, se tandem cum reliquiis ibi Gallorum coniunxisse, vacuaque loca cultoribus impleuisse. Tum itaque, quod **DIO** (c) refert, etiam factum est, ut omnis regio Celtica, quae ad Rhenum est, ab iis occupata *Germania* vocaretur. Speciatim tamen regionem illam, quae a Gallis Germanisque in vnum commixtis incoli coepit, a ceteris maioribus nostris, exterorum consuetudinem & connubia in sedibus suis autis adhuc refugientibus, tunc *Alemanniam* siue *terram publici iuris*, atque ubi quilibet pro lubitu habitationem commixtim sibi sumere potest, appellari coepisse, non sine causa reor; ut adeo in origine Alemannorum ad **TACITI** decumates agros & solum ibi dubiae possessionis non sit configiendum; quanquam & hoc ad Alemanniam pertinuerit. *Allomanne* olim & *Almende* etiam nunc, nobis locus syluae, agri, prati, pagi aut territorii, qui communis est omnibus, & promiscui usus (d). Nec adeo absone **QUADRATVS ASINIVS**, qui Romanam Historiam usque ad Alexandrum Mammæae aut Philippos potius produxit (e) apud **AGATHIAM** statuit, Alemannos esse vi nominis sui *conuentios homines* & mixtos. Nec mirandum est, se-  
rius

(c) Lib. **LIII**. p. m. 576 577

(d) Vid. *notas ad Catechesin Theotisc.* meas pag. 113.

(e) Vid. **CELLARI:** *Geograph. antiqu.* T. I. p. 449.

rius auditum nomen eorum. Generalius enim illud Germanorum, specialius hoc deprimebat, donec autem ex terrae cultu & commerciis cum Romanis, bellicisque expeditionibus fama populi virtusque, inclinavit, atque a Caracallae aeuo, qui Alemannos denicisse dicitur, Romanis scriptoribus visitatum factum est (f). **VOPISCVS** tamen in Proculo scribit, Alemannos *tunc adhuc GERMANOS dictos*, veteri scilicet appellatione. **LIVIVS** de Hannibalis transitu in Italiam agens, ubi Pennini montis meminit, dicit loca, quae ad eum ferrunt, gentibus *semigermanis* obsita fuisse, *Alemannos* intelligens, qui, ut hinc patet, iam tunc quoque aliquam Heluetiae partem insederant, per expeditiones in Graeciam incolis vetustis dubio procul exhaustam. Vnde & **TACITVS** Alemannos sub nomine Heluetiorum, quos ad vetustiora tempora respiciens, Bois confines facit, comprehendisse videtur. Inter Boios enim & Heluetios eius iam aetate Alemannos degisse ex hac tenus dictis certum est.

### §. LXXIII.

Eodem tempore & aliam Germanorum manum transito Mosellam inter & Mosam Rheno, pulsisque veteribus incolis Gallis in Belgicam se sensim effusisse coniicias. **CAESARI** (g) relatum est, plerosque

V 3

*Germanorum in Belgiam irruptionio. Taciti locus de nomine Germanorum explicatus.*

(f) **SPARTIANVS** cap. 10 & **AVREL. VICTOR** in *Caracalla*.

(g) *Comment. II.*

*Belgas esse ortos a Germanis: Rhenumque amnem antiquitus transductos, propter loci fertilitatem ibi consedisse; Gallosque, qui ea loca incolerent, expulisse. Quamuis & coacti forte Rhenum transfierunt, a Sueuorum illa natione, qui Catti postea dicti sunt, pulsi, ut STRABO (b) expressis verbis indicat. Nam eos qui TACITO & posterioribus sunt Catti, nobis vulgo Hessen, CAESAR Sueuos vocat. Nouos autem illos Belgii colonos Germanos modo laudatus CAESAR speciatim Eburones, Condrusios, Caeraeos, Paemanos, uno nomine Germanos appellatos indicat. Atuaticam castellum idem CAESAR (i) in mediis Eburonum finibus ponit, & tamen hoc PTOLEMAEVS, Itinerarium ANTONINI, aliquae veteres Tungrorum fuisse indicant. Vnde clarum est, Tungras a TACITO etiam nominatos, sed CAESARI adhuc ignotos, in Eburonum & reliquorum locum, fato nescio quo, successisse. Hi vero Eburones cum sociis, aut Tungris, dubie procul fuere illi Germani, qui Cimbros Teutonesque, cum omnem Galliam vexassent, fines suos ingredi prohibuisse apud eundem CAESAREM dicuntur (k). TACITVS, vbi de origine Germanorum agit, vetustiorum quorundam scriptorum sententiam profert.*

(b) Lib. IV.

(i) Comment. VI.

(k) Com. II.

profert. *Affirmant*, ait, *Germaniae vocabulum recens* & *nuper additum*, quoniam, qui primi Rhenum transgressi Gallos expulerint, nunc Tungri, tunc Germani vocati sint: ita nationis nomen, non gentis evaluisse paulatim, ut omnes primum a victore ob metum, mox a se ipsis, inuento nomine, Germani vocarentur. Iiitaque, quos TACITVS citat, statuerunt Germanorum nomen militare & ad metum incutiendum aptum fuisse; vnde illud genuine Herman quod militem nobis designat, olim pronunciatum coniicio; literis H & G soni vicini postea inter se permutatis, ut solet, & supra ostensum est. Eo formidabilius autem videbatur Germanorum postea nomen, quod cum voce *werre gaerre*, bellum, etiam consonaret. TACITO narratum est, hoc nomen illam nationem, quae Rheno transito Gallos vicerit, expuleritque, quaeque TACITI aeuo Tungrorum appellationem gesserit, assumpsisse, & populares suos reliquos eo etiam appellasse; ut nempe vel ipso nomine, bellicum & hostile quid sonante aduersariis metum inueteret: inuento porro semel fausti ominis vocabulo, placuisse id deinde omni illi genti, vnde Tungrorum maiores prodierint, & ab eadem communiter adoptatum fuisse. Errant igitur, qui TACITO imputant, quod prodiderit, Germaniae nomen suo aeuo fuisse nouitium. Non enim TACITVS hoc dicit, sed ii de suis temporibus affirmarunt, quorum scriptis usus est. Ipsi ii veteres auctores errarunt, quod putauerint, no-

men

men Germaniae recens additum, quia ipsis recens auditum. Trans Rhenum enim degebat ab antiquo maxima *Herminonum* gens **TACITO**, **PLINIO** ceterisque memorata atque ab *Hermino*, *Irmino* vel *Armino*, vetustissimo heröe, & postea in Deum belli praefidem elato, (de quo supra plura) ita dicta, quae omnia communis patriae nostrae mediterranea ad Rhenum usque occupabat, & colonias has trans Rhenum siue veterem gentis limitem in Gallicum solum miserat. Neque enim aliunde profici poterant. Ab his Herminonibus, siue, quod idem est, Germanis aut Germanis, commune nomen secum apportasse *Germanos* Galici soli colonos, rerum series & ratio suadet. Illustris etiam **LEIBNITIUS** idem aliquoties argumentis non contempnendis ostendit (*1*) nec, qui contradixerint, habuit. Germaniae ergo nomen eo tempore, quo Tungrorum maiores, Eburones, Condrusi, Caeraesi & Paemani, Reno traecto, Gallos expulere, non inuentum; sed Gallis saltem Romanisque cognitum primum factum est. Germanorum autem appellatio a Romanis, Ingaeuonibus & Istaeuonibus, promiscue tributa est, quamquam diuersitas quaedam inter eos esset; ut solent remotiores nationes a viciniore & notiore appellari. Sic Turcae eodem modo Europei incolas Christianos *Francos*, Galli nos *Alemannos*, Finni omnes *Germanos* *Saxones* vocant.

§. LXXIV.

(*1*) In not. ad script. BRUNNU.

## §. LXXIV.

Boii interim, Insubresque, Italiae incolae, more Boiorum, In-  
 quodam suo, Romanos continuo fere lacestiuierunt, subrum &  
 Punicis bellis distentos. Boii ad Padum T. Manlio & Germano-  
 Q. Fuluio Coss. in fidem ditionemque recepti sunt; rum bella ad-  
 sed post eos Insubres copiis auxiliaribus, etiam a Ger- uersus Ro-  
 manis, hoc est, Alemannis, nouis illis trans Alpes vi-  
 cinis, vndique contractis, victori populo insurrexe-  
 runt. *Gargenus* ipsorum Rex apud SILIVM (*m*) no-  
 minatur, quem C. Flaminius Consul viciisse traditur.  
 Sed anno sequenti, qui est ante natum Christum CCXX.  
 Lapidès Capitolini subactorum Insubrum & sociorum  
 gloriam M. Claudio Marcello tribuunt. Legitur in iis:

M. CLAVDIVS. M. F. M. N. MARCELLVS. AN. DXXXI.  
 COS. DE. GALLEIS. INSVBIBVS. ET. GERMANEIS  
 K. MART. ISQVE. SPOLIA. OPIMA. RETTVLIT  
 DVCE. HOSTIVM. VIRDOMARO. AD CLASTIDIVM  
 INTERFECTO.

Virdomarum FLORVS (*n*) Insubrem nominat.  
 PROPERTIVS (*o*) genus eum a Rheno duxisse, &  
 copias eius ab eodem Rheno traiectas refert, vt supra  
 meminimus; vnde Germanorum auxiliarium Ducem fu-  
 isse putas. Magni Principis arma Feretrio Ioui Mar-  
 cellus

(*m*) Lib. V.

(*n*) Lib. II. c. 4.

(*o*) Lib. IV. El. penult.



cellus suspendit, quod praeter Historicos Romanos  
VIRGILIUS (*p*) commemorauit.

### §. LXXV.

Coloniae Ro-  
manorum in  
deuictorum  
Gallorum  
terras in Ita-  
lia duætae.

Alia bella minoresque velitationes, quae Gallis in Italia cum Romanis intercessere, tanquam a scopo meo alieniora, praetermitto. Hoc solummodo adiicio; Boios tandem anno ante Christum CLXXXVI. siue sponte sua, siue vi pulsos (*r*) Italia excessisse. Novas sibi sedes apud Tauriscos, siue, ut nunc audiunt, *Stirios*, STRABONE notante, statuerunt, bellum ibi postea contra Dacos gesserunt, donec tota ipsorum gens funditus excisa, agrum, qui ad Illyricum pertinebat, desertum ac pecoribus pasuum vicinis reliquit. Hinc *desertis Boiorum* inter Arabonis fluuium & lacum Peisonis nomen, PLINIO (*s*) memoratis. Bononiam, urbem eorum in Italia praecipuam, quae & Felsina alias dicta, iam dudum coloniam Latinam ex Senatus-consulto L. Valerius Flaccus, M. Atilius Serranus & L. Valerius Tappus Triumviri deduxerant. (*t*) Iam vbi penitus e prouincia exacti, statim & Mutina, sedes iam Ducum huius nominis ex Estanti stirpe prognatorum, & Parma colonias Romanorum ciuium ac-

cepe-

(*p*) *Aeneid VI.* v. 809.

(*r*) STRABO lib. V. p. 147.

(*s*) lib. III. c. 24.

(*t*) LIV. lib. XXXVII. c. 57.

ceperunt, M. Aemilio Lepido, T. Aebutio Caro & L. Quintio Crispino Triumuiris easdem deduentibus (u). Istris etiam domitis C. Claudius Consul *Aquileiae* coloniam instituit. *Insubres* domitos tandem reliatos, atque etiam excultos STRABO (x) prodit. *Mediolanum* pagus olim, post vrbs praeclara, & tandem Regni Longobardici Metropolis facta est, in cuius propinquuo minores, *Brixia*, *Mantua Regium*, quae iam quoque Estensibus paret, & *Comum*. Vniuersam Galliam Cispadanam Romana ciuitate, post eandem toti Italiae impertitam, cum iure quoque suffragii a Pompeio Strabone donatam STRABO (y) innuit, & EZECHIEL SPANHEMIVS (z) fusius ostendit. Transpadanis eundem Pompeium ius tantum Latii concessisse ASCONIVS (a) retulit: ciuitatem autem Romanam demum Julius Caesar Dictator anno ante Christum natum XLV. (b) iisdem, hoc est Insubribus, Cenomanis, Venetis, Orobii & Lebiis largitus est. *Ligures*, vt & hoc addam, diu admodum post haec ciuitatis Romanae iure caruere. Et Nero demum *nationes Alpium*

X 2

mari-

(u) LIV. lib. XXXIX. c. 51.

(x) lib. V. p. 147.

(y) lib. V. p. 250.

(z) Orb. Roman. p. 89.

(a) In Pisonian.

(b) DIO lib. XLI. p. 118.



*maritimarum (c)*, quibus Ligures a Geographis accensentur, in ius Latii transtulit.

### §. LXXVI.

Germano-  
rum motus,  
& Sueorum,  
Aforum,  
Cimbrorum  
& Teuto-  
num expe-  
ditiones in  
Septentrio-  
nem De  
Thoro ve-  
tustissimo  
Principe.

Infra Herminones siue Germanos colentes por-  
pulos Ingaeuonum, Istaeuonumque etiam interea Cel-  
tica in Graecos expeditione commotos fuisse, quis du-  
bitet? Ex Ingaeuonibus certe *Sueuos*, Germanis loca  
altius & circa Danubium & Alpes sita occupantibus,  
Rhenumque superantibus, loco mouisse ostendimus.  
Qui infra Sueuos Chersonesum littusque Codani sinus  
& nostri maris incolebant, *Cimbri* erant *Teutonesque*,  
forte & ipsi olim ex Sueuis. Vtraque natio insulis  
Codani sinus & obuerso Septentrioni ab antiquo co-  
lonias immisit, veteribus incolis Lappis Finnisque in  
interiora & montana compulsis. Quo tempore incer-  
tum. Euntium in terras illas ducem fuisse *Thorum*  
vetustissimum (nam & recentior in Saxonum histo-  
ria & Sagis Septentrionalium occurrit) facile mihi per-  
suadeo. Quia *Thor* apud Danos & Suecos olim Deo-  
rum summus creditus est (d). Finni Lapponesque  
& hostem venerati sunt, tanquam bellorum Deum, sub  
 nomine *Turrisas* (e), quod *Torum* natione *Asum*

non

(c) TACIT. *Annal.* XV. c. 31.

(d) Vid. SCHEFFERI *Vpsal.* cap. 6.

(e) WEXIONIVS *Descript.* Succ. IX. c. 1.

non incongrue SCHEFFERVS explicauit (f). Quod si verum est, sequitur, eum ex litore Balthici maris nostro venisse, & Sueuum, siue Vandalum fuisse, ex gente Asorum, de quibus supra iam quaedam attuli. Quanquam, qui postea sub Odino Septentrionem subegerunt, forte haec de origine Thori commenti sunt, ut gloriosiores genti deuictae etiam ratione antiquitatis & cum Thoro cognationis apparerent. Nec soli Septentrionales Thorum pro Deo habuerunt; sed & Saxonnes & Sueui, imo ipsi Celtae, quibus Iupiter tonans *Taranus*. Vpsalia, si ab Odino inuenta iam fuisset, vt ferunt (g), Thorum vel eius coloniae aliquem authorem habere deberet. IOHANNES MAGNI (h) ab Vbbone ante tempora Abrahae aedificatam tradit. Sed multo recentior est. Ex vetusto enim Scriptore ALBERICVS Monachus Trium fontium (i) refert, saeculo demum sexto conditam & nominatam fuisse Vpsalam ab Vffa, Redwaldi Orientalium Anglorum Regis auo, cuius aulae sedes in Suecia fuerit. Quod a Cl. BENZELIO quoque probatum fuisse (k) laetor.

X 3

§. LXXVII.

(f) *Lappon. c. 7.*

(g) SCHEFFERVS l. c.

(h) lib. t. c. 6.

(i) ad an. 636.

(k) in *Notis ad Vafouii Vitam Septentr.*

## §. LXXVII.

Cimbri qui-  
nam fuerint,  
& ubi habi-  
tauerint? *Teutones* sua adhuc aetate Codanoniam siue Scan-  
dinauiam, hoc est, ut supra ostensum, Iutlandiam te-  
nuisse, *MELA* (*l*) affirmat. Infra eos ergo, in Hol-  
satia Wagriaque, & reliqua Chersoneso, *Cimbros* degisse  
*STRABONI* credendum est. *PLINIVS* (*m*) sinum  
Lagnum *Cimbris* conterminum facit. Sinum autem La-  
gnum esse illum, qui *SAXONI GRAMMATICO* *Lym-  
nicus* dicitur, atque ad Alburgum Iutiam pene disrum-  
pit, alibi demonstrauimus. Consentit *TACITVS* (*n*)  
qui *Cimbros* sinum Oceani tenere dicit: & *PTOLO-  
MAEVS* (*o*) ab iis Chersonesum *Cimbricam* vocat.  
Nec dissentit *PLVTARCHVS* (*p*) Oceanum Septentrio-  
nalem, hoc est, mare Balthicum, eos *accoluisse* referens.  
Non autem sola Chersoneso contentos; sed etiam in  
littore maris Germanici diffusos ab Albi usque ad  
Rheni exitum, *STRABO* docet. Vnde & *Cauchorum*  
*Frisiorumque* gentes iis comprehensa. Qui a Cim-  
meriis eosdem cum Posidonio apud eundem *STRAB-  
ONEM*, aut cum aliis apud *PLVTARCHVM* (*q*)  
deri-

(*l*) *lib. III. c. 3. & 6.*(*m*) *lib. IV. c. 3.*(*n*) *Germ. c. 37.*(*o*) *lib. II. c. 11.*(*p*) *in Mario p. 421.*(*q*) *in Vita Marii pag. 417.*

deriuant, atque a Palude Moeotide deducunt, longe discretos populos ob nominum similitudinem, & mare Balthicum cum Moeotico, vt & alibi perperam a veteribus factum est, confundunt. An non STRABONIS pagus Cimbricus circa Maeotim situs, potius Cimmerius dicendus fuerit, iam non definio. IVSTINVS (*r*) tamen, qui meminit Mithridatem, praeter Gallo-Graecos, Sarmatas & Bastarnas, etiam Cimbros auxilia petitum misisse, cum bellum in Romanos meditaretur, forte Cimmerios iterum sive Bosphoranos cum Cimbris commisicuit. Ea certe FREINSHEMII non improbabilis sententia fuit. Germanos vero (nomine hoc generalius de vniuersa gente nostra intellecto) Cimbros fuisse STRABO, VELLEIVS (*s*), TACITVS (*t*) caeterique omnes confitentur. PLVTARCHI enim Celto-Scytha, vnde eos deduxit, a veteribus conficti, nunquam extiterunt: & Gomeri posteros, vnde etiam quidam recentiores eosdem arcessunt, alias generis fuisse ab initio demonstratum est.

### §. LXXVIII.

Teutonum nomen cum illo *Theotiscorum*, vniuersae nempe gentis nostrae appellatione, confundunt pleri-

Quinam fuerint Teutones & vnde dicti.

(*r*) lib. XXXVIII, c. 3.

(*s*) lib. II, c. 12.

(*t*) Germ. c. 37.

plerique, nosque *Teutones* appellant. Sed satis apparet, Teutones, Theotiscorum siue maiorum nostrorum partem saltem fuisse, in extremo Iutiae angulo. Si coniecturare liceret, a veteri nostro *teute*, *tuyte*, *tote*, *conus*, *cornu*, recessus acuminatus, (vt apud **KILIANVM** in Etymologico Belgico videre est) vocem hanc descendere dicerem. Illo enim loco, vbi Chersonesus Cimbrica in coni figuram exit, confedere ab antiquo. Nec displicet haec mihi originatio. Communiter autem Teutones sub Cimbrorum nomine comprehensos fuisse patet ex **PLINIO** (*u*), qui locum, vbi hi habitauerunt, *Cimbrorum promontorium* vocat.

### §. LXXIX.

*De Cimbros-  
rum nomine, & quod  
Germanica  
appellatione  
Franci fue-  
rint dicti.*

De Cimbrorum appellatione, altiori disquisitio-  
ne opus est. Quae hanc in rem **RVBEKIVS** (*w*) ni-  
mis anxie conquisiuit, vt Cimbros ex sua Scandinauia  
ortos persuaderet, longius nimis petita aut dubiae sunt  
fidei. Approbat tamen nominis deriuationem a *Kaem-  
per*, pugil, pugnator, qui inferiori aeuo *campio*. Ante  
eum **OL. WORMIVS**, **HVG GROTIUS**, & cum tot  
aliis eruditis viris post eum, ipse **LEIBNITIUS** no-  
ster, eidem vocis ratione calculum suum faciecerunt.  
Sed cum *duello* solum *decertantem*, ea significet, ne-  
que

(*u*) *lib. XIV. c. 13.*

(*w*) *Atlant. T. I. c. 21.*

que Cimbri duellis prae ceteris adsueti fuisse legantur; ingenio tantum haec sententia, nec ullis aliis argumentis, nititur. Posidonius apud STRABONEM (*x*) dicitur non inepte collegisse, *Cimbros homines fuisse praedones ac vagos*. Ibidem ii latrociniis sibi opes perisse feruntur. Et PLUTARCHVS (*y*) addit, *Cimbros* a Germanis vocari *latrones*. Hoc sequioris aetatis auctores intellexere, ac si PLUTARCHVS dixisset; vocem *Cimber* significare *latronem*. Vnde FESTVS: *Cimbri*, inquit, *lingua Gallica, latrones dicuntur*. Et Glossae a CANGIO citatae: *κιμβρος ο ληστης*. Sed longe alius est sensus verborum PLUTARCHI. Relatum nempe est Romanis, eos, qui ipsis nomine Cimbrorum innotuerint, a Germanis vocari *latrones*; & hoc nomen ab illo Cimbrorum diuersum esse. Cimbrorum ergo appellatio non Germanica, sed Gallica est, & examini illi barbarorum, quod Gallis Ambro-nibus, Tigurinis & Tugenis coniunctum ac sociatum tandem Italiae aditum quaesiuit, ab amicis istis Gallis indita est. Teutones & Cimbri se *fratrum*; Galli vero isti Cimbris coniuncti eosdem *sociorum* (*z*) & *cognatorum* nomine compellabant. Iam in lingua Wallorum & Cambrorum, quae veteris Celticae pars est,

restat

(*x*) lib. VII. p. 203.(*y*) in Mario.(*z*) STRABO lib. VII. p. 203.



restat adhuc *Cymmar*, siue, vt nobis enuntiandum est,  
*Cymmer*, & *socium*, sedalem aut *complarem* designat (b):  
 vnde *Cimbrorum* vocabulum sponte & aptissime emanat, id quod me primum hic ostendisse non piget.  
 Quonam autem nomine Germanis *Cimbri* venerint, dubitari potest. *Latrones* illud denotauit: & cum regionem mari circumfluam (vbi olim homines pyraticae studiosi, etiam post eos, coluere plurimi) inhabitauerint; verosimile est, ipsos in mari praecipue latrocinia exercuisse, & mercatoribus vltro citroque comitantibus infestos fuisse, cum vicinorum opes tantae tunc non essent, vt rapi mererentur. A pyratica ergo nomen latronum meruisse potuerunt. Maria eos etiam extrema peruagatos esse, vel inde coniicere licet, quod mare supra Norwegiam vocauerint *Morimarus* siue mortuum, Philemone apud PLINIVM (c) teste: & Germanicum mare AVSONIO est *Cimbrica Thetys* (d). Moris autem ab antiquo fuit maris Baltici accolis, vt Principum filiis natu minoribus, hæreditatis loco, nauigium instrueretur, quo maria percurrent, sibique pyratica, quam licitam putabant, opes terrasque acquirerent. Neque hoc iis dedecori, sed laudi ducebatur (e). Vocabantur vero tales *vargi* aut

(b) DAVIES & LHVYDIUS in *Dictionar. Britann.*

(c) lib. IV. c. 27.

(d) in lib. Consul. Honorii v. 335.

(e) Vid. BARTHOLIN, in lib. de *Causis contemptae a Danis mortis.*

aut *varegi*, *warengi*, *warangi*, item *vreci* & *vraci*,  
 hoc est *exules* & *vagi*, siue etiam *Praedones* veteri vo-  
 ce. Et vox *vargus* pro *exule* in Lege Salica & Ripua-  
 ria occurrit (f). *Vurece*, *Vuraece* & *Vurace* eodem  
 sensu Anglosaxones habuisse **SOMNERVS** & **BENSO-**  
**NIVS** in Dictionariis horum linguae euincunt. Nos  
 pariter, literis traiectis, *Wermuth*, & Saxonice *Wremte*;  
*born* & *brun*; *bernen* & *brennen*, similiaque promiscue  
 dicimus. Cum autem hi exules necessitate compulsi  
 audaces, vbiunque poterant latrocinia committerent,  
 pyraticam exercentes, factum est, vt nobis quidem  
*frech* pro *audaci*, *feroci*, Septentrionalibus vero *vargus*  
 & *varegus* (vulgo *warger*) pro *praedone*, & *pyrata*  
 usurparetur. **SIDONIVS** iam monuit, Aruernos suos  
*vargorum* nomine *latrunculos* nominare (g). Cim-  
 bros autem non **FESTVS** solum, sed Posidonius quo-  
 que (h), eorum in Italiam irrumpentium coetaneus,  
*praedones* & *vagos* fuisse asseruit. Mare inde Balthicum,  
 pyratis olim his infestum, Russis adhuc *mare Varegi-*  
*cum* dieitur; & regio, vnde pyratae & nautae isti ple-  
 rumque veniebant, *Varegia* (quod in *Wagria* tandem  
 corruptum) vocata est, quondam Aldenburgum, iam  
 Lubecam principem urbem habens, commerciis &

Y 2

nauiga-

(f) Tit. LVII. 17. adde **CANGII** *Glossar.*(g) **SIDON.** lib. VI. Ep. 4.(h) **STRABO** lib. VII. p. 203.



nauigationibus versus Orientem clarissimam. IOHANNES quidem MAGNVS (i) Sueoniam etiam ab aliis *Baltiam*, ab aliis *Vergion* dictam tradit. Danis, a Cimbris Teutonibusque propagatis, idem nomen a Graecis datum, a Russis forte intellectum. Anglo-Dani enim, qui ex Anglia Saeculo XI. exacti Imperatoribus Constantinopolitanis sese addixerant, ab iis in Protectorum ordinem allecti, *Barangi* a Scriptoribus Byzantinis dicuntur (k). Alii eos *Warengos*, & Anonymus descriptor Profectionis Danorum in Terram Sanctam (l) *Weringas* vocant. Eadem tamen appellatio antiquitus Cimbricae Chersoneso, eiusque parti, vbi Wagria cernitur, data est: vtpote quae olim, sub Cimbris, maribus nostris dominata, postea etiam marinorum rerum scientia enuit, ac saeculo etiam post Christum natum octauo *Ruriconem* pyratam e suis illustrem, Principem Russis primum largita est. Reliquias ergo Cimbrorum, post clades a Romanis acceptas hic remanisse, & nostra lingua *varegos*, *varengos*, siue *vraeos* & *vrancos* vel *Francos*, vt antea, ita & porro dictos fuisse, non incongrue plane statui posse puto: licet nomen id paruae Cimbrorum ciuitatis, quae non terra, sed mari valebat, Romani Scriptores

igno-

(i) In praef. Hist. p. m. 4.

(k) Vid. MEVRSII & CANGII Glosar.

(l) c. 27.

ignorauerint, & nostri in literas referre neglexerint. Increbuit tamen per omnem Europam fama illius, cum ipsi hi *Vargi*, *Vreci*, siue *Vranci* vel, ut postea scriptum est, *Franci* seculo post C. N. tertio a mari suo recessissent, &, exemplo vicinorum incitati, transito Albi & Visurgi ad Rhenum confedissent, terris illis a tyrannide Romanorum liberatis, mox Regnum condituri; Galliam, & post Italianam quoque occupaturi; tandemque, singulari suo fato Occidentis Imperium in suos translaturi. Hos quoque nauigationis peritis- simos fuisse, non secus ac progenitores ipsorum, exem- plo suo sub Probo comprobarunt captiui quidam ex Francis, qui a Ponto vsque, correptis nauibus, Grae- ciam Asiamque populati, plerisque Libyaे litoribus appulsi, Syracusas cepere, & tandem domum salui re- dierunt (*m*). Antiquissimam quoque Francorum sedem ad exitum Albis, in Wagria & Meclenburgico Du- catu, hoc est, in Cimbria fuisse Illustris LEIBNITI- VS peculiari libello euicit, GEOGRAPHI RAVEN- NATIS & ERMOLDI NIGELLI auctorati non contempnendae innixus. Quam rem suo loco fusi- deducemus. Nomen autem Francorum antiquissime *Frec* vel *vrec* pronunciatum fuisse, vel inde patet, quod a bonis auctoribus, vbi de origine vocis agunt, illud

Y 3

cum

(*m*) EVMENIVS in *Panegyr.* *Constant.* *Caesaris c. 18.* ZOSI- MVS *Hist.* lib. I.

cum vulgari frech vnum creditum, & ferox ac audax expositum sit. Amplectuntur hanc sententiam ISIDORVS (*n*), ADO VIENNENSIS (*o*), RIGORDVS (*p*) aliique. Iuuat coniecturam nostram, quod STVR LONIDEM aliosque Septentrionales, veteris pronunciationis tenaces, Francorum regionem Fracolandiam suo adhuc aevo vocasse (*q*) animaduertamus. Postea, vt in multis aliis fieri consuevit, *n* inditum, non minis significationem genuinam obscuriorem reddidit, a nobis iam in lucem iterum productam. Sed de his inferius & suo loco plura.

### §. LXXX.

Causae ob-  
quas Cim-  
bri patria  
emigraue-  
rint.

Quae causa Cimbros & Teutones impulerit ad emigrandum, alia quaestio est. TACITVS (*r*) existimat, stimulos addidisse libidinem, auaritiam, mutandaeque sedis amorem, vt relictis paludibus & solitudinibus suis foecundissimum Galliae & Italiae solum possiderent. EPHORVS (*s*) vero Isocratis discipulus, in Cuma Asiatica natus, qui fabulis omissis, ab Hera-

clidi-

(*n*) Lib. IX. c. 2.

(*o*) in Chronico.

(*p*) in Philippo Augusto.

(*q*) Vid. STVR LONIDIS locum ap. TORFAEVM in Ser. Ref. Dan. p. 109. 110.

(*r*) Hist. lib. IV. c. 74.

(*s*) STRABO l. c.

clidarum descensu Historiam incloauit, grauis in pri-  
mis auctor, notauit, *Celtas* (eos autem, qui postea  
Cimbri dicti, intelligit) plurimum ab exundationi-  
bus maris vexari, pluresque eorum aquis, quam  
bellis, perire. CLITARCHVS vetus non minus hi-  
storicus (*t*) scriptum reliquit, *Cimbros* tam subitis  
incursionibus aquarum inuadi aliquando, vt vix ce-  
lerrimis admissis equis aquas euadant; tanta tamen au-  
dacia esse addunt iidem, vt quo loco non ita pridem  
ab vndis domicilia absorpta sint, eodem rursus aedi-  
ficient, & contra mare arma sumant. Hos ineptire iu-  
dicauit POSIDONIVS, negans homines mari assuetos  
tam stupidos esse posse, vt non deprehenderent natu-  
rale Oceani incrementum. POSIDONIO consentit  
STRABO. Sed vterque iniurius est in EPHORVM &  
CLITARCHVM, qui non de consueto quotidie maris  
affluxu; sed de extraordinariis exundationibus maris  
loquuntur. Ut ab his sibi cauerent Cimbri, aggeri-  
bus & fossis cum Oceano bellabant. Nec improbabile,  
taedio frequentium inundationum, cum meliores ter-  
ras alibi cognouissent, sedes mutare coepisse. Quam  
graue sit mare nostrum accolis suis, quando a flatibus  
Cauri tumidum in litorales regiones debachatur, nu-  
per & vidimus & intelliximus, vastatis subita eius irru-  
ptione foecundissimis prouinciis Frisiae, Oldenburgii

*(t) STRABO l. c.*

& Holstiae. Per singula fere Saecula aliquot huiusmodi diluuia ibi acciderunt. Et Patrum nostraque memoria Seelandiae bona pars suffocata. Dollartus sinus Frisiae immissus, Heiligelanda insula subinde attrita, & praeter non amplam adeo rupem pene absunta, Nordstrandiaeque dimidium, & quod superat, aquis mersum est. Nec nuper modo natura hanc viam tenuit. Aestibus maris iam olim abrepta est omnis terra, qua nostro aevo ab exitu Visurgis ad Batauos vsque Vada, insulaeque cernuntur continenti obiectae, pars olim continentis. Sed altius atque vsque ad montana nostra aliquando furibundi maris fluctus penetrasse, tot syluarum strages in Flandria & Westphalia passim, in Ostphalia vero circa Hildesiam atque etiam Hanoueram obseruatae demonstrant. Omnes enim vno quasi eodemque positi, diuersis hisce in locis, radice nempe inter Septentrionem & Occasum, cacumine inter Orientem & meridiem porrectis, iacent. Et cum ante paucos, quo haec scribo, dies prope hortum Regium Herrenhusanum aquae ductus effodetur, alueo Leinae fluuii parallelus, inter varia maris eiusmenta, praecipue echenites (qui cum in nostro mari non inueniantur, e longinquo abrepti fuisse debent) stragemque arborum eodem situ projectarum, inuenta sunt immannium belluarum ossa praegrandia cornubus ceruinis & craniis ossibusque humanis non paucis commista vio-

nae OBARTA (lentiae

lentiae aquarum aduersus has terras immensae testes.  
Ne amplius autem saeuitiam illam maris veterem ex-  
periamur, Cimbrorum reliquiis, Caucis Frisiisque de-  
bemus, qui ingentibus aggeribus stupendo labore con-  
gestis altiorem Oceanum terris excluserunt.

### §. LXXXI.

Non autem vno saltem anno, sed pluribus versus <sup>Via, qua</sup>  
Italianam tetendisse Cimbros credendum est. Validae <sup>Cimbri Ita-</sup>  
enim gentes non vnae superandae, fluminaque maxi- <sup>liam petie-</sup>  
ma traicienda erant. Vbi Celtae in Graeciam iuissent, <sup>rint. Fran-</sup>  
aliquos ex iis expeditioni interfuisse, sodalibusque post <sup>cofurti ad</sup>  
reditum desiderium sedium mutandarum inspirasse <sup>Oderam</sup>  
crediderim. Post cladem Celticam animos addidere <sup>origo. At-</sup>  
vires Celtarum fractae, & vastitas locorum a tot milli- <sup>ma Cim-</sup>  
bus hominum bello isto consumtis. Vbi itaque Sueui, <sup>brorum.</sup>  
quibus postea Catti successere, partem regionis Her-  
minonum siue Germanorum inferiorem sibi vindicas-  
sent, Albi & Visurgi transmissis, Cimbri quoque iter  
in meliores terras tentarunt. Albis eos litus dextrum  
adscendisse, & versus Bohemiam perrexisse verosimile  
est, cum a Boiis, quorum sylvas penetrare animus  
erat, repulsos **P O S I D O N I V S (u)** commemoret.  
Cum Boiis imminherent, substitisse eos in loco Misniae,  
cui *Francenberga* nomen, audacior me coniceret. Nec

prima

(s, STRABO lib. VII, p. 203.

Z



prima obstacula animos generosos fregere. Alia enim via tentata est, ut Boios euitarent. Paulisper itaque retrogressi Viadrum traiecerentur eo loco, vbi nunc est *Francofurtum*. Locus hic, siquidem ita vetustus est, ut Chronica eius ferunt, hoc suum nomen a transitu Cimbrorum, qui a Germanis, ut vidimus, *Franci* dicti sunt, accepisse posset, cum aliis ibi Francorum transitus non succurrat. Neque tamen id pertinaciter adseruerim; sed iis saltem, quorum interest, altius perquirendi occasionem suppedito. Carpathios igitur montes *Cimbri* ad sinistram declinantes, ad Istrum peruenere; hinc ad Scordiscos ex bello Graeco reliquos, & tandem ad Tauriscos sive Stirios (w). Toto autem hoc tempore, quo per tot ambages ad limitem Italiae tetenderunt, multum ex veteri barbarie eos deposuisse non est dubium. PLUTARCHVS (x), congreuentes cum Romanis, galeas saeuarum belluarum rictibus insinuatisque figuris, quas alatis cristi fastigiauerint, ornatas, loricas ferreas, candida scuta, telum bipenne, ingentesque gladios gessisse refert. Haec arma in itinere comparata. Tumuli enim Holsatici eius temporis aeris parum, ferrum nullum, (quod adhuc TACITI aevo apud Germanos rarius) acumina hastarum lapidea, gladiorumque loco

(w) POSIDONIVS apud STRABONEM l. 8.

(x) in Mario.

loco cuneos, quos vulgus lapides ceraunios appellant  
ostendunt.

### §. LXXXII,

Vbi in Tauriscis haererent, anno conditae Roma,<sup>Per Alpes Iu-  
liaas Italiaam intrarunt fuso Cn. Carbone.</sup> sexcentesimo quadragesimo (*y*), ante Christum natum centesimo decimo quarto, haec primum Cimbrorum audit a sunt anima. PLVTARCHVS addit, eos, quod nullum cum aliis habuissent commercium, atque ex tractibus venirent longinquis ac hactenus ignotis, neminem mortalium nouisse: coniectatum saltem ex proceritate corporum & caesiis oculis, Germanos esse. Immani huic Germanarum gentium vi, cum iam fauces Alpium Iuliarum penetrassent, obuiam missus Cn. Carbo, infelici circa Noreiam urbem, Tiliauento flumini in Carnis adsitam, praelio fusus fugatusque est (*z*).

### §. LXXXIII.

Audierant vero hic aliam Cimbrorum Teutonumque manum, quae transmisso Albi, Visurgi, Rheenoque inferiorem Germaniam peruagata (*a*), Galliam omnem vexauerat (*b*), impedimentis cum praesidio

Z 2

*sex*  
*Cimbrorum  
Teutonum.  
que societas  
cum Helue-  
tis. Clades  
Romanis il-  
latae. Marius  
adversus eos  
destinatus  
Teutones  
deuicit.*

(*y*) TACIT. *de Mor. Germ.*

(*z*) VELLEIVS lib. II c. 12. STRABO lib. V, PLVTARCHVS *in Mario LIVII Epitome LXIII.*

(*a*) VELLEIVS lib. II. c. 8.

(*b*) CAESAR lib. II. c. 4.



sex millium hominum in Atuaticorum regione (c) apud propinquos Germanos, eiusdem soli nuperos occupatores, relictis, altius adscendisse. Alio itaque versi, transitis Rhetiae montibus, *Helaetios*, *Ambrones* (d) praesertim (ad Ambram Baioariae, vbi postea haereditariae Guelforum sedes, colentes,) *Tigurinos* (e) item & *Tugenos* in societatem & foedera adsumfere (f). Ab hac, ut antea dixi, cum Gallis seu Celatis hisce societate ego Populo huic Septentrionali iam *Cimbrorum* nomen inditum, & per Gallos post haec in Romanorum notitiam perlatum fuisse opinor. Quae enim ab aliis huic nomini dantur originationes, a Gomeritis, Cimmeriis, Sigambris aut Britanniae Cumbris arcessitae, ne coniecturis quidem verosimilibus sunt superstructae. Sociis autem Cimbris Heluetiae populi modo nominati ad Teutones trans Rhenum descendebant, iisque coniuncti omnem longe lateque Galliam vastarunt quatuor integris, ut videtur, annis. Anno enim Vrbis DCXLIV. demum M. Silano Consule Cimbrai ad Senatum legatos misere, petentes, ut Martius populus aliquid sibi terrae daret quasi stipendum (g).

Re-

(c) CAESAR lib. II. c. 29. DIO CASSIUS lib. XXXIX. APPIANVS de Bell. Gall. lib. vlt.

(d) OROS. lib. V. c. 16.

(e) CAESAR lib. I. c. 12. Epitome LIVII LXV.

(f) STRABO lib. VII.

(g) FLORVS lib. III. c. 3.

Repulsi, quod precibus obtinere nequierant, armis petere constituerunt. Silanus vim depellere conatus, primam ab iis in Gallia cladem accepit (*h*). Neque meliora postea fata experti sunt L. Cassius, M. Aurelius Scaurus, Seruilius Caepio & M. Manlius. Fusis enim his vel captis, quinque simul exercitus consulares populo Romano Cimbri abstulerunt (*i*). Cassium Tigurini soli in finibus Allobrogum vicere (*k*). Scaurus captiuus, cum *Bolo Regi* (Boiorigem caeteri vocant) ut Alpes transiret, dissuaderet, ab eo occisus est (*l*). In praelio, quod Manlio & Caepioni cum Cimbris intercessit, Romanorum socrorumque octoginta millia trucidata (*m*). Dies huius clidis inter nefastos relatus, aequa ut Alliensis (*n*). Actum erat, nisi C. Marius his temporibns contigisset. Rediens is ex Africa, postquam de Jugurtha triumphauerat, ad Cimbricum bellum animum applicuit. Primo ille itaque militem eductum a congressione prohibere, fossam,

Z 3

quae

(*b*) LIV. *Epitome LXV.* VELLEIUS lib. II. c. 12. ASCONIUS PEDIANVS sub finem commentar. in Ciceronis pro C. Cornelio sub fin. TACITVS Germ. 37.

(*i*) TACITVS & caeteri II. cc.

(*k*) LIVII *Epitome LXV.* CAESAR. lib. I. c. 12. OROS. lib. V c. 15.

(*l*) *Epitome LIVII LXV.*

(*m*) OROS. lib. V. c. 16.

(*n*) PLUTARCHVS in *Lucullo* p 510.



quae ab auctore Mariana post dicta est, a Rhodano in mare, in Massiliensium commoda, ducere, ad labores suos adsuefacere atque ad felicius certamen praeparare. Cimbri tandem morae pertaeserunt, circumneundo Alpes, alio loco in Italiam per Noricos Montes irrumperem interim quaerebant, quibus alter Consul Q. Catulus cum exercitu oppositus (o). Teutones vero & Ambrones, iuxta Marium relikti, tandem praeter Romanam castra transibant Alpes versus. Aliquot diebus hoc transitu consumtis, Marius etiam tempus opportunum adesse ratus, castra mouit ab Isarae & Rhodani confluente, hostesque ad Aquas Sextias asseditus, primum cum Ambronibus, qui separata castra habebant, congressus, viatoriam obtinuit (p). Postero die cum Teutonibus conflixit, tantamque iis stragem intulit, ut gentem hanc penitus tunc excisam VELLEIVS scribat (q). Numerus caesorum non unus a veteribus refertur. LIVIVS (r) ducenta millia, VELLEIVS paulo modestior amplius centum quinquaginta millia cecidisse retulit. Duces Cimbrorum plures, atque ipse Rex Teutobochus (s) cum nonaginta gregariis militibus

(o) PLVTARCHVS in Mario p. 414.

(p) PLVTARCHVS l. c. p. 416. FRONTINVS Strategem.  
lib. II. c. 9.

(q) l. c.

(r) Epitom. LXVIII.

(s) FLORV l. c.

tibus captus est (*t*). **EVTROPIVS & OROSIVS** *Teutobodum* rectius vocant; ita enim ipso nomine *Teutonum Imperator* exprimitur. **Caesorum** ossibus Massilienses postea vineas circumsepisse **PLVTARCHVS** prodidit (*u*). Acta sunt haec Anno Vrbis **DCLIII.** ante natum Christum **CI.**

### §. LXXXIV.

Cimbri inter haec cum Tigurinis & Tugenis per **Cimbrorum** Alpes Tridentinas in Italiam delapsi sunt (*w*). **Q.** clades ad Vercellas. Catulus, qui fauces Alpium ibi obsederat, statim re-  
Honores pulsus (*x*). Nec Athesis aut Padus obiecti, & vallis Mario delati. aggeribusque muniti, irruentem barbarorum aciem cohibere poterant (*y*). Romam etiam non magno negotio attigissent, nisi Marius superuenisset, atque ostentatis sociorum Rege Ducibusque captiuis, animos hostis infregisset. Iunctis ergo Catuli & Marii exercitibus ad decretorium praelium **III.** Kalendas Sextiles deuentum est in campo *Raudio* (*z*) prope *Vercellas* (*a*), vbi victi tandem Cimbri, centum & quadraginta **millia**

(*t*) *Epitom.* **LIV.** *LXVIII.*

(*u*) *I. c.*

(*w*) **FLORVS** *I. c.*

(*x*) *Epitom.* **LIVII** *I. c.*

(*y*) **PLVTARCHVS** *I. c.* p. *438.*

(*z*) **FLORVS** *I. c.*

(*a*) **PLVTARCHVS** *I. c.*



millia caesorum cum Rege Boiorige (*b*), & sexaginta millia captiuorum reliquerunt (*c*). Foeminae ipsorum cum libertatem ac sacerdotium a victore obtainere nequirent, tandem in rabiem versae, suffocatis elisisque infantibus suis, mutuis vulneribus potius concidere, aut ab arboribus iugisque plaustrorum suspenderet, quam dedere se maluerunt. Tigurini, qui Nericos Alpium tumulos infederant, in diuersa dilapsi euauerunt. Marius hac tam ingenti victoria sextum Consulatum meruit, & in memoriam illius Honori & Virtuti Aedem ex manubiis Romae dedicauit, ut vetus Inscriptio apud PIGHIVM & GRVTERVM docet. Ibidem non procul a Castello Aquae Martiae Tropaea Marii erecta fuisse e remotissima traditione discitur. Nam locus ille a multis iam saeculis Cimbrum, & Ecclesia S. Eusebii proxime sita ad Cimbrum vocatur (*d*). MABILLONIVS (*e*) meminit se Veronae in Museo Comitis Moscardi hanc de victis Cimbris Inscriptionem vidisse:

D. F.  
G. M. TRVCIDATIS  
CIMBRIS. IN F. ITAL. A. V  
R. R. OB. INSIGNEM. EIVS  
MEMORIAM  
S. P. Q. R.

10.

(*b*) FLORVS *l. c.*

(*c*) EVTROPIVS, LIVII Epitome *l. c.*

(*d*) Vid. MONTFAVCONII *Diar. Ital. c. 2.*

(*e*) in *Itin. Ital. p. 24.*

10. DANIEL MAIOR in eleganti, quem de Cimbriae coloniis lingua vernacula conscripsit, libello (*f*) e IACOBO ZABARELLA (*g*) nummum producit, septimo Consulatu Marii cusum, in cuius auersa parte tropaeum cum inscriptione: VICTIS CIMBRIS. Vultus fere conuenit cum alio Marii nummo, quem laudatus MAIOR possedit, & genuinum existimauit. Vtrorumque delineationem damus.

*Ex Nummophyl. D. Majoris.*



*Ex Zabarellæ delin.*



Tropaeum tamen titulosque Sulla postea deiecit, Ca-jus Caesar restituit (*b*), virtutem tanti Ducis etiam post fata veneratus. CICERO eum ob debellatos formidandos hos hostes *custodem urbis* (*i*) nec non *cu-stodem*

(*f*) Cap. LXVI;

(*g*) Aul. Heroum p. 88.

(*b*) SVET. in Vita eius c. 11.

(*i*) Orat. III. in Catilinam c. 10.



*stodem libertatis atque imperii Romani (k) vocauit; ac alibi exclamat (l) sit in aeterna gloria Marius, qui bis Italiam obsidione & metu seruitutis liberauit.*

### §. LXXXV.

Quaedam Re-  
liquiae Cim-  
brorum in A-  
lemannia.

Tantam post cladem, qui cum Tigurinis mortem aut seruitutem fuga euitauerant, partim in Hercyniam delati circa Nicrum orientem, inter Heluetios, seu si mauis, ibi tunc iam *Alemannos*, confesuisse videntur. A Cimbris enim nomen habere loca illo in tractu in *Cimmern* desinentia, **CYPRAEO** (m) & **MAIORI** (n) facile credo. Reperiuntur enim ab utroque Nicri litore *Cimmern*, *Cimmern in Loechlin*, *Wald-Cimmern*, *Herren-Cimmern*, *Roten-Cimmern*, *Heiligen-Cimmern*, *Marschals-Cimmern*, *Hagen-Cimmern*, & similia. Baronum de *Cimmern* frequens etiam in **RIXNERI** libro *Torneamentorum*, licet pleraque ex iis conficta sint, mentio occurrit.

### §. LXXXVI.

Aliqui ex  
Cimbris Teu-  
tonisque do-  
num redie-  
runt.

Aliquos etiam domum rediisse certum est. **STRATONISQUE** (o) meminit, Cimbros suo adhuc tempore illam regionem inhabitasse, quam tenuerant olim, atque Augusto lebetem, qui apud ipsos sanctissimus erat,

(k) *Orat. ad Quirites post reddit. c. 7.*

(l) *Orat. IV. in Catilin. c. 10.*

(m) *De Orig. sedibus &c. Sax. Cimbr. &c. cap. 3.*

(n) *I. c. cap. 72.*

(o) *lib. VII. p. 202.*

rat, dono misisse, amicitiam expertentes & veniam illatarum iniuriarum. **TACITVS** quoque sua aetate sinum maris Balthici proxime Oceano Cimbros tenuisse, & paruam quidem ciuitatem, sed gloriam ingenitatem fuisse affirmat (*p.*). *Cimbrorum* vero *ciuitas* cum eadem fuerit cum *Vraecorum* siue *Francorum* *regione*, ut paulo ante ostensum; hocque Chersonnesi latus obiectum sit illi, quod tot Oceani illuviones hactenus expertum est: inde iterum coniici potest inundationes omnino Cimbros ad emigrationem compulisse, & eos, qui ab Oceano in altero latere tuti erant, domi remansisse, suosque, ex Italia redeuntes, ad se receperisse. Nec Teutonum gens integra excisa, ut **VELLEIVS** putauit; sed praeter eos, qui redire potuerunt, insulae fere omnes Balthici maris a Teutonibus repleteae supererant.

### §. LXXXVII.

Haec autem miranda Dei bónitas est, vt etiam Hi cultum patriae suae intulerunt, praeferimus artem metallaque tractandi. mala, nostra culpa procurata, boni quandoque futuri nobis causas esse iubeat. Rudis adhuc *Cimbrorum* audacia fatalis pene ipsis fuerat. Sed notitia tamen populorum cultiorum, Gallorum nempe & Romanorum, melioris etiam vitae, bonarumque artium velti scintillas quasdam in iisdem excitauit, quae ab illic, qui domum redierunt, popularibus vicinisque

Aa 2. genti-

(*p.*) *Germ.* c. 37.



gentibus communicatae, magno vsui postea vniuerso Septentrioni fuerunt. Ab illo enim tempore metalla tractandi, & arma aenea ac ferrea in locum lapideo- rum substituendi rationem vel ab hoste didicisse vi- dentur. Cum tamen ferrum operosius fundatur & fabricetur; aerea ego instrumenta & arma terreis, ut apud caeteras gentes, ita etiam apud nos, antiquiora esse existimo.

### §. LXXXVIII.

Cimbri vi-  
dentur lite-  
rarium usum  
patriae intu-  
lisse. Germa-  
ni prius Ru-  
nas habuere,  
quam Septen-  
trionales. Re-  
futatio Sue-  
corum, qui  
ex recentibus  
Runicis In-  
scriptionibus  
antiquissimas  
faciunt.

Literarum quoque usum tunc nostris innotuisse verosimile est. Mox enim videbimus, Odinum, Saxonicae nobilitatis Principem, earum, aliarumque articulorum notitiam ad Septentrionales quoque pertulisse. Si SALMASII sententia recipitur, qua *Runas* (id Septentrionalibus literarum nomen est) quasi *Romanas* dictas putauit (*q*), quia etiam Arabes Romanos *Ru- mos* vocent; certum iam est id, quod asserimus. Neque enim ante Odinum, praeter Cimbrorum expeditionem, alia occasio fuit, qua literae a Romanis ad nos deportari potuerint. Quanquam ego, literarum illarum originem a Romanis omnino probans, derivationem tamen hanc dubitanter admodum suscipio; quia *Runae* etiam ab incisione in lignum dici potuere. *Rinnen* enim & *riehen* nobis sunt *crenæ* aut *incisiones* siue *fossulae*; & *rune*, equus excisus siue castratus.

Cum

(*q*) Vid. *Commentar. de Lingua Hellenist.* p. 384. (1)

Cum enim papyro & membranis adhuc careremus, aliarum quoque gentium exemplo, literas in tabellas ligneas incidimus, quem morem in Norwegia adhuc alicubi obseruari WORMIVS testatur, literaturae Runicae in Dania quondam Varro. Produxit nobis e Moscardi Comitis Museo PERINGSCHIOLDVS in annotationibus suis ad COCHLAEI Vitam Theoderici Regis Ostrogothorum (r) instrumentum ferreum, incerti usus. Ipse vlnam vocat, & quoniam in campis Veronenibus repertum dixere, a Gothis, quos suos putat, ibi amissum coniicit. Sed Gothi illi iam cultiorem scribendi modum & literas, cum Graecis illius temporis exacte conuenientes, habebant, ut vel Codex argenteus, quem VLFILAE Euangeliorum, versionem Gothicam continere non vane creditur nobis patefecit. Explicatio etiam, quam dedit, vacillat, dum a dextra ad sinistram legit, more gentibus versus Occidentem degentibus non frequentato. Interim haec verba inde hoc modo exsculpsit: *Masi iumiku de si er öida. Maru fa köik felir afer.* quae sic exposuit: *Homo est certe simus post fata. Equi accipiunt frenum, cadente domino.* Ego nihil in re tam obscura definio. Etsi, si verum est, quod in campis Veronenibus inuentum fit, Gothis longe vetustius monumentum videri possit. Nec iniuria forte Cim-

Aa 3

bris



bris vindicaretur. Quanquam literae Celtibericae potius mihi esse videantur. Ego, vt alii etiam sententiam ferre possint, figuram illius addo, duplo tamen minore forma ob spatiis defectum.



Deformatio vero illa Romanorum characterum apud nos tristis inde praecipue prouenit, quod circuli formes literae ob difficultatem incidendi euitandae & aliis rectilineis commutandae essent. Neque unus, sed varii modi hic, pro libitu cuiusque loci, sunt obseruati. Apud WORMIVM, atque in docto HICKESII Linguarum Septentrionalium Thesauro varii generis Runae delineatae ac aeri incisae sunt. Nos olim etiam huiusmodi incisae sunt. Nos olim etiam huiusmodi literis vidi sumus. Nec forte notae illae, quas TACITVS (s) sortibus incisas commemorat, a Runis diversae

uerfae fuerunt. Verba quaedam impressa putes, va-  
rios rei euentus exhibentia. **VENANTIUS FOR-**  
**TVNATVS** earundem Saeculo post C. N. sexto adhuc  
in Germania meminit (*t*). Vbi enim canit:

*Barbara fraxineis pingatur runa tabellis;*  
barbarum pro Theotisco siue Germanico accipit, quod  
auctoribus eorum temporum non infrequens esse, vel  
e **CANGII** *Glossario* (*u*) intelligi potest. Ipse **VE-**  
**NANTIUS** alibi quoque (*w*) barbarum pro Germa-  
no ponit, quando scribit:

*Chilperice potens, si interpres barbarus adsit,*  
*Adiutor fortis, hoc quoque nomen habet.*

*Hälper* enim nobis & *adiutor* & *rie*, fortis, diues.  
Postea studiorum luce nobis clarius accensa, membranis vni sumus, & literas Romanas correctius pingere didicimus. Septentrionalibus serius ea felicitas contigit. Diutius enim in tenebris gentilitiae ruditis delituerunt. **REMBERTVS** Saeculi noni scriptor (*x*) refert, Ludouicum Imperatorem, S. Anschario in Sueciam destinato, literas ad Biornonem Regem dedisse, huncque rursus respondisse Ludouico, literis

Re-

(*t*) *Carm. lib. VII. Carm. 18.*

(*u*) *sub voce Barbarus.*

(*w*) *lib. IX. Carm. 1.*

(*x*) *in Vita S. Anscharii cap. XI.*



Tab. XIV.

Regia manu, more ipsorum, deformatis. Vnde apparet, Latinas fuisse, quarum tunc usus per omnem Europam obtinebat, sed *deformatas*. Ex his autem ipsis Biornonis literis desumptum reor Alphabetum, quod **LAZIVS** mancum licet, in membrana antiquissima inuenit & edidit (y). Integrius idem **RABANVS MAVRVS** in *libello de Inuentione linguarum* (z) nobis asseruavit. Vtriusque exemplar, quoniam vi-  
tio descriptorum paulisper differre videntur, in aere hic addo; adiicio & tria Alphabetha, quae **HIC-  
KESIVS** ad calcem **RABANI MAVRI** de computo  
in antiquo Codice Exoniensis Ecclesiae inuenit; nec non aliquot alia, quibus quidem peregrinitituli superscripti in Codice MSto Saeculi XI. Ratisbonensi, vnde **R. P.  
PEZIVS** Benedictini ordinis decus, ea mecum com-  
municauit; sed inter quae tamen illa, quibus Syriaci & Arabici nomen impositum, aperte satis ex ductibus & adiectis nominibus Runica esse percipimus. Usus vero Runarum vulgarem Olaus denique Rex anno post C. N. 1001. ad petitionem Siluestri II. Papae penitus abrogauit, Latinasque literas tunc visitatas iis substituit (a). Antiquissimae itaque apud Septentrio-  
nales omnino Runae fuerunt: sed lapides temporaan-  
te

(y) *Migrat. Gent. lib. IX. pag. 514.*(z) *GOLDASTI Rerum Aleman. Tom. II. p. 93.*(a) Vid. *ERICI SCHROEDERI praefat. Lexici Latino Scan-  
dianus.*

te natum Christum aequantes & de expeditionibus nescio quibus in Graeciam, Thraciam, dissitasque regiones, iisque vetustissimis, testantes superesse, hoc concedere nequeo antiquariis Suecis, viris alioquin doctissimis. Quos enim hactenus cognoui lapides ab iis hunc in finem productos, asserta haec non euincunt. PERING SCHIOLDVS notabiliores selegit (b). Sed in plerisque crucis fidei Christianae indices spectantur (c), eadem forma, qua in vetustioribus coemeteriorum quoque nostrorum monumentis cernuntur. Alicubi etiam adest formula Christianorum *Gud bialpe hans sial h. e. Deus adiuuet animam eius* (d). Expeditiones, quae nominantur, loca saltem Sueciæ confinia, aut non adeo longe ab iis remota, concernunt. Ita Semigallia Liuoniae pars & Domisnaes promontorium Curlandiae in vna (e) nominantur. Oriens & Graecia in aliis (f) sunt loca litoris Baltici & Russia, quae, quia dogmata Graecorum amplectebatur, Graecia, ut Kiouia ADAMO BREMENS<sup>I</sup> Metropolis Graeciae dicta est. Neque credi potest

PE-

(b) in Annot. ad Vitam Theoderici a pag. 456. ad pag. 499.

(c) p. 456. 457. 459. 460. 467. 469. 472. 478. 480. 483. 485. 488.  
489. 491. 494. 497.

(d) p. 458. 466. 490. 494.

(e) p. 457.

(f) p. 458. 459. 460. 462. 463. 464. 468. 469. 470. 471. 473.



PERINGSCIOLDO, vbi *Tisalfur* (*g*) Theffaliae lustratorem, *Asfara*, [Asiae] lustratorem (*b*), *Faurimaisi* Moesiae lustratorem (*i*) & *Bessir Bessos* (*k*) interpretatur. Cruces enim produnt, Christianismo vigente hos lapides notatos esse, vbi prouinciae hae Suecis ignotiores erant. Audacissime porro *Eonem* quendam, in Lapide obuium, in *Ionem*, antiquissimum Graecorum Regem, commutat (*l*), cum tam en hominem illum Christianum fuisse iterum ex cruce insculpta appareat. Alibi (*m*) ex verbis: *Spiut far visi toyla*, quomodo prodeat: *Spiut*, qui *Dux Totilae late fuerat*; ego non video; nec quomodo in *Thialphone* (*n*) *Thelephum* Achilli contemporaneum inuenire potuerit, cruce etiam hic conspicua. Vbi de Vlafo ac Guthluca (*o*) in Longobardia mortuis lapis testatur, hos ex iis esse statuit, qui ex Sueonia in peregrinas oras primum irruperint. Sed cruces iterum adsunt: & Longobardos nunquam in Sueonia

degiſſe,

(*g*) p. 465.

(*b*) p. 466.

(*i*) p. 466.

(*k*) p. 467.

(*l*) p. 473.

(*m*) p. 475. *sq.*

(*n*) p. 484.

(*o*) pag. 479.

degisse, satis ex iis, quae protulimus, & proferemus, patebit. Expeditiones versus Occidentem, quae in quibusdam Epitaphiis (*p*) nominantur, propinqua fine dubio concernunt: Sed ille de Hispania & Vise-gothis intellexit: & *Thingislandiam* (*q*), iocum sine dubio Sueciae vicinum, de Africae prouincia Tingitana exposuit, cum tamen additum denuo illud: *Deus adiuuet animam*, prodat Christianum fuisse hominem, cui positus fuit lapis. Alii lapides, qui (*r*) cuiusdam Sidonam vrbem atque Hierosolymas cum nauibus profecti, & foeminae (*s*) Hierosolymas iturae mentionem faciunt, ad tempora Expeditionum Cruciatrum in terram Sanctam pertinent, quo & peregrinationes sacrae frequentari coepere. Sed haec de his pro nostro instituto satis. Apparet hinc, viros ingenio praeditos, vbi semel sententiis quibusdam occupati sunt, facile quaenam iis applicare, & quidlibet in quolibet se inuenisse, persuaderi posse.

### §. LXXXIX.

Cimbrorum Teutonumque e peninsula & regionibus ipsorum adiacentibus emigrationem secuta etiam

Bb 2

esse

Quinam po-  
puli Cimbro-  
rum terras  
occupaue-  
rint, aut post

(*p*) p. 487. 488. 490.

(*q*) p. 490.

(*r*) p. 495.

(*s*) p. 496.



eos inde e-  
 gressi fint. De  
 Scoringia & di.  
 Scyris. De As-  
 si, Vandalis  
 & Ambris. De  
 Vtinulis &  
 Langobardis,  
 &orumque  
 fede. esse debuit profectio *Winilorum*, qui postea *Langobar-*  
*di.* CLVVERIVS *Winulos* cum *Vindulis* sive *Van-*  
*dalis*, HELMOLDVS cum *Winitis* confundit. Sed  
 distinguendos esse PAVLI DIACONI narratio docet.  
 Refert ille (*t*), *Winilos*, a Germanis originem du-  
 centes, ab insula Scandinaua (Cimbricam autem  
 Chersonesum intelligit) ob multitudinem prolis, vel  
 aliis de causis, egressos, & primo in regionem *Sco-*  
*ringiam* venientes, ibi aliquantis per consedisse: Illo  
 tempore *Ambrum*, *Affumque*, *Vandalorum Duces*, vi-  
 cinas quasque prouincias infestasse, a *Winilis* etiam  
 tributa poposcisse, ac negantibus bellum indixisse: hos  
 a *Wodano* atque vxore eius *Frea* victoriam postulan-  
 tes, lepido astu, votis maestatos, & postea ab hosti-  
 bus quietos in *Scoringia* consedisse, donec famis pe-  
 nuria coacti, ex ea prouincia in *Maurungiam*, & por-  
 ro in regiones versus Orientem concesserint, finesque  
 imperii Romani, Bulgaris deuictis, attigerint, Ita-  
 liae mox Domini futuri. Hanc tamen PAVLI recen-  
 sionem diuersas Longobardorum migrationes com-  
 miscere, euidens est. *Scoringia*, vt inde incipiam,  
 in litore Chersonesi Cimbricae dextro a Sinu Lymico  
 ad Chalusum sive Trauam protensa iacuit. Ab hoc  
 enim fluvio Maurungiam incipere, infra ostendam.

Por-

(t) lib. 1. c. 2. 3.7. 8. 9. 10. 11.

Portus Lymici sinus in Otheri Periplo, ab Alfredo Rege Anglorum nobis seruata, adhuc Saeculo nono *Sciringesheale*, & incolae litoris illius iam Romanorum tempore *Scyri* audiuerunt. Supra igitur sinum Lymicum, extremo Iutiae Winili tenuerunt, veterum Teutonum pars. Regiuncula nostro aeuo *Wensuffelia* forte a Winilis nominatur. Quando vero PAVLVS addit, tempore emigrationis Winilorum Ambrum Assimque vicinas prouincias infestasse; hoc interpretandum videtur: Cimbris clade affectis potentia emieuisse maritimas Sueorum gentes, *Vandalorum*, hoc est, *aquaticorum* nomine donatas a vicinis: *Vand* enim Danis adhuc *aquam* denotat: Inter hos principatum tunc tenuisse *Affos*, quorum ex nomine principem fecit PAVLVS. Fuerint quoque trans Visurgim populi bellica laude insignes, *Ambrae* fluii accolae. Hos ab Occidente atque Oriente Cimbrorum Teutonumque terras, raris post acceptam cladem colonis habitatas, nouis incolis immissis, implesse, veterisque gentis reliquias sibi subegisse vero non absimile est. Vnde pars eius, cui *Winulorum* nomen, armis susceptis, iniuriam vindicauit atque eluctata tandem, tranquillorem in nostro Albis liatore sedem inuenit, a quo ipsi *Langobardorum* appell-

latio. Lange enim longum & Bard siue boerde litus apud nos vocari, notissimum est. Et veterum loca euincunt; ab eo loco, vbi Elmenauia in Albim exit, ad Bodam vsque, & forte etiam vterius, Langobardos litus Albis incoluisse, Occidentem versus Elmenauia, Obacro & Harticis montibus terminatos. Ibi Longobardos, vt TACITI (*u*) verbis vtar, paucitas nobilitauit, & plurimis ac valentissimis nationibus cincti, non per obsequium, sed praeliis & periclitando tuti fuerunt, vsque dum diuina prouidentia euocati, Italiae possessionem armis meruere; de quo suo tempore plura.

§. XC.

De Romano.  
rum acquisitionibus. O-  
dinum ex Asia  
Romanorum  
metu in Se-  
ptentrimonem  
profugisse  
fabula est.  
Chronologia  
Odini &  
Wodani.

Dum hae nostris in terris mutationes acciderent, in Italia Marium felici rerum successu elatum inuidia depresso, & ciuitas Cimbrico metu liberata intestinis odiis patuit. Cinnae tamen Sulla que dominatio non longa fuit. Seruile bellum, quod Capuae eruperat, omnem pene Italiam corripuit quidem, sed breui extinctum est, industria Areii & Crassi, ipsiusque magni Pompeii. Seruorum antesignani erant Spartacus, Crassus & Oenomaus, ille Thrax, hi Galli, OROSIO (*w*)

anno-

(u) De Moribus Germ. c. 40.

(w) lib. V. c. 24.

annotante. Crixum aduerso praelio Gellius Consul oppressit. Vbi PLVTARCHVM (x) Germanos a Gellio caesos dicere, & Caesarem seruilem tumultum Germanis tribuere (y) nota. OROSIVS & Gallos & Germanos inter Spartaci auxilia retulit. Putes, hos ex captiuis bello Cimbrico factis superfuisse, Catilinae deinde coniuratio Senatui fatalis accidisset, nisi detectam Cicero Consul subito extinxisset. Neque tamen haec qualescumque turbae impedierunt, quo minus ad imperium orbis notioris Roma tandem perueniret. Italia dudum domita, Hispania & Africa finitis feliciter Punicis bellis acquisita, Asiaque ex Attali testamento in prouinciam redacta erat. Unus Mithridates Ponti Rex per quadraginta annos exercitibus Romanis restitit; tandem tamen morte sibi ipsi illata & se victum esse confessus est. Hoc vero bello victoria arma ad terminum gentium Tanaim lacumque Moeotim (z) Romani protulerunt. Qui Odinum ex Asia in Septentrionem venisse fabulantur, hoc tempore eum a Romanis inde pulsum fingunt. Sunt ex iis SHE-RINGHAMVS & recentior illo THORMODVS TORFAEVUS (a). Edda, sacer ille apud suos liber, sed infinitis

(x) in Crasso.

(y) lib. I. Bell. Gall.

(z) FLORVS lib. II. c. 4.

(a) in serie Reg. Dan. lib. II. c. 2.



finitis figmentis scatens, Odini expeditionem Pompeii aevo contigisse narrat, atque ita natuitati Christi proprius eam admouet, sed nullo fundamento innixa. Asiaticum enim Odinum non fuisse supra euicimus: tantaeque eius antiquitati repugnat Genealogia Regum Anglo-Saxonum fide digna, quam a NENNIO BE-  
D AQUE conseruatam habemus. Secundum eam, si generationem quamuis, Rudbeckiano more, qui & naturae conueniens est, triginta annis computes, fluerit fere Odinus siue Wodanus Principum Hengisti ac Horsibabauus Saeculi post Christum natum tertii initio. Prior vero Odinus, quem Septentrionem sibi prius subiecisse infra ostendemus, post TACITI demum aeuum imperasse debuit; quoniam nulla eius hunc apud Historicum mentio facta. Incidunt autem tempora illius secundum eundem generationum Calculum in initium Saeculi secundi, quo si peruererimus ampliorem harum rerum recensionem instituemus.

### §. CXI.

De Ariusisto,  
populis ci  
subditis &  
bello Caesa-  
ris aduersus  
eum.

Factionibus interim potentiorum familiarum Roma ipsa laborabat. Pompeius, Crassus & Caesar praecipuas sibi in Republica partes vindicabant. Caesar cum Consulem anno ante Christum natum quinquagesimo nono ageret, administrationem Illyrici & Galliae Cisalpinae in annos tres, Transalpinae vero in

in annos quinque obtinuit. Galliae quietem tunc Helvetii turbarant, qui sociis Rauracis, Tulingis, Latobrigis & Boiis patria exierant, nouas & commodiores sibi sedes bello quaesituri: eos tamen Caesar, ne provinciae graues essent, ad Geneuam consecutus, praelio cecidit ac domum redire coëgit (c). Principatus Galliae tunc apud Aeduos atque Aruernos erat, vnde continuae de eodem inter utramque factionem contentiones. Aruerni Sequanique, vt Aeduos superarent, Germanos aduocauerant. Venerat Ariouistus, Rhenumque primo cum quindecim millibus suorum transferrat. Placebat solum Gallicum natura & cultura, ante Germanicum, fertile. Hinc ille in eo moras necere, atque e patria subinde auxilia conquirere, vt tandem sui ad CXX. millium numerum in Gallia essent. Aedui cum his semel atque iterum armis contendérant; sed tandem magnam calamitatem pulsi acceperant, & omnem nobilitatem, senatum ac equitatum amiserant. Fracti hoc infortunio Aedui, robore alias suo & Romanorum amicitia potentes, coacti erant Sequanis carissimos ex suis obsides dare, & iureiurando ciuitatem obstringere, se neque obsides repetituros, neque auxilium a populo Romano imploraturos, neque recusaturos, quo minus perpetuo sub illorum ditione atque imperio essent. Peius tamen viatoribus Sequanis, quam

(b) CAESAR Comment. lib. I.

Cc  
ATVIV. 32. 02 (4)



quam ipsis victis Aeduis accidit. Ariouistus in finibus eorum confedit, tertiamque agri illorum, qui optimus Galliae totius erat, partem occupauit. Tandem & de altera parte tertia Sequanos decadere iussit, propterea, quod Harudum millia hominum viginti quatuor ad eum venissent, quibus locus & sedes parandae. Haec Diuitiacus Aedius Caesari, auxilium eius implorans, exposuit. Caesar, quamuis ante haec Ariouisto fauisset, & se Consule eum a senatu Regem & amicum populi Romani appellari curasset, ut nempe Gallorum vires per ipsum frangerentur, & Romanorum dominatui eo facilius omnis Gallia subiiceretur; noluit tamen Germanorum potentiam ibi nimium increscere, ne Cimbrorum Teutonumque exemplo per Prouinciam aliquando Italiae aditum quaererent. Monuit itaque Ariouistum, ne vterius progrederetur, Aeduos in pristinam libertatem restitueret, & Germanorum in Galliam transitum vteriorem inhiberet. Ariouistus horum nihil sibi persuaderi passus est. Unde ad praelium deuentum, in quo Germani terga verterunt, neque prius fugere destiterunt, quam ad Rhenum millia passuum ex praelii loco circiter quinquaginta (c) peruenissent. Ibi plurimi imperfecti (d); reli-

(c) VID. HOTTO MANNI ad bunc Caesaris locum & CELLA-  
RII Diatriben de C. Jul. Caesaris bello aduersus Ariouistum cap.  
17. 18.

(d) DIO lib. 38. PLUTARCHVS in Caesar.

reliqui flumen superarunt cum Ariouisto, quem non  
diu post, moerore forte confectum, magno suorum do-  
lore obiisse CAESAR ipse testatur (e). Magni animi Prin-  
cipem fuisse, & sermones ipsius a Caesare relati, &  
facta ostendunt. Praeter linguam patriam Gallicae  
quoque scientiam habuit; in ipsa Gallia per integras  
quatuordecim annos commoratus. Vxores ipsi duae  
fuerunt, vna Sueua natione, altera Norica, Vocationis  
Regis soror; vtraque haec in fuga periit. Harum fi-  
liae duae erant, ex quibus vna occisa, altera capta est.  
Ex populis quos in exercitu habuit Ariouistus, Caesar  
*Harudes, Marcomanos, Triboces, Vangiones, Neme-  
tes, Sedusios & Sueuos recenset.* Sueuos supra Si-  
cambros habitasse, idem Imperator nobis prodidit.  
*Sedusii, vbi coluerint, incertum.* Ex caeteris tamen,  
qui cum iis nominantur populis, ego eos ad Selzae  
fluentum colloco, vbi postea oppidum Salecio, hodie  
Selz dictum, inclaruit. Ex Seltz enim, la Romano  
ore eiesto, facile patronymicum *Setusius vel Se-  
dusius* prodire potuit. *Nemetes* circa Spiram fuere:  
vnde in Notitiis Prouinciarum & Ciuitatum Galliae  
ciuitas *Nemetum Spira aut ciuitas Nemetum, id est, Spi-  
ra.* A Nemetibus usque ad amnem Nauam *Vangio-  
nes, CLVVERIO censente, habitarunt.* Vnde Notitiae  
habent: *Ciuitas Vangionum, id est, Wermatia.* Hanc

Cc 2

au-



autem veterum *Borbetomagum* esse, certum est. *Tribocorum* nomen in vico Alsatico, *zun dreien buchen* vocato, supereesse **CLVVERIVS** (f) suspicatur; cui sententiae nec **VLRICVS OBRECHTVS** repugnat (g). Hoc constat, Argentoratum in Triboccis situm fuisse (h). *Marcomanos* hic memoratos **CLVVERIVS** (i) eosdem putat cum iis, quos Marobodus postea in Boiohemum duxit. Sed errat. Illi enim a Marca fluvio, qui hodie Moraua dictus, natales suos & nomen habuerunt: Caesaris autem Marcomani ad Rhenum sederunt. *Marciana* *siluae*, ab **AMMIANO MARCELLINO** (k) & Auctore Tabulae Peutingerianae nobis indicatae, quae iam *Schwarzwald* dicitur, incolas hos fuisse, nullus dubito, *Harudes* tandem collocari possunt eo loci, vbi infra urbem Basileam sylua *Hart* adhuc hodie reperitur. Quanquam, si Sennones ad Rhenum usque extensi fuerunt, secundum Caesaris indicium, Harudes etiam de populo Cisrhenano, quod magis placet, interpretari possunt. Nam & cis Rhenum supra Philipsburgum castrum sylua est *die Hart* nominata, quam nos olim pertransisse recordamur.

### §. XCI.

(f) *Germ. antiqu.* lib. II. c. 11.

(g) *Prodr. Alsat.* p. 2.

(h) **OBRECT** l. c.

(i) lib. III. c. 3.

(k) lib. XXI. Edit. Vales. cap. 8.

## §. XCII.

Cum in procinetu expeditionis aduersus Ariouistum Caesar esset, *Treui* ipsi nuntiarant (*l*) pagos centum Sueorum ad Rheni ripam consedisse; qui Rhenum transire conarentur: iisque praeesse *Nasuam* & *Cimberium* fratres. Sed ubi illi Ariouistum deuictum perceperent, domum redierunt, traiectu Rheni intentato. A *Nasua* dictam esse *Nassouiam*, situs loci huius aliquo modo verosimile reddit. Postero anno *Belgae* contra Romanos in Gallia inueterascentes coniurarunt, & Caesarem, ut aduersus ipsos cum exercitu proficeretur, eosque deuinceret, commouerunt. Galliae hic populus erat, plurimam partem ex Germanis ortus (*m*), Rhenumque antiquitus transductus. Eadem expeditione Rheni acquisiti. Sueßiones, Bellouaci & Ambiani se dedidere. Idem post cladem acceptam facere coacti sunt Neruui. Aduatici, ex Cimbris Teutonibusque procreati, hoc exemplum secuti; sed in ipsa ditione rebellantes, insignem calamitatem accepere. P. Crassus eo ipso tempore ad Aremoricas ciuitates, quarum praecepui *Veneti*, cum Legione una missus, omnes eas in potestatem populi Romani redigit. Sequenti anno Veneti, iugum Romanae dominationis excutere molientes, nauali praelio in ordi-

Alia Caesaris  
in Gallia ge-  
sta. Plurimae  
ciuitates ipsi  
se dedidere.  
Aremorici,  
Vspipi, Ten-  
terique victi.  
Germania,  
Rheno tran-  
sito, territa.  
Vbi Rhenum  
transierit.

Cc 3

nem

(*l*) CAESAR lib. I.(*m*) CAESAR lib. II.



nem redacti, aliique Gallicae nationis populi per Legatos domiti. Rediit deinde Caesar in Italiam & sua auctoritate Pompeium & Crassum iuuit, vt Consules anni sequentis constituerentur. Caesari Galliae administratio tum adhuc in quinquennium concessa est. Eodem pacto etiam Crassus Syriam & Pompeius Hispaniam gubernandam obtinuit (*n*). Rediit itaque in Galliam suam Caesar, in quam *Vsipetes* & *Tenchteros* Germanos irruisse cognouit. Situm horum populorum veterem *TACITVS* indicat, qui suo tempore proximos Cattis facit, & iuxta Bructeros eorum meminit. Et *DIO* (*o*) auctor est, Drusum in *Vsipetum* regionem iuxta insulam Batauorum, ac inde, Lupia transmisso in Sicambros irruisse. Sicambi ergo a Lupia ad Sigam protensi, & sub Lupia *Vsipetes* & *Tencheri* ad insulam vsque Batauorum siti fuerunt. Expulsi hi populi a Sueuis, per triennium, sedis incerti, circumuagati erant. Tandem vero venerant ad loca quae Menapii incolebant, & vbi ad utramque Rheni ripam agros, aedificia & vicos habebant. Menapii ceterioribus vno impetu oppressis, ipsum flumen transferant, & ulteriores quoque inuaserant. Hinc latius vagabantur, & in fines Eburonum ac Condrusco, rum,

(*n*) CAESAR *L. c.*, PLUTARCHVS *DIO*.

(*o*) *Lib. LIV.*

rum, qui Treuirorum clientes erant, venerant. Multitudo hominum CDXXX millium erat, a qua, nec sine causa, Caesar Galliae suae metuebat. Ne igitur maiora auderent, expeditionem in eos mouit. Et cum per legatos agros ab ipso peterent, renuit, vtque in Germaniam se e Gallia reciperent, iniunxit. Ibi enim in Vbiorum finibus considere & coniunctis viribus Suevis resistere eos posse iudicabat. Germani tamen inducias vnius diei ad deliberandum datas cum violassent, subita irruptione in Equites Romanos facta; Caesar hanc iniuriam vlturus, castra eorum inuasit & occupauit. Profugos hostes ad Confluentem Mosae & Rheni affecutus, magnum eorum numerum interfecit. Reliqui in flumen se praecipitarunt, ibique pereierunt. Ex omnibus quinque tantum millia equitum praedandi frumentandique causa trans Mosam missi cladem euaserunt, & trans Rhenum in Sicambrorum fines se receperunt, secundum Caesaris relationem. Interim tamen & Vspetum & Tenchterorum gens in nostro Rheni litore adhuc sub Augusto superfuit: & TACITO etiam ibi commemoratur, vt ideo non omnes a Caesare deletos videoas. Circa praelii locum omnes consentiunt. Vnus CLVVERIVS ad Confluentem Mosellae & Rheni in Caesare legendum statuit quod HADRIANO etiam VALESIO (p) placuit. Ni-

hil



hil tamen solidi pro sua sententia CLVVERIVS affert, quam quod Mosae & Rheni Confluentem recentiorem & manu factum esse putat, nec tamen probat. Vnde merito hac de causa dicam ei 10. ISAACIVS PONTANVS scripsit (q). Strages autem barbaris inopinantibus a Caesare illata adeo displicuit Catoni, vt, cum de supplicatione ob hanc victoriam decernenda rogaretur, in senatu dixerit: Caesarem ipsum hostibus dedendum esse, vt pro ciuitate perfidiam expiaret (r). Debellatis Vspetibus & Tenchteris, Caesar vniuersae Germaniae terrorem iniicere, Rhenumque transire statuit, vt suis quoque rebus ea timeret, quae haetenus adeo frequenter Galliam inuasisset. Causa belli sumta a profugis equitibus Germanis, quos Sicambri dedere renuebant, populi Romani imperium Rhenum finire, nec trans Rhenum quicquam illi potestatis esse causati. Vbii etiam Caesarem magnopere orabant, vt sibi auxilium aduersus Sueuos ferret. Vnde transitus Rheni decretus, &, ponte subilio intra decem dies super fluuum extructo, peractus. Sicambri interea cum suis se in sylvas & solitudines abdiderant, vt, cum Caesar aduenisset, nemo esset, qui vinceretur. Ita ingentes eius aduersus Germaniam conatus frustra fuere. Vbii renuntiarunt; Sueuos in vnum o-

mnes

(q) *Disceptat. Chorograph. Part. I. c. 5.*(r) *PLVTARCH. in Caeſ.*

mnes conuenisse, & locum fere regionum suarum delegisse, vbi Romanos expectarent cum iisdem decertaturi. Caesar eos ibi adoriri intutum ratus, vastatis solum finibus ipsorum, vbi dies omnino octodecim trans Rhenum consumpsisset, in Galliam se recepit, pontemque rescidit; quem circa Coloniam constitutum fuisse cum aliis BROELMANNVS afferit. Sed cum FLO-RVS indicet, Caesarem ad Rhenum tunc pergentem *Mosulam* siue Mosellam nauali ponte transiisse, pons Rheni ab ipso extructus supra Coloniam, imo supra Confluentiam urbem, fuisse debuit. Hoc etiam inde patet, quod Caesar ipse in Vbiorum finibus se flumen transiisse prodat. Hi autem Siga amne a Sicambris & Lohna, ut videtur, a Suevis, qui ipsos premebant, distinguebantur, sub Augusto deinde trans Rhenum ducti, eoque loco constituti, vbi nunc Colonia Vbiorum floret.

## §. XCIII.

Germania itaque territa, & Gallia vniuersa subacta, exiguum quamvis aestatis parte reliqua, in Britanniam profici sci Caesar contendit, quod omnibus fere Gallicis bellis hostibus Romanorum inde subministrata auxilia intellexisset. Ad portum itaque *Iicum*, in finibus Morinorum situm, classem conuenire iussit, atque ex eo soluens, ventis felicibus circa Dubrim primum appulit. Vbi Icius portus fuerit, erudit i-

Caesaris ex-  
peditio Bri-  
tannica.

Dd tant.



tant. Apud Calesium constituerunt eundem **PAV-**  
**LVS AEMILIVS, MARLIANVS, LHVIDIVS, OR-**  
**TELIVS, LABBEVS, CLARKIVS & alii**; apud Mardi-  
**cum CHIFLETIVS**; apud Gessoriacum sine Bononiam  
**CAMBDENVS, CLVVERIVS & SOMNERVS**, atque  
apud Wissantum **CANGIVS**. Nos cum **HADRIA-**  
**NO VALESIO** eundem *Stapulis*, oppido Galliae Bel-  
gicae, olim *Quentauicum* & *Wicum* etiam simpliciter  
dicto, peculiari libello adiudicauimus (s). Caesar, li-  
cet prima vice Britanniam insulam penitus subigere ne-  
quiret; postero tamen anno, qui erat ante natum Christum  
quinquagesimus quartus, cum Treuiros deuici-  
set, & Germanis iterum Rheno traecto imminuisset,  
eandem repetiit, & praelio victor vestigalem populo  
Romano reddidit. Nec ante iugum hoc illa penitus  
excutere potuit, quam Saxones nostri saeculo post  
natum Christum quinto ad Insulam illam peruenissent,  
& Romanis, Pictis ac ipsis demum Britannis deuictis,  
nouum ibi Regnum constituissent.

#### §. XCIV.

Britannia va-  
riis Regulis  
parebat. Ab hoc tempore vera Britannorum historia initium  
sumit. Quos enim ante Caesaris aetatem Reges Bri-  
tannorum ex monumentis patriis nobis recensent re-  
centiores, eos omnes confitos esse, certissimum est.

Neque

(s) Vid. *Dissert. nostra de portu Icio in Miscellaneis Lipsiens.* Tom. VIII.  
pag. 255. sq.

Neque vni Regi, sed diuersis Regulis Britannos veteres paruisse ex Caesare apparet. Meminit is *Mandubracii* adolescentis, cuius pater *Imanuentius* Trinobantum Rex a *Cassiuelauno*, Cassorum forte Regulo trucidatus fuerit. Restituit Mandubracium in Regnum Caesar, & Cassiuelaunum quoque subiugavit. Eadem tempestate Cantii regionibus quatuor Reges praeerant, *Cingetorix*, *Caruilius*, *Taximagulus* & *Segonax* (*t*), Memoratur & nobilis *Dux Lagotorix* (*u*). Post Cassiuelaunum Regnum Britannicum adeptum fuisse *Theomantium* vel *Tennantium* fratrem Mandubracii, quem recentiores Androgeum, *EUTROPIVS*, *PAVLVS DIACONVS* & *BEDA* Androgorium appellant; & huic successisse *Cynobelinum* *GODOFREDVS MONVMETENSIS* refert, cuius tamen fides in dubio est. *NENNIVS* *Cynobelinum*, quem ille simpliciter *Belinum* vocat, filium Minocani facit. Non omni Britanniae, sed Trinobantibus saltem & Ienis praeftuisse, *QVERCETANO* non illubenter credo. Hic deinde Cynobelinus Legatos de pace Augusto, in Britannos tendenti, obuiam misit, tributum promittentes. Fallitur enim *TACITVS*, dum scribit, Augustum ac Tiberium

Dd 2

nullam

(*t*) *CAESAR lib. V. c. 7.* add. *DIO*, *STRABO*, *DIODOR. si-*  
*CVL.* *SVENTONIVS*, *EUTROPIVS*.

(*u*) *CAESAR ibid.*



nullam Britanniae curam etiam in pace habuisse. Contrarium enim ex STRABONE (*w*), DIONE (*x*) PLVTARCHO (*y*) & HORATIO (*z*) appetet. Hic certe vota facit, pro Augusti instanti ad Britannos itinere & Fortunam Antianam alloquitur:

*Serues iturum Caesarem in ultimos  
Orbis Britannos.*

Deinde vero vaticinatur:

- *Praesens diuus habebitur  
Augustus adiectis Britannis  
Imperio, grauibusque Persis.*

### §. XCV.

Verosimile est post Iulii Caesaris tempora Britannos, ad Romanorum morem, nummos ex auro & argento cudere incepisse, cum antea aereos tantum habuissent (*a*). GIBSONIVS in *Additionibus ad CAMBDENI* Britanniam aureum nummum produxit, in quo eques cum literis C A S. Hoc de Cassibelauno interpretatur. Plures Cynobelini nummos CAMBDENVS & GIBSONIVS habent, ex quibus aliquos in specimen addimus. Quibusdam TASCE, TASCIE, &

TA-

Tab. XV.

De nummis  
Regum &  
Principum  
Britannorum  
argenteis.

(*w*) lib. II. & IV.

(*x*) lib. LIII.

(*y*) in *Auguſto*.

(*z*) lib. I. Od. 35. & lib. III. Od. 5.

(*a*) CAESAR lib. V.

TASCIA inscriptum est; quod CAMDENVS non male *denarium tributi*, Romanis dandi, exponit. Cambrobritannis enim census *tāsg*, & taxare, censere *tasgu* adhuc audit. In postica nummorum Cynobelini parte aliquando CAMV. legitur, quod *Camulodunum*, regiam ipsius sedem, denotat. In quodam nummo equitis effigiei circumscripsum est CEARATIC quo *Caratacum*, filium Cynobelini, TACITO memoratum, indicare idem CAMDENVS putauit. GIBSONIVS alium produxit, vbi sub equo legitur BOOTTICA, quod non incongrue de *Bodicia* siue *Bunduica*, Icenorum Regina sub Neronis imperio, intelligas. Vltimo loco aliquot Ateulae nummos afferre libet, quem Principem vel Regulum in Britannia fuisse non immerito CAMDENVS suspicatur. Caput alatum conuenit cum effigie Victoriae Britannicae in nummis Antonini Pii, Commodi, Seueri, Getae aliorumque Imperatorum conspicua. Similis figura alata in Cynobelini nummo reperitur. Hoc non animaduertit LAVENTIVS BEGERVS, qui caput Cupidinis in nummo Ateulae inuenisse sibi visus est. In postica nummi animal vnicornu cernitur, capite in altum sublato, quod hodie in Regum magnae Britanniae insignibus adhuc telamonis vice fungitur. Sub pedibus animalis huius pentagonum adest a Celtis inter Symbola sacra olim

cultum, vnde nobis etiam idem Germanice *alpsus* & *druttenfus*, a virunculo metallico & a Druidibus nominatur. In infimo nummi loco cernitur luna bicornis, cui in alio nummophylacii Prussici exemplari stella inserta est, annotante BEGERO. Eadem Lunae imago in nummo & aliis Britannorum monetis apud GIBSONIVM obseruatur. Cultus Lunae & stellae polaris Britannis eo consuetior fuit, quo apertior horum astrorum in nauigationis negotio usus. Quid ad latus posita vox VLATOS significet, nescio. BEGERS familiae nomen esse putauit ex fragmento Inscriptionis a SPONIO (b) productae. Nos loci nomen esse suspicamur, nobis haec tenus incogniti CHIFLETIVS duos huius generis Vesontione effossos, quo per commercia delati esse potuerunt, aeri incidi fecit (c); in quibus tamen non unicornu, sed equus apparet in Celticis & Britanicis nummis frequens. Ipse Ateulae nomen erronee de Attila Hunnorum Rege exposuit, in quo asseclam tamen ANSELMVM quoque BANDVRVM nactus est (d). Quem ultimo loco Ateulae nummum sistimus, e Gazophylacio Reue-

rendissi-

(b) *Miscell.* p. 170.(c) *Vesont.* Part. I. pag. 211.(d) *in Numism. Imperator.* pag. 577.

rendissimi & doctissimi GERHARDI Abbatis Lucensis depromtus est; & equus in eo a sinistra ad dextram profilit.

§. XCVI.

Antequam Caesar in Britanniam altera vice pergeret, Treuiri coercendi erant, qui imperio ipsius se subtrahere videbantur, Germanos etiam Transrhenarios solicitantes. Duo tunc Magnates Gallorum de principatu ciuitatis huius inter se contendebant, Indutiomarus & Cingetorix. Quorum hic Caesari cum copiis imminenti statim se dedidit; alter vero Indutiomarus non nisi aegre, & simulate tantum, ut postea apparuit. Cum enim a Caesare in regendis Treuiris Cingetorix ei praeferretur, ad vetera consilia rediit, & cum Germanis de inuadendis in Gallia Romanis egit, in partes etiam suas quibusdam Galliae prouinciis pertractis. Discussa tamen breuihaec nubes, & deuicto Indutiomaro, ceteris territis, tranquilla Galliae possessio Romanis instituta. Terrendi vero iterum erant Germani, qui vindictam fusi Ariouisti & profligatorum Visipetum & Tenchterorum subinde minati fuerant. Rheno itaque copias iterum admouit Caesar & paulo supra eum locum, quo antea exercitum transduxerat, pontem facere instituit. Non procul is à Reinfelsa absuisse ideo debuit. Suevi erant, in quos tendere

Treuiri coerciti, Rheni transitus altera vice tentatus. Bacenis sylva ostensa.



tendere animus erat. Hi auxilia Gallis rebellibus misserant. Statim tamen ac nunciatum, eos cum omnibus copiis ad extremos fines sese recepisse, ubi *Bacenis* sylua infinitae magnitudinis Cheruscos a Sueuis, Sueuosque a Cheruscis separet, inopiam frumenti, forte etiam insidias hostis in regione ignota, veritus, ponte disrupto retrocessit, Germaniam vidisse contentus, Rhenoque potentiam Romanam terminari, ipso suo recessu confessus. *Bacenim* syluam, quam Metaphrastes *Banévny* vocat, esse eam, quae postea *Boconia* vel *Buchonia* audiit, & in qua celeberrimum monasterium Fuldense fundatum est, ex Caesaris descriptione & nominis sono manifestum est. Extensa olim illa fuit inter amnes Fuldam & Werram, in cuius dextro litore Cherusci colebant, usque ad Alleram in Visurgim delabentem, versus ortum Lina fluuiio a Fosis secreti. **TACITVS** eandem suo aevo *Hercynian* appellat, quando, *Cattos*, ait, *suus saltus Hercynius prosequitur simul, atque deponit.* Quos enim ille Cattos nominat, ii **CAESARIS** Sueuis successisse videntur.

### §. XCVII.

Galli Germani que-  
dum Caesar  
rem in ciuilia  
bella fecuti. Praeterimus caeteras minores sub Caesaris imperio cum Germanis velitationes. Sufficit monuisse, illum tandem Gallis pacatis, ingentia eorum & Germano-

manorum auxilia in ciuilia bella secum rapuisse (e).  
LVCANVS singulos populos Caesaris exercitum secuto  
recenset (f). De Batauis speciatim ita canit:

*Et vos crinigeros bellis arcere Caycos  
Oppositi, petitis Romam, Rhenique feroce  
Deseritis ripas & apertum gentibus orbem.*

Vbi *Caycos* notes esse *Caucos* iam tum, Amisio superato, Batauis in Insula Rheni graues. Militarunt etiam sub Pompeii signis quidam Germani, qui postea in Africam delati, a Scipionis partibus stantes, aduersus Caesarem pugnarunt (g). Caesar hostium vicit, Dictator perpetuus & Consul in decennium nominatus a populo turbarum ciuilium pertaeso; sed anno proximo, hoc est, ante Christum natum quadragesimo quartto, in curia a Bruto & Cassio occisus est.

### §. XCVIII.

Octavius (h), qui postea *C. Caesaris nomen*, maioris auunculi testamento, & Augusti, sententia Munatii Planci, suscepit, nihil sanctius duxit, quam vt ante omnia mortem Iulii Caesaris vindicaret. Et caesi sunt tandem ab eo Cassius & Brutus, atque ex caeteris hominibus Pompeius iunior ad Siciliam oppressus, Lepidus

Augusti ini-  
tia Galliae  
sub eo Praefi-  
des. Vbi orum  
translatio &  
urbis Colo-  
niae origo.  
Viae milita-  
res ab Agrip-  
pa institu-  
tae.

(e) CAESAR lib. VII. & VIII.

(f) lib. I.

(g) HIRTIUS de Bell. African.

(h) DIO, SVETONIUS, TACITVS.



dus exutus, Antonius interfactus. Vnde summa tandem potestas in Augustum cessit, qui cuncta bellis intestinis fessa nomine Principis sub imperium accepit. Hispania, Cantabris deuictis primum ab ipso ordinata est; deinde & Gallia. Ut limites imperii tutiores essent, legiones vndique ad eorum custodiam distributae. M. Vipsanius Agrippa, Augusto familiaris, pleraque suis consiliis ordinasse videtur, cum contra Gallos rebellantes missus, alter post Iulium Caesarem etiam Rhenum transiisset (*i*). Causam expeditionis huius credas Sueuos, a quibus Vbii Romanorum amici pulsi, & in alteram Rheni ripam confugere coacti (*k*). TACITVS certe testatur (*l*), Vbios Rhenum transgressos, ab Agrippa in fidem acceptos, & experimento fidei super ipsam Rheni ripam collocaatos esse, vt arcerent, ceu noui Romanorum inquilini & auxiliares, non vt custodirentur. Hoc ergo tempore Oppidum *Vbiorum* in sinistra Rheni ripa ex aduerso *Densonis* sive *Duitii* fundatum & constitutum esse crediderim. Agrippina deinde Agrippae neptis Germanici filia, Neronis Imperatoris mater, quo vim suam sociis nationibus ostentaret, in oppidum *Vbiorum*, in quo genita erat, veteranos Coloniamque duci

(*i*) DIO lib. XLVIII.

(*k*) STRABO lib. IV.

(*l*) TACIT. de Mor. Germ. & Annal. lib. IV.

duci imperauit, cui nomen inditum ex vocabulo ipsius (m), quo etiam, & multis Romanae antiquitatis reliquiis adhuc nostro aetio *Colonia metropolis* gloriatur. Idem Agrippa Galliam & Germaniam etiam viis miliaribus magna industria constructis, cultiorem reddit. STRABO refert (n) aperuisse eum vias, vnam per Cemmenos montes in Aquitaniā & ad Santonas usque, alteram ad Rhenum, tertiam ad Oceanum per Bellouacos & Ambianos. Augustus ipse Germanorum fidem tanti fecit, ut ipsorum manum usque ad Varianam cladem inter armigeros circa se duplici stipendio haberet (o). Stipatores hos & custodes corporis Augusti, equites peregrinos selectos & *Batauos* DIO (p) vocat. *Et sunt etiam nunc, inquit, peculiare corpus & baculos gestant instar Centurionum.* Nec Batauos solum, sed & alios Germanos in hoc corpus electos fuisse, indicio est *Arminius* Cheruscorum Dux, qui in Romanis castris ductor popularium fuit, & frater eius *Flavius*, miliaribus in eodem corpore donis honoratus (q). *Maroboduum quoque Marcomannum iuuen-*

Ee 2

nem

(m) TACIT. *Annal. lib. XII. c. 27.*(n) *lib. IV.*(o) SVETON. *c. 99.* DIO *lib. LIII.*(p) *Lib. LIV. & LV.*(q) TACIT. *Annal. lib. II. c. p. 20.*



nem Romae ab Augusto beneficiis affectum STRABO meminit (r). Agrippa post Vbios receptos, bellis ciuilibus alio vocatus est. Post eum M. Vincius Galliarum Praeses cum Legionibus Rhenum transiit, & Germanos, quod Gallias infestassent, & Romanos ad se commeantes, trucidassent, inuasit, magna barbarorum caede facta. ACRON, interpres, HORATII *Sicambros* hic speciatim nominat; Romanosque istos a Germanis interfectos, *centuriones* & quidem numero viginti, qui, ad stipendia colligenda, in Sicambros missi erant, fuisse addit (s). Triumphus ei ideo decretus est, quem tamen non hac de causa, sed quod Salassos gentem Inalpinam rebellem etiam compreserisset, admisit. Rediit deinde Agrippa in Gallias a Germanis infestas (t), eoque in Hispaniam euocato, Tiberius gener, Augusti priuignus, in his prouinciis anno fere vno administrando successit.

### §. XCIX.

Germaniae  
diuissio in  
Primam &  
Secundam  
vel in Super-  
iore & In-  
feriorem.  
Quae fuerit  
Germania  
Magna.

Haec circa tempora Germania, quae respectu nostri trans Rhenum, & sub ditione Romanorum iacebat, diuisa fuisse videtur in *Superiorem* seu *Primam* & *Inferiorem* siue *Secundam* (u). Tiberio certe impe-

(r) *lib. VII. init.*

(s) *ad HORAT. lib. IV. Od. 2.*

(t) DIO *lib. LIV.*

(u) DIO *lib. LIII.*

rium occidente, ea dñisio iam exstítit. Legati etiam duo cum Legionibus, qui limitem custodirent, instituti sunt. Quicquid Romanis trans Rhenum erat, Germania magna vocabatur.

## §. C.

Non diu post haec M. Lollius Legatus, auaritia, quam rebus bene gestis notabilior, introitum magnae illius Germaniae tentauit, sed infeliciter. Ultionem enim sumturus de Sicambris, Visipetibus & Tenchteris, Galliae depraedatoribus, in ipso Rheni transitu, equitatu Romano per insidias circumuento, a Germanis devictus est (*w*). Clades, Lollianam hanc & Varianam deinde, nec alibi quam in Germania, Augustum accepisse; sed Lollianam maioris infamiae, quam detrimenti, *Suetonius* (*x*) fatetur. Amissa tunc Legionis V. Aquila Augustum ab Urbe in Gallias vocavit. Sed nostri ad sua iam redierant; unde obsidi bus solum datis, pacem pro tempore acceperunt; vindicta Druso reseruata. Legionem V. apud *Vetera*, quae hodie *Santen* in Clivua, vel, ut aliis placet, *Byrten* haud inde procul, stativa habuisse *Tacitus* testatur, & effosarum apud *Vetera* tegularum inscriptio *LEG. V.* idem demonstrat (*y*). *Melonem* Ducem

Ee 3

tunc

(*w*) *DIO lib. LIV. VELLEIVS PATERC. lib. II. c. 97.*(*x*) *in August.*(*y*) *Vid. BUCHERII *Belgium Roman.* lib. I. c. 14.*



tunc Sicambrorum fuisse STRABO indicat (z). Huius frater, eodem STRABONE referente, erat Baetorix, cuius filius Deutorix sive Theodoricus a Germanico deinde in triumpho ductus est.

### §. CI.

Rhaetia a  
Druso sub-  
acta. Eius  
descriptio.  
Hermundu-  
rorum in  
Rhaetis co-  
lonia.

Erat Drusus anno Lollianam cladem excipiente hoc est, ante N. C. decimo quinto, in Rhaetis perdonmandis vna cum fratre Tiberio occupatus (a). DIO prodit, *Rhaetos* inter Noricum & Galliam ad Alpes Italiae finitimas, quas Tridentinas nominant, sedes suas habuisse. Ita vero Rhaetiam, Romanorum more, latissime sumit, ut *Vindeliciam* ab Oeno ad Lycum supra Danubium sitam, atque vna cum Rhaetia hoc tempore in prouinciam redactam, comprehendat. Post magna haec Rhaetia diuisa est in *Primam* & *Se-  
cundam*, & *Rhaetiae secundae* nomen *Vindeliciae* da-  
tum. Hoc vel ideo monemus, quia maximam huius regionis partem Saeculo post C. N. quinto Guelforum veterum maiores cum suis occupantes, & Romanos colonos in Italiam suam reducentes in Commentariis, quos de *Originibus Guelficis* conscripsimus, videbimus. STRABO (b) refert, Tiberium nauali pugna cum Vindelicis certantem in lacu Bodamico, insula eiusdem lacus

pro

(z) Lib. VII.

(a) DIO lib. LIV. HORAT. lib. IV. Od. 4. SVETON. in Au-  
gust. c. 26.

(b) Lib. VII.

pro receptaculo vsum, quae forte fuit ibi, vbi iam Lindauia vrbs Imperialis sita est. Addit Tiberium vnius diei iter progressum ab hoc lacu fontes Istri vidisse, eo nempe loco, vbi iam Doneschingen ditionis Furstenbergicae oppidum iacet: lacum Rhaetos exigua parte, maiore Heluetios & Vindelicos attingere. A Druso *Pons Drusi* vocatus in Tabula Theodosiana cernitur, Sublauiionem inter & Tridentum situs. Habet & PROLEMAEVs *Drusomagum*, quam ipse in Rhaetia quidem, ad fines tamen Vindeliciae, collocavit. Rhaetia vero in prouinciam redacta, Romana elegantia artesque bona in ea excitatae sunt. Fructus inde ad proximos etiam in Germania Hermunduros redundauit, quibus cum Romanis ibi frequentia commercia. Colonia quoque eorum in Rhaetiam splendidissima recepta. TACITVS haec nobis retulit, qui de iis etiam addit: *Passim & sine custode transeunt, & cum caeteris gentibus arma modo castraque ostendamus, his domos villasque patetfecimus non concupiscentibus.*

### §. CII.

Agrippa defuncto, Tiberius ab Augusto adoptatus atque in generum adscitus est, Iulia ipsi, vidua Agrippae, in matrimonium data, cum Vipsaniam ideo vxorem & filiam Agrippae ex alia, quam Iulia, coniuge, iussu Augusti repudiasset (e). Inde contra Pannonias

Drusi expeditio in Vepetes, Sicambros, Frisios & Bructeros, Fossi Drusiana. Fleuus. Embdae cingines.

(e) DIO lib. Lib. LIV.



*nonias missus, Scordischorum auxiliis adiutus, eas do-  
muit, triumphalibus ideo honoribus honoratus. Gal-  
liae Praefectus Drusus interim censum ibi secundum  
agebat, cum primum Augustus ante quindecim annos  
fecisset. Ingens hinc animorum exacerbatio, & motus  
rebellionem minitantes; quos tamen Drusus solerti  
stratagemate composuit, Gallorum primoribus, p-  
raetextu eius festi, quod Lugduni ad aram Augusti ab ipso  
celebrabatur (*d*), euocatis, & delinitis (*e*). Germani,  
quia videbant, Gallos seruitutis Romanae iugum gra-  
uiter ferre, Augusti etiam absentia ferociores, bellum  
interea mouerant. *Sicambri* eorumque auxiliarii *Vsi-  
petes* & *Tencbteri* incentores illius erant (*f*). Hinc  
commoda Druso occasio de Germania in prouinciam  
redigenda serio cogitandi. Sciebat hoc & Augustum  
etiam atque etiam concupiscere, vt patris sui Caesaris  
voto satisfaceret, qui bis traiecto Rheno bellum frustra  
quaesinerat (*g*). Anno ergo hoc ipso, ante C. N.  
duodecimo (*b*), in inferiorem Germaniam mouit, classe  
etiam in Vahalim aduocata, qua vteretur. Ipse ex-  
ercitum in insulam Batauorum, quae Romanis pare-  
bat*

(*d*) STRABO lib. IV.

(*e*) Epitome LIVIA N A 156.

(*f*) DIO lib. LIV.

(*g*) FLORVS lib. IV. c. vlt.

(*b*) DIO lib. LIV. p. 633.

bat, primum a Veteribus deduxisse atque ex ea Rhe-  
num circa Arnhemium traieciisse videtur. DIO enim  
dicit (*i*), Drusum secundum insulam Batauorum inre-  
gionem *Vspetum*, infra Lupiam habitantium, atque  
inde in *Sicambrorum* terram transgressum, magnam  
agri partem vastasse. Reuersus de *Frisis* subigendis  
consilium exequi coepit. Hos & caeteros maris Ger-  
manici accolas, vt commodius classe adire, atque in  
obsequio deinde retinere posset, *fossam* noui & immensi  
operis effecit, qua e Rheno in Isalam eatur, ab ipso  
*Drusianam* nominatam (*k*). Ipsum Isalae alueum  
ampliorem quoque tunc redditum existimes, vt sine  
impedimento classis Fleuum lacum intrare & fluuio Fle-  
uo in Oceanum deuehi posset (*l*). Fleuus hic licet  
Oceani a Texelia irrumpentis immenso impetu imma-  
mane quantum dilatatus & cum Fleuo lacu confusus  
sit, vt potius maris sinus, quam fluuius videatur; ve-  
tus tamen nomen *Flie* adhuc conseruat. Drusus per  
Fossam hanc suam secundo Rheno, in Oceanum pri-  
mus Romanorum Ducum (*m*) classe deuetus, *Frisios*  
subegit sibique adiunxit (*n*). Per paludem deinde,

vt

(*i*) lib. LIV.(*k*) TACITVS *Annal.* lib. II. c. 81. SVETONIUS in *Claud.* c. 1.  
CLVVERIUS *Germ.* *Antiq.* lib. III. c. 17.(*l*) CLVVER. l. c. & GRAEVIVS *ad Sueton.* l. c.(*m*) SVETON. l. c.(*n*) DIO lib. LIV.



ut dicitus omnis habet, quem nos die Watten vocamus, in Chaucorum fines profectus est, ad Amisii nempe ostium. Insulas in litore obuias & inter caeteras Byrchanam tunc expugnauit (o), quae iam Borcbum audit, & non contundenda est cum plinii Buchana siue Burchanam, Romanis etiam Fabaria vocata, nobisque sub Femerae nomine in Balthico mari cognita. In Ostio Amisiae Drusi classem, defluxu maris in sicco constitutam, in magno periculo fuisse, nisi Frisiorum opera, qui pedestri militia se ei iunxerant, adfuissest, dicitus o indicat. STRABO vero eandem ibi a Bructeris impugnatam & victoriam tandem a Drusi partibus stetisse prodit. Bructeri ergo supra Frisios ab Vspetibus & Tenchteris ad Amisiam usque coluerunt. Chauci hac vice, ut videtur, intacti relicti. An ad Ostium Amisii tunc munitum amni cognomine fundauerit, equidem dubito. PTOLEMEVS Amisiam inter Germaniae ciuitates recenset. Et TACITVS ad Amisii ostium Romanorum stationem fuisse indicat (p), vnde Embda, Ostfrisiae caput, & nostro quoque aeuo mercatura celebris, exsurrexit. Hyeme autem appetente, Drusus ignotas has Romanis hactenus oras reliquit, exercitumque, laboribus & aerumnis consecutum, in hyberna reduxit. Ipse Romam rediit, a*svr*er*bus** ibi hono-*

(o) STRABO lib. VII.

(p) Annal. lib. I. c. 60. & lib. II. c. 8.

honoribus auctus. Post Drusum deinde *L. Domitius Abenobarbus*, cuius mortem TACITVS in annum V. C. 777. refert, exercitu flumen Albim transcendit, longius penetrata Germania, quam quisquam priorum, easque ob res insignia Triumphi adeptus est (q) PIGHIVS hanc Domitii expeditionem erronee in annum Vrbis 741. retulit, atque ita ante Drusi illam posuit. Ipsum quoque Domitium Neronis Caesaris auum falso putauit. Auus enim Neronis non Lucii, sed Cneii praenomen habuit, & frater nostri Domitii fuit, ut ex hoc Schemate patet:

CN. Domitius

in Pharsalica pugna cecidit.

CN. Domitius

Aedil. curulis

L. Domitius

qui Albim transiit.

CN. Domitius Cos.

cum M. Furio

Nero Caesar.

§. CIII.

Drusus sub veris initium iterum ad bellum profectus, alia via in Germaniam ex Veteribus, ut coniucere licet, castris tetendit. Vispetibus enim primo subiugatis, quos superiori anno nondum penitus domuerat, Lupiam ponte strauit, atque in Sicambros irrupit.

Drusus expeditio altera,  
qua ad Vi-  
surgim vs-  
que perue-  
nit. Alfonis  
ad Luppiam  
& Castelli ad  
Rhenum ae-  
dificatio.

Ff 2 Sicambri

(q) TACIT. An. lib. IV. c. 44.



Sicambri eo tempore totius populi viribus collectis in *Cattos* expeditionem fecerant, quod hi finitimorum soli auxilia aduersus Romanos ipsis denegassent. Regionem igitur viris tunc vacuam facile pertransiit, Lupiam secus pergens, Cattosque declinans, nemine impidente, Cheruscorum fines attigit. Cherisci enim, licet cis Visurgim praecipuam sedem haberent, in sinistro tamen amnis litore etiam quaedam possederunt, Cattorum latus prementes (r). Vnde apparet, eos, qui cis Visurgim, vbi nunc sunt ditiones Serenissimae Familiae Brunsvico-Luneburgensis, dominati sunt, integri amnis ac utriusque litoris quoque ab antiquo possessores fuisse. Hiemis propinquitas & alimentorum inopia Drusum hac vice a transitu Visurgis cohibusit. Examen quoque apum pergentem deterruisse dicitur (s). Nec propudosum Romanis, in rebus ancipitis euentus, timiditatem religiosa prae sagiorum obseruatione velare. In reditu non sine discrimine exercitus sui insidias hostium sensit. Nec summum, quod incurrerat, periculum euasisset, nisi incondito agmine irruentes Germanos, virtus militis Romani, circumspete in angusto, quo conclusus erat, loco pugnantis, retropulsisset. Has viarum angustias ad Ol-

denbe-

(r) TACIT. *Germ.* c. 36. DIO lib. LIV. VELLEIUS PA-  
TERC. lib. II. c. 105.

(s) DIO l. c.

denbecam pagum fuisse credidit SCHATENIUS (*t*). Attritus exercitus, vbi in subiectam planitiem emer- sit, barbari, quos Cheruscos, Cattosque & Sicambros fuisse putas, propius adire veriti, eminus tan- tum agmen infestauere. Drusus quoque, iis con- temptis, *Castellum contra eosdem ad Lupiae & Aliso- nis amnum confluentes*, aliudque in Cattis ad ipsum Rhenum extruxit. Alisonem fluum iam *Almam* vo- cari FERDINANDVS Episcopus ac Princeps, *in Mo- numentis Paderbornensibus* (*u*) ostendit. Et vetus ca- stelli Alisonis nomen retinet adhuc vicus *Elzen* pro- pe Lupiae & Almae confluentes (*w*). Castellum ad Rhenum in Cattis aedificatum non aliud esse potest, quam *Cassella* ex aduerso Moguntiae ad Rhenum sita.

### §. CIV.

Hinc vero concludas, eos quos CAESAR *Sueuos* Vnde Catti  
vocauerat, in posterum *Cattos* fuisse dictos. Hos ve- quid nomine  
ro Cattos siue, vt nunc audiunt, *Hassos*, ego Sueui- eorum desi-  
cam gentem esse existimo, quae ex magna trans Al- gnetur. De  
bim Suevia progressa, Hartica montana primum, de- Pago Hassi-  
inde ulterius pergens, *Bacenim* siue *Boconiam* syluam gau & Hessen,  
incoluit. Postea vero cognatis ad Rhenum Sueuis arce.

Ff 3

plerisque

(*t*) *Hist. Westphal.* lib. I. p. 42.

(*u*) p. 10. & 11.

(*w*) CLVVER. *Germ. Antiq.* lib. III. SGHATEN. L c. p. 43.



plerisque in alteram Rheni ripam translatis sensim  
successere, & a Moeni & Rheni confluentibus ad Si-  
gam vsque regionem eorum & Vbiorum impleuerunt,  
Cheruscis versus Orientem confines. Ad Rhenum,  
a Romanis vocatos, consedisse ex **DIONE** clarum est.  
In veteri Cattorum ad Harticos montes, sede, diu ad-  
huc superfuit pagus *Hassgau*, in Antiquitatibus MSStis  
Hammersleiensibus *Prouincia Hassingauorum* dictus, &  
dioecesi Episcopatus Halberstadiensis comprehensus (*x*),  
cuius primarium locum *Hessen*, sive, vt antiquis scribi-  
tur, *Heffenheim*, arce antehac Ducis Brunsuico-Lune-  
burgensis celebrem, **MEIBOMII** agnouerunt. Nomen  
Cattorum ego deriuauerim a veteri *catten*, Anglis ad-  
huc *catch*, Ital. *cacciare*, Gall. *chasser*, quod est *captare*,  
*insequi*, *venari*, vt ita *venatores* denotet. *Haschen*  
apud nos eiusdem significationis est, & *haescher* apud  
Darmstatinos *venator*. Nec aptior syluicolis Cattis  
appellatio.

### §. CV.

Ultima Drusi  
expeditio,  
qua transito  
Visurgi ad A-  
bim vsque  
peruenit.  
Mors eius &  
honores post  
mortem.  
Tropaea Dru-  
si, ubi fuerint.

Drusus ob res egregie gestas triumphalibus ho-  
noribus affectus, & in urbem ouans inuestus, Pro-  
consularem dignitatem meruit. Deinde anno ante C.  
N. vndecimo, Cattos, qui, agro ipsis assignato reliquo  
Sicambris se coniunxerant, mox integrum Rheni litus  
a nostra parte occupaturi, maleficiis infestauit, & par-  
tim

(*x*) **MEIBOMIUS**, **PAVLINVS** & **IVNCKERVS** de Pagis.

tim subegit (y). Anno vero in sequenti, cum Consulatus dignitatem adeptus esset, in Germaniam iterum properauit, Centurionum viginti combustionem in barbaris vindicaturus. FLORVS scribit, hos adeo certa victoriae spe bellum in Romanos sumfisse, ut prae-dam in antecessum diuiserint, & Cherusci equos, Sueui aurum & argentum, Sicambri captiuos elegerint. A Castello, Rheno apposito, in Cattos primum iuuisse, postea in Sueuos, inde in Cheruscos Drusum peruenisse DIO memorat, Sueuos, iam a Cattis distinguens. Vi-surgim quoque, ad Fuldae, ut videtur, confluentem, traiecit, atque ad Albim, omnia vastando, peruenit. Ulterius etiam perrexisset, nisi spectrum terruisset. Vnde contentus, in litore fluminis tropaea erexisse, quorum etiam PTOLEMAEVS meminit, retrogressus est. Quidam ex numeris PTOLEMAEI Tropaea illa, infra Tangermundam circa Stendaliam locant(z). Ego, si vñquam ibi fuerint, altius & eo loco, vbi nunc est Magdeburgum, constituerim. Eo enim vetustissima via militaris dicit; & locum ab antiquo celebrem fuisse, etiam monumenta temporum Caro-linorum ostendunt. Antequam autem Drusus ad Rhe-num rediret, inter eum & Salam Franconicum, Moe-no influentem, vbi Cattos deuicerat (a), morbo ex

CON-

(y) DIO lib. LV.

(z) Vid. CELLARIUS dissert. de expedit. Drusii c. 14. (a)

(a) STRABO lib. VII.



confacto crure contracto, decessit (*b*). Corpus ex-anime aduolans ex Italia frater Tiberius Romanum hono-rifice deuexit, vbi in Martio campo crematum, ci-neresque in Augusti sepulchrum conditae (*c*). GER-MANICI praeterea nomen ei & filii Germanico & Claudio, post Imperatori, datum; honoresque Statuarum, Fornicum & Cenotaphii ad ipsum Rhenum (*d*). Cenotaphii rudera ad Moguntiam supersunt in vulgo ita dicto *Eichelsteino*, cuius descriptionem & delineationem praeter SERRARIVM (*e*), CAR. PATINVS & CHRIST. GOTH. BLVMBERGIVS (*f*) dedere. Monu-mento eo loci dignus erat Drusus, qui in tutelam pro-uinciarum praesidia & custodias vbique, praesertim ve-ro per Rheni ripam quinquaginta amplius castella di-rexerat (*g*). Imperatorium nomen Augustus Dru-so non cessit (*b*), quamvis in nummis, a Claudio Im-peratore post in honorem patris cufis, capiti ipsius laureato circumscriptum cernatur: NERO CLAV-DIVS DRVSVS GERMANICVS. IMP. In eorum a-uersa

Tab. XVI.

(*b*) DIO l. c. SVETONIUS in *Claudio*, LIVII epitome, FLO-RVS, VELLEIVS.

(*c*) DIO & SVETON. l. c.

(*d*) DIO l. c.

(*e*) Rev. Mogunt. lib. I. c. 15.

(*f*) libello peculiaris de *Eichelsteino*, Draſi monumen-to

(*g*) FLORVS lib. IV c. 12.

(*h*) DIO lib. LIV.

uersa parte alicubi Drusus in equo super arcum triumphalem cernitur; in aliis sunt duo scuta transuersim posita. Omnibus vero ibi inscriptum: DE GERM (i).

### §. CVI.

**FLORVS**, vbi opera Drusi recenset, castella ab **Castellum** ipso per Mosam, *Visurgim & Albim* statuta refert. Quae ad Mosam fuerunt, ad nos nihil attinent. De Tropaeis ad Albim iam diximus. Castellum ad *Vi-* Drusi ad Vi-  
surgim an  
Munda. An  
Castellae  
quoque opus  
eius sint. **surgam CLVVERIVS (k) & WINCKELMANNVS (l)** *Cassellas* super Fuldae ripam, caput nunc Hassorum, nec procul a Visurgi sitas, interpretantur. Huius loci nomen in veteribus Monumentis semper fere *Cassula* exaratur. Aliqui *Stereontium PTOLEMAEI* fuisse putant; sed falluntur. Drusi nomen refert aliquatenus riuus vrberm percurrens, *die Drusel* dictus (m). Poterit igitur Castellum ad Adranae quoque transitum reliquisse. Sed id quod ad Visurgim fecit, si vllibi, in *Munda* oppido ad confluentes Visurgis & Fuldae constituto, quaerendum est. An sub *Munitii* nomine apud *PTOLEMAEVM* nominatum extet, nec praefractius negauerim, nec affirmauerim. Sonus certe

(i) Vid. **HARDVINI** Hist. *Augusta ex Nummis in Operib. eius* p. 701. 717.

(k) *Germ. Antiq.* lib III. c. 5.

(l) *Heffenlands Beschreibung* P. II. t. 10. p. 274.

(m) **WINCKELMAN.** L c.



cerne nominis in Mundam conuenit. Tiberium postea ad Mundam traieciisse Visurgim, inde porro concluso, quod DIO dicat, eum ad Albim tendentem Erygium amnem transiisse. Erygii autem nomen ex illo *Werra* corruptum, qua noster amnis a Munda usque ad fontes suos insignitur, cum sub Munda *Visurgis* dici incipiat.

### §. CVII.

Gabretam  
syluam esse  
Harticum  
nemus ostenditur.

In Drusi quoque & Tiberii deinde expeditione Romanis primum Harticam syluam nostram innotuisse reor, quam illi Gabretam vocarunt; *H* litera cum *G*, commutata. STRABO magnam syluam vocat, & post eam Sueorum sedes locat; inde Hercynios saltus esse affirmat. Hartica autem sylua magna satis est, quae a Visurgi ad Albim fere porrigitur, qui Sueos alluebat, supra quos Hercynia sylua extendebatur, quae per Bohemiā & partem Silesiae processit. Ita situs etiam a STRABONE annotatus congruit. PTOLEMAEVS sub Gabreta sylua Marcomannos locat. Sed notandum est, illum Sueos, quod Marobodu Marcomanno parerent, Marcomannos appellare videri. Eodem modo & FLORVS locutus est, ubi de Tropaeo a Druso ad Albim erecto scribit, eum Marcomannorum spoliis insignibus quendam editum tumulum in Tropaei modum excoluisse. Neque enim tunc Drusus negotium habuebat,

rat cum Marcomannis; sed cum Longobardis & Suevis, Albis accolis, sed Maroboduo Marcomanno parentibus. Si tamen FLORI descriptio vera est, Tropaei huius locus ibi constituendus erit, vbi nunc monasterium Bergense ad Magdeburgum restat.

§. CVIII.

Druso in Germania occupato, Orientem versus Imperii lititem turbabant *Daci & Getae*, vnius originis gentes, ibique olim habitantes, vbi nunc est Transiluania, Walachia, Moldavia & pars Tartariae minoris. Daci hi Getaeque, Istrum frequenter transiunt, multa vicinis detrimenta inferebant. Sub Augusti aetatem praerat iis *Boerebisles* natione Geta, qui prudenti consilio usus, suos continua ad sobrietatem & laborum tolerantiam incitatione, perpetuis etiam militaris disciplinae exercitiis, breui tempore eo perduxit, ut finitimas plerasque gentes deincepsent, ipsiusque dominio subiicerent. Ut tutior in populo imperiis non adsueto auctoritas esset, religionem praetendit, omniaque Deo monente agi, plebi persuasit; ut solent qui in populis adhuc rudibus magna moliuntur. Adiunxit sibi praeterea Decaeneum quendam hominem praestigiatorem, qui per Aegyptum vagatus, quasdam diuinationes didicerat, ex quibus Deorum responsa simulabat. Parum absuit, quin Zamolxis exemplo pro Deo coleretur, praesertim, vbi

De Gefartum  
Dacorumque  
Regno Ior-  
nandes Ge-  
tas cum  
Gothis con-  
fudit. Quae-  
dam de Go-  
thorum an-  
tiquitatibus.



dictis eius successus prosperi responderent. Thraciam igitur ad Macedoniam vsque & Illyricum Boerebistes cum suis populauit, Celtas, Thracibus & Illyriis permixtos, vastauit, & Boios, qui sub Critasiro erant, vna cum vicinis Tauriscis, adeo deleuit, vt in posterrum agri eorum vacui atque deserti vicinis Illyrici populis, pascendis pecoribus, fuerint attributi, ac *Boiorum deserta vulgo vocati* (n). Romani ipsi habuisserunt, quod a Boerebiste timuissent, nisi is seditione quorundam oppressus ante fuisset, quam exercitum aduersus ipsum mitterent. Hos vero Dacorum Getarumque motus anno ante C. N. undecimo accidisse ex **DIONE** (o) apparet. Tiberius ex Gallia, vbi cum Augusto erat, euocatus, eosdem pacauisse dicitur. **IORNANDES**, qui ab initio historiae suaee Getas cum Gothis confudit, quod paulo ante sua tempora Gothos in Getarum regione, quo ex Germania commigrauerant, coluisse cerneret. Vnde & Boerebistem Gothorum Regem facit, eisque Decaeneum leges tulisse (p) fingit. Erronee quoque Boerebistem Syllae aetate aequalem fuisse dicit, quem sub Augusto floruisse **STRABO**, grauis & coetaneus auctor indicauit. Post Boerebistem interim Reges **Comosicum**, **Corillum**, & **Dorpaneum** nominat, quos omnes non ad

Go-

(n) **STRABO** lib. VII. & lib. XVI.

(o) lib. LIV. in fine.

(p) **IORNAND.** *Getit.*

Gothos, sed ad Getas potius pertinere, certum est. STRABO post obitum Boerebistis, Regnum ipsius in plures partes diuisum fuisse memorat. Impares ideo Romanae potentiae Getae, parum abfuit, quin se prorsus Augusto postea dedidissent, nisi spei aliquid illis superfluisse in Romanorum hostibus Germanis. IORNANDES interim nos docet, Gothos, qui a Getis distinguendi sunt, vetustissimas leges scriptas habuisse, quas suo tempore *Bellagines* vocauerint. Addit, sacerdotes ipsorum dictos fuisse *Pileatos*: vbi STIERNHIELMIVS (q) obseruat, IORNANDEM confudisse Gothicā vocabula *hat*, *but*, *pileus*, cum *att*, *atte pater*, & inde conieciſſe a *pileo* dictos, qui vere *patres* sua lingua nominati fuerint. Potuerunt etiam in symbolum nominis paterni, quo dignitatis & reuerentiae causa compellabantur, caput opertum habuisse siue *pileos* gestasse; quemadmodum idem IORNANDES quoque refert, reliquos Gothos capillatos nuncupatos fuisse, qui vulgari scilicet lingua *herren*, hoc est domini dicebantur, voce cum *bar*, capillus consonante. Et in signum excellentiae ac dominii, quo gaudebant, capillorum flagellis Germanos veteres ingenuae conditionis superbiisse, notum est. Proceres vero suos Gothi, eodem IORNANDE auctore, *Anses* voca-

Gg 3

runt,

(q) In *Glossar. Ulpb. Goth. appendice.*

runt, quod interpreteris *Gratiosos.* Gothis enim & veteribus Germanis *ans* & *ans* gratiam designat.

§. CIX.

Tiberii ex-  
pedio in  
Sicambros &  
translatio  
eorum trans  
Rhenum.

Germani, qui Romanis praesentibus vix obsequi consueuerant, Drusi morte animati, ad pristinos mores & libertatis amorem reuertebantur. Aduersus eosdem igitur ab Augusto missus est octauo ante N. C. anno Tiberius & cum eo Caius, Agrippae & Iuliae, Augusto natae, filius, ut militiae adsuesceret. Parum hac in expeditione effectum, DIO non obscure prodit (r). VELLEIVS tamen ait, Tiberium victorem omnes Germaniae partes peragratum esse, eamque sic perdomuisse, ut in formam pene Stipendiariae redegerit prouinciae. CASSIODORVS quoque ex LIVIO Germanos omnes inter Albim & Rhenum Tiberio detitos dicit. Sed in Sicambris solum Tiberium occupatum fuisse, produnt Eclogae VRSINI Dionianae atque ipse DIO, si in eo *Cantabrorum* loco *Sicambrorum* nomen reponatur. HORATIVS his ipsis diebus (s) Augusto cecinit:

*Te caede gaudentes Sicambi  
Compositis venerantur armis.*

Et Tiberius ipse apud TACITVM (t) fatetur; se Sicambros consilio potius, quam vi, in ditionem accepisse

(r) Lib. XV.

(s) lib. IV. Od. penult.

(t) Annal. lib. II.

cepisse. *Suetonius* his addit (u), eum Sueuos ac Sicambros dedentes se in Galliam traduxisse atque in proximis Rheno agris collocasse. Exigua post haec Sicambrorum portio in veteribus sedibus remansit, cui *Deudorix* siue *Theodoricus* praefuit, a Germanico deinde Romae in triumphum ductus (w). Tandem & hae gentis reliquiae a Cattis & superuenientibus Francis absorptae sunt; qui a *MARTIALI*, *CLAUDIANO*, *SIDONIO* & aliis non raro ideo *Sicambri* vocantur. Regio autem Sicambrorum a Siga amne, circa quem procurrit, & veteri nostro *ham* vel *heim*, patria, regio, antiquissimis temporibus *Sigham* dicta fuisse videtur; un-*Sighamer* & Latinum *Sicamber* formatum, *ad Sigam flu-*  
*um habitantem* designat.

## §. CX.

Domitis Sicambris Tiberius in praemium operae nauatae *Imperatorium nomen & Consulatum*, paulo etiam post *Tribunitiam potestatem* in quinquennium ab Augusto accepit. Armenia quoque, quae defecerat, ipsi commendata est. Vtrumque male habuit Caium & Lucium Caesares, qui se spretos iudicabant. Tiberius iram eorum reueritus Rhodum secessit, ubi disciplinae quasi capienda causa per integros septem annos commoratus est. Fuere tamen, qui propter Iuliam

con-

(u) *August.* Cap. 21. & in *Tiber.* cap. 9. *EUTROP.* in *Aug.* *TIBERIUS*. *Annal.* lib. XII. 39.

(w) *STRABO* lib. VII.

Honores in  
Tiberium  
collati. Se-  
cessus eius  
Rhodiensis.

coniugem, quam diutius ferre nequuerit, Romadecessisse affirmarent (*x*).

§. CXI.

Marobodul  
inolitiones.  
Populi ci  
subiecti. Re  
gio Bouias-  
mum. Boio-  
rum expulso  
e Boiohemo.  
Boioariorum  
origo & Du  
catus.

In interiore Germania circa haec tempora non parua populorum commotio facta est, Maroboduo auctore. Erat is genere Marcomannus (*y*), nobilis na-  
tu, corpore praeualens, animo ferox & natione ma-  
gis, quam ratione barbarus (*z*). Marcomanni vero  
hic differunt, ut iam monui, a Marcomannis Caesari  
memoratis. Hi enim a Marciana sylua; Marobodui ve-  
ro populares a fluvio Marca siue Moraua, Danubium  
influentे, dicti sunt. Inuenis Marobodus Romae pri-  
uatus vixerat, &, rebus gerendis adhibitus, beneficiis  
Augusti affectus fuerat. Ibi vero demum, qua erat a-  
nimi perspicacia, didicerat, quibus artibus Regnum  
paretur, quibus viribus conseruetur. Concepit itaque  
& sibi Regnum, vimque regiam, ad posteros mansuram.  
Domum reuersus, primum inter suos, ex voluntate pa-  
rentium, occupauit principatum. Mox finitimos omnes  
aut bello domuit, aut conditionibus iuris sui fecit (*a*).  
Ex his STRABO *Luios* magnam gentem, *Zumos*, *Bu-*  
*tones*, *Mugilones*, *Sibinos* atque ex ipsis Sueuis ingen-  
tem

(*x*) DIO<sup>N</sup> lib. LV.

(*y*) STRABO lib. VII.

(*z*) VELLEIVS lib. II. c. 108.

(*a*) VELLEIVS & STRABO I. c.

tem *Semnonum* nationem nominat (*b*). *Luii* sine dubio sunt, qui caeteris *Lygii* dicuntur, quorumque situm supra exposuimus. *Butones* **B V C H E R I V S** in *Gutones* mutat, *Gothorum* progenitores; & quadrat huc, quod **T A C I T U S** refert, *Catualdam Gotonem Maroboduus rebellasse*. *Semnones* inter *Albim* & *Viadrum* noti: reliquae vero gentes ignotiores sunt. In *Coldulorum* gente *Sueuica*, iam intra nemus *Hercynium* habitante, regiam suam tum constituit *Marobodus*, eamque *Bouiasmum* **S T R A B O** vocat, addens *Marobodium* eo, cum aliis, tum *Marcomannos* gentiles suos transtulisse. *Bouiasmum* hoc plerique in *Boiohaemum* non recte mutant. *Boiohaemum* enim non regia, sed **V E L L E I O** teste, ipsa regio & patria *Boiorum* fuit, quam demum, postquam per aliquot tempus in principio nemoris *Hercynii* apud *Sueuos* *Coldulos* resedissent, occupauit *Marobodus*. Nec vero simile est, *Sueuos* in *Hercynia*, ut **S T R A B O** indicat, aduenas, meditullium regionis *Boiae* tenuisse. Ego itaque *Coldulos* sub montibus *Hercyniis* habitasse existimo, & *Coldulos* a Romanis pro *Woldulis* dictos, a veteri *Wold*, *sylua*, quod iam *Wald* enunciatur. Cum enim nostrum *W* non haberent, illius loco semper aut *G* aut *C* usurparunt. *Colduli* ergo erunt nobis *Woldler*, *Waldler* siue *syl-*

(*b*) *lib. VII.*



*syluicola*. Idem & Slavonica lingua *Lufatorum* nomen denotat, a Slav. *Log*, Dalm. *luugh*, Polon. *lias* Bohem. *les*, *sylua*, deriuatum. Hinc vero Colduli in Lufatorum regionem inter Albim & Spream orientem collocandi videntur. *Bouiasmum* hoc modo optime in *Budissinam* urbem congruit, & ipsum eius nomen ex illo *Bouiasmi* a Slavis, in eas terras postea irruentibus, corruptum esse potuit. Praeter autem populos a STRABONE recensitos, cis Albim Maroboduo adhuc paruerunt *Langobardi*, vt TACITVS indicauit (c). *Hermunduros* etiam si non omnes, eos tamen sub se habuit, qui Albi viciniores, vbi Sala illi miscetur, atque hos in Boiohaemum cum suis popularibus translocauit. Quo fit, vt TACITVS Albim in Hermunduris oriri affirmet (d). Imperio ita amplissimo instituto, firmamenta quoque addidit, corporis sui custodiam, & exercitum ad Romanae pene disciplinae formam redactum. Aduersus Romanos vero, VELLEIO teste, ita se gerebat, vt neque bello eos lacefseret; &, si lacefseretur, superesse sibi vim ac voluntatem resistendi declararet (e) Ne tamen inuasionibus eorum improvisis paterent sui, quas paulo ante ex-  
pertis

(c) *Annal.* lib. II. c. 45.

(d) *Germ.* c. 41.

(e) *VELLEI.* l. c.

perti erant Germani inter Visurgim Albimque agentes,  
 tutiore eos sede collocando siudicauit. Placuit Boiohae-  
 mi situs, quod montibus & syluis incinatum, Septen-  
 trionem spectanti, Germaniam ad laeuam, Pannoniam  
 ad dextram, a tergo vero Noricos habebat (f). Boii,  
 Gallica gens, quorum non minima portio nuper in  
 Pannonia a Dacis deuicta erat, veteres regionis incolae e-  
 rant. Hos ex diuturna pace moliores, subito Marobodus  
 inuasit & auitis sedibus pepulit (g.) Suos vero Marco-  
 mannos, Sueuos, & Hermunduros eorum loco ibi re-  
 posuit. Mansit tamen huc usque Boiohaemi nomen,  
 significatque loci veterem memoriam, mutatis quam-  
 uis aliquoties cultoribus. Cum tamen antiquitus Boii  
 Heluetiorum contermini circa Danubii ortum fuerint,  
 qui tandem ab Hermunduris eo venientibus obscurati  
 sunt; & aliquot post saecula ibi in utraque Danubii ri-  
 pa *Boioarii* inueniantur, quorum cum Boiis idem no-  
 men est; suspicor, Boios ex montanis depulso Her-  
 munduris ibi primum, & reliquiis veterum Boiorum  
 se miscuisse, ac tandem cum plurimi ex Hermunduris  
 in Romanum solum concessissent, nomen ipsorum  
 plane depressisse, Vindeliciae etiam parte maiore trans-

H h 2

Danu-

(f) VELLEI. l.c.

(g) VELLEIVS, TACITVS de Germ. cap. 28.



Danubium vel bona Romanorum voluntate vel armis sibi vindicata. IORNANDES, qui paulo post Gothos a Iustiniano euersos scripsit, *Baiobaros* vocat, vbi: *Regio*, ait, *Suaorum ab Oriente Baiobaros habet, ab Occidente Francos, a meridie Burgundiones, a Septentrione Thuringos.* Ita in Boioariis in lucem reductum est diu oppressum Boiorum nomen; quemadmodum & Catti, qui sub Regibus Francis non audiebantur, veteres licet sedes obtinerent, post eos tamen iterum sub nomine *Hassorum* inclaruere. VELSERVS igitur errauit, vbi statuit, Boios a Marcomannis non pulsos, sed saltem oppressos, aduentantibus demum Cechis, populis Slauonicis, Boiohemo excessisse, & primum in Nariscis, Palatinatu scilicet superiore ac vicinis locis, consedisse, ac tandem, Danubio traecto, in Vindeliciam, id est, praesentes sedes migrasse. Slavi enim circa IORNANDIS demum tempora in Boiohemum irrupere, vt ipse indicat (b) his verbis: *Vinidi, Antes, Slavi, quamuis nunc ita facientibus peccatis nostris ubique desaeuiunt, tamen tunc omnes Hermanarici imperii seruiere.* Boioarii autem diu ante iam in Vindelia, vt vidimus, inuenti sunt. Recentiores quidam cum Theodone Duce illos aduenisse putant. Hunc, Theoderico Ostrogothorum Rege in Italia regnante, Boiis vel Boioariis praefuisse

ARN-

(b) cap. 27.

ARNPECKIVS, AVENTINVS, VELSERVS, BRVN-  
NERVS & ADLZREITERVS docent, domesticos, sed  
valde recentes annales fecuti. Ego vero cum Illustri LEIB-  
NITIO (*i*) vereor, ne omnia, quae de antiquo illo Theo-  
done Boioario dicuntur, in fabulis cubent, cum nullo ve-  
terum testimonio iuuentur. Ducatus Boioariae, qui olim  
inclaruit, & Francorum tandem inuidiam, post  
etiam oppressionem meruit, amplissimus fuit: A  
fontibus enim Moeni (vbi circa Bambergam & Wurtz-  
burgum veterum Bauariae siue Austriae Marchionum  
sedes, & bona hereditaria erant) inter Sueiam &  
Boiohaemi montana, per omne Noricum, Vindel-  
ciam & Rhaetiae maiorem partem ad mare usque  
Adriaticum & Italiae fines explicatus olim fuit. - Vn-  
de vetus de Henrico Leone Boioariae & Saxoniae  
Duce, Principum nostrorum Satore, dicterium, quod  
*a mari ad mare*, hoc est a Balthico ad Adriaticum,  
regnauerit, omnino verum fuisse deprehenditur. Mar-  
chiaie Austriacae Cisdanubianae bonam deinde partem  
Episcopatus Ratisbonensis, Wurtzbergensis & Bam-  
bergensis sensim absorpsere. Friderici primi Impe-  
ratoris auctoritate integra Austria a Boioariae corpo-

Hh 3

re

(*i*) Vid. eius *praefat.* ad ADLZREITERI & BRVNNERI  
Annalium Boic, editionem Lipsensem.



re auulsa est. Postea etiam Stiria, Carinthia, Carniola & Meraniae vel Tirolis regio Austriacis ex Habsburgica domo Principibus accessit. Vnde cum in Circulos Germania sub Maximiliano primo diuidetur, Austriacus a Bauarico separatus, & Bauarius multo arctior factus est vetere Boioariae Ducatu (k).

### §. CXII.

*Marobodui  
bellum cum  
Bois Christo  
nascente ser-  
buit. Iani  
templum sub  
nativitatem  
Christi non  
fuit clausum.*

Marobodui vero hae aduersus Sueuos & Boios expeditiones & Boiohemi occupatio eo tempore contigisse videntur, quo Iesus Christus, generis humani Seruator, Betlehemi ex Maria Virgine nascebatur. Paulo enim post eam Augustus noui vicini potentiam reformatans, Tiberium, ut videbimus, aduersus eundem misit. Vix igitur constabit sibi inolita Patrum Ecclesiae quorundam, & ab Orosio ad nos propagata, sententia, Christum Iani templo Romae clauso, & pace per omnem terrarum orbem altissima natum esse. JOHANNES MASSONVS, vir eruditissimus, peculialem librum ante aliquot annos edidit, quem *Iani templum Christo nascente reseratum inscripsit*. Hoc Augustum Iani templum, SVETONIO teste, ter, & primum quidem V. C. anno 725. secundo 730. & tertio 744. clausisse; idem vero eodem hoc anno vel cer-

te

(k) Vid. LEBNITIVS L. c.

te sequenti reclusum fuisse, sub Tiberii demum imperio denuo obserandum, ex auctoribus & monumentis fide dignis demonstrat. Siue itaque secundum vulgarem Ecclesiae calculum, quem in computandis annis in hoc opere nos secutos esse, hic profitemur, Christus anno V. C. 753, siue, secundum IOHANNIS KEPPLERI excellentis Mathematici nostratis sententiam anno V. C. 748. siue, secundum IOHANNEM DECKERVM & DIONYSIVM PETAVIVM A. V. C. 749. siue denique secundum SCALIGERVM, CALVISIVM, BARONIVM, VOSSIVM, LANGIVM & caeteros A. V. C. 731. in lucem editus fit, templum patuit & bella non uno in loco ferbuerunt.



Conspe-